



ციბეხანი

№ 16 / 6 - 26 იანვარი 2010

საქართველო 2009 - ში **33. 23**

ტრაგედიის მემორიალი **33. 18**

უხევედრა მოსკოვში **33. 14**

ფონდ „ინკლუზივის“ დარბევა **33. 40**

უპატრონო ეკლესიები **33. 36**

VS: მსუბუქი ნარკოტიკების ლეგალიზაცია **33. 08**

მხიარული თამაშები ძებლებით და საფლავებით **33. 52**

პრეზიდენტის პატრიოტული პროექტი **33. 42**

საპროტესტო არტი **33. 47**

ISSN 1987-7528



ფასი 2.80 ლარი



სუპერმერი ბრუნდება 33. 10

כסחטטע כעחחחח! fm 101.9 חנהטנהחחחחחח





ფოტო: ტომო აკა-კახიანი

ნომარი:

- 02 რედაქტორი
- 04 მოკლედ
- 06 ვრცლად
- 08 ორი აზრი
სახიფათოა თუ არა მსუბუქი ნარკოტიკების ლეგალიზაცია?
აკაკი გამყრელიძე v.s. ნიკო ნერგაძე
პოლიტიკა
- 10 სუპერმერი ბრუნდება
- 13 თვითმმართველობის არჩევნები
წინასაარჩევნო „ამხანაგობა“
- 14 ინტერვიუ
შეხვედრა კრემლში
ზურაბ ნოღაიდელი
ჟურნალისტური გამოძიება
- 18 ტრაგედიის მემორიალი
საქართველო 2009-ში
- 24 9 იანვარი – საქართველოსა და ამერიკის

- 25 20 იანვარი – ინყება „საკანი №5“
- 26 16 თებერვალი – ირაკლი ალასანიას პოლიტიკური გუნდის პრეზენტაცია
- 27 8 აპრილი – კონფლიქტური რეგიონების ადმინისტრაციულ საზღვრებს ნანილობრივ რუსული ჯარი გააკონტროლებს
- 28 9 აპრილი და ოპოზიციის საპროტესტო აქციები
- 30 26 მაისი – ოპოზიციისა და მისი მხარდამჭერების შეკრება ეროვნულ სტადიონზე
- 31 15 ივნისი – დარბევა პოლიციის მთავარ სამმართველოსთან

- 32 12 ივლისი - პრეზიდენტის სასახლის პრეზენტაცია
- 32 30 სექტემბერი – გამოქვეყნდა ტალიავინის საგამოძიებო კომისიის დასკვნა
- 33 19 დეკემბერი – ქუთაისში „დიდების მემორიალის“ აფეთქება
ადამიანის უფლებები და სამართალი




- 36 უპატრონო ეკლესიები
- 40 ფონდ „ინკლუზივის“ დარბევა
პოლიცია ღირსებისა და

- პატივის წინააღმდეგ **საზოგადოება**
- 42 პრეზიდენტის პატრიოტული პროექტი
- 47 **სტუდენტური მოძრაობა**
საპროტესტო არტი
საუბრები ლიბერალიზმზე
- 50 ნეოკონსერვატორული საგარეო პოლიტიკა
- 52 **თვალსაზრისი**
მხიარული თამაშები
ლაშა კალანდაძე

ბარეკანაზა:

სუპერმერი ბრუნდება
ილუსტრაცია: ოთარ ყარალაშვილი





ნახატი პიპ-ბპერღზი:

www.liberali.ge

ინტერვიუები:

გიგი უგულავა
ზურაბ ნოღაიდელი

ბლოგები:

ღაშა ბაქრაძე
შორენა შავერდაშვილი

საერთოდ, გიგი უგულავაზე და მერიაზე წერა, თურმე, დაძრული მატარებლის დევნას ჰგავს. ვერასოდეს დაეწევი. გგონია, რომ ყველა პროექტს გაეცანი, ყველა ინფორმაცია მოაგროვე, მაგრამ სწორედ იმ დროს, როცა ჟურნალი სტამბაში მიდის, შენ კი – სახლში, ვრცელდება ინფორმაცია, რომ მერიამ თბილისელებს გაზისა და დასუფთავების დავალიანება გადაუხადა! 2007 წელს, როცა პრეზიდენტობის კანდიდატმა ბადრი პატარკაციშვილმა იგივეს გაკეთება სცადა, ამას ამომრჩევლის მოსყიდვა ერქვა, 2010-ში კი ამომრჩეველზე ზრუნვა დაერქმევა.

ასეა თუ ისე, გიგი უგულავამ სანტა-კლავსებს წელს ბიზნესი ჩაუშალა.

საახალწლოდ სანატრელი აღარაფერი დაგვრჩა, გარდა ერთისა – ძვირფასო სანტა, ისე ქენი, რომ 2010 წლის ადგილობრივი თვითმმართველობის არჩევნებმა სამართლიანად ჩაიაროს და საქართველომ მართლა გადადგას ნაბიჯი დემოკრატიისკენ, თბილისელებმა ღირსეული და თავისუფალი არჩევანი გააკეთონ, ყველას სამსახურები გვექონდეს, რომ გაზისა და დასუფთავების დავალიანება არ დაგვიგროვდეს, რომელსაც მერე წინასაარჩევნოდ მთავრობა ისევ ჩვენ მიერ გადახდილი გადასახადებიდან დაგვიფარავს.

ყველას გილოცავთ ახალ წელს!

მოგვწერეთ,
სოფო ბუკია,
კავკასიისა და კონფლიქტების
განყოფილების რედაქტორი
sopho.bukia@liberali.ge

რედაქტორი: მთავარი რედაქტორი შორენა შავერდაშვილი / აღმასრულებელი რედაქტორი ნინო ჯავახიშვილი / პოლიტიკა და საერთაშორისო ამბები სოფო ჭავჭავაძე / კავკასია და კონფლიქტები სოფო ბუკია / ჟურნალისტური გამოძიება ბესო კურტანიძე / საზოგადოება თამარ ბაბუაძე / ადამიანის უფლებები და სამართალი ნინო ბუჩქიშვილი / ახალი ამბები ნათია ახალაშვილი რედაქციის: ფოტო-რედაქტორი ლევან ხერხეულიძე / გრაფიკული დიზაინი თორნიკე ლორთქიფანიძე / რედაქტორ-სტილისტი ნინო სვანიძე / კორექტორი ნინო საითიძე ბამომცემლობა: პროექტის მენეჯერი ქეთი ბაბუნაშვილი / პროექტის მენეჯერის ასისტენტი ლელა შუბითიძე / რეკლამის და გაყიდვების დირექტორი შალვა ჩუბინიძე / დისტრიბუტორი ზვიად შენგელია

ბამომცემი: შპს „ლიბერალი“. მისამართი: თბილისი 0162, ფალიაშვილის ქ. 108. ტელ.: (995 32) 232235, 233731, 912326. ელ-ფოსტა: info@liberali.ge
სსპ ბამომცემი: „ცხელი შოკოლადი“, „ცხელი შოკოლადი – ლიტერატურა“, „ბიზნესი: ადამიანები, მეთოდები, სტრატეგიები“.

„ლიბერალის“ საავტორო უფლებები დაცულია.

ჟურნალში გამოქვეყნებული მასალების ნაწილობრივი და/ან მთლიანი გამოყენება რედაქციის თანხმობის გარეშე აკრძალულია.

ბამომცემი: სტამბა „სეზანი“. მისამართი: თბილისი, ნერეთლის გამზ. 140. ტელ.: (995 32) 35 70 02.

ტირაჟი: 5000 ცალი. გამოდის ორ კვირაში ერთხელ. პირველი ნომერი გამოცემულია 2009 წლის მაისში. რეკომენდებული საცალო ფასი 2,80 ლარი.

www.liberali.ge

ISSN 1987-7528

გამოიწერეთ ჟურნალი „ლიბერალი“ და მიიღეთ იგი გამოსვლის დღეს
(ყოველ მეორე ოთხშაბათს)
თქვენთვის სასურველ მისამართზე



ლიბერალი

6 ნომერი (3 თვე) – 16,80 ლარი
13 ნომერი (6 თვე) – 36,40 ლარი
25 ნომერი (1 წელი) 70 ლარი

ჟურნალის გამოსაწერად დაგვიკავშირდით ტელეფონზე:
23 37 31, (899) 48 62 41
ან მოგვანოვდით თქვენი საკონტაქტო ინფორმაცია
ელ-ფოსტით: info@liberali.ge



მუხროვანის საქმის განსასჯელეზისთვის პროკურორი ხანგრძლივ პატიმრობას ითხოვს

კობა ოთანაძეს – 30 წელი, ლევან ამირიძეს – 29 წელი, შოთა (მამუკა) გორგიაშვილს – 19 წელი, კობა კობალაძეს – 13 წელი და 6 თვე – ასეთ გრძელვადიან პატიმრობებს ითხოვს პროკურორი მუხროვანის საქმეზე დაკავებული პირებისთვის. ოთხივე განსასჯელს ხელისუფლების დამხობის მიზნით ამბოხების მომზადება ედება ბრალად. გარდა ამისა, კობა კობალაძეს ცეცხლსასროლი იარაღის და ხელყუმბარების უკანონო შენახვა, ხოლო ოთანაძეს – ცეცხლსასროლი იარაღის და სააფეთქებელი მოწყობილობების მართლსაწინააღმდეგო ტარებაც ედება ბრალად.

მუხროვანის საქმეზე სასამართლო პროცესი დასკვნით, მხარეთა პაექრობის ეტაპზე გადავიდა. პროკურორმა სასჯელის ასეთი ვადები საბრალდებო დასკვნის წაკითხვის შემდეგ მოითხოვა.

პირველი ბრიგადის ყოფილი მეთაურის

დავით სულხანიშვილისთვის პროკურორი 4-წლიან პატიმრობასა და 20-ათასლარიან ჯარიმას ითხოვს, მე-3 ბრიგადის ყოფილი მეთაურის კახა კობაიძისთვის – 4-წლიან პატიმრობასა და 10 ათასი ლარის ოდენობის ჯარიმას.

საქმეზე დაკავებული სამოქალაქო პირებისთვის პროკურორის მიერ მოთხოვნილი სასჯელის ვადები 9-დან 17 წლამდე მერყეობს.

განსასჯელების ადვოკატები მიიჩნევენ, რომ პროკურატურის ასეთი მოთხოვნები დაუსაბუთებელი და საფუძველს მოკლებულია. ადვოკატები ვარაუდობენ, რომ მოსამართლემ, შესაძლოა, პროკურორის მოთხოვნებს მხოლოდ 2-3 წელი დააკლოს.

სასამართლო პროცესი ადვოკატების დაცვითი სიტყვებით გრძელდება.

მკალავიშვილი საპატრიარქოს განცხადებას უარყოფს

საქართველოს ეკლესიის წმინდა სინოდის გადაწყვეტილებით, ყოფილ მარგვეთელ ეპისკოპოსს, ქრისტეფორე ნამალაძეს, ბასილ მკალავიშვილსა და მღვდელ ვახტანგ მარგიანს მონასტერში მოსანანიებლად წასვლის უფლება მიენიჭათ. საპატრიარქოს მიერ გავრცელებული ინფორმაციის თანახმად, მეუფე ქრისტეფორემ საეკლესიო დარღვევებისა და შეცდომების გამო შენდობა ითხოვა. ვახტანგ მარგიანმა და ბასილ მკალავიშვილმა კი სინოდს წერილობითი თხოვნით მიმართეს. ბასილ მკალავიშვილი აცხადებს, რომ მონანიების შესახებ ტელევიზიიდან შეიტყო და არც წმინდა სინოდის კრებისთვის მიუმართავს წერილობით.

მკალავიშვილი აცხადებს, რომ საპატრიარქოდან დაურეკეს და სინოდის სხდომაში მონაწილეობა სთხოვეს, თუმცა განსახილველი საკითხები მისთვის წინასწარ უცნობი იყო.

შეგახსენებთ, რომ ბასილ მკალავიშვილი 4-წლიანი პატიმრობის შემდეგ 2008 წლის 25 მაისს გაათავისუფლეს. მან სასჯელი რელიგიურ უმცირესობებზე თავდასხმის გამო მოიხადა. მკალავიშვილი მართლმადიდებელი ეკლესიიდან განკვეთილი იყო. სამართალდამცავებმა იგი 2004 წლის მარტში, გლდანში, მისივე აპენებულ ეკლესიაში დააპატიმრეს.

დობრუნებენ თუ არა მღვდელმსახურების უფლებას ყოფილი ეპისკოპოსი ქრისტეფორე ნამალაძე, ბასილ მკალავიშვილი და ვახტანგ მარგიანი, სინოდის შემდეგ კრებაზე გადაწყდება.

იბერეთს ახალი გუბერნატორი ჰყავს

იმერეთს პრეზიდენტის ახალი რწმუნებული ჰყავს – ლაშა მაქაცარია. „ჩვენ ახლა იქ გვჭირდება ახალი სისხლი და ახალი კადრი“, – ასეთი სიტყვებით დაიწყო საქართველოს პრეზიდენტმა მისი წარდგენა. მაქაცარია ახალ პოსტზე პრეზიდენტის ადმინისტრაციის უფროსის მოადგილის თანამდებობის დატოვების შემდეგ გადავიდა. მანამდე მის სახელთან ბევრი განხმაურებული ამბავი იყო

დაკავშირებული. მაშინ, როდესაც ის თბილისის ზედამხედველობის სამსახურს ხელმძღვანელობდა, მისი მითითებით თბილისში მრავალი შენობა დაინგრა, სასამართლოს გადაწყვეტილების გარეშე; მათ შორის – თაბუკაშვილის ქუჩაზე მდებარე სახლი. ახალი გუბერნატორი აცხადებს, რომ ის ყველა იმ დაპირებას შეასრულებს, რაც მისმა წინამორბედებმა დადეს.

რუსი სამხედრო საქართველოში

საქართველოს მთავრობას უკვე მესამე რუსმა ჯარისკაცმა მიმართა პოლიტიკური თავშესაფრის მოთხოვნით. 25 წლის ვიტალი ხრიპუნი აცხადებს, რომ მან თავისი სამხედრო შენაერთი პოლიტიკური მოტივით დატოვა.

ვიტალი ხრიპუნისთვის ლტოლვილის სტატუსის მინიჭების გადაწყვეტილებას ლტოლვილთა და განსახლების სამინისტროს შესაბამისი სამსახური 4 თვეში მიიღებს. ლტოლვილთა და განსახლების მინისტრის კობა სუბელიანის თქმით, საბოლოო გადაწყვეტილების მიღებამდე ხრიპუნს „რამდენიმე ინტერვიუ ჩაუტარდება, რომლებსაც გაერო-ს ლტოლვილთა უმაღლესი კომისარიც დაესწრება“. მინისტრი აცხადებს, რომ ისეთი შემთხვევებიც მომხდარა, როდესაც საქართველოს ტერიტორიაზე გადმოსული ჯარისკაცი მშობლებისთვის უკან დაუბრუნებიათ. „ამ შემთხვევაში, დარჩება თუ წავა ჯარისკაცი უკან, გაერო-ს გადასახლება, რადგან თუკი ქართული მხარე ჯარისკაცის რუსეთში დაბრუნებასთან დაკავშირებით მიიღებს გადაწყვეტილებას და შემდეგ მის სიცოცხლეს საფრთხე დაემუქრება, პასუხისმგებლობა ქართულ მხარეს დაეკისრება“, – ამბობს ის.

ვიტალი ხრიპუნი აცხადებს, რომ იგი რუსულ სასაზღვრო ჯარში მსახურობდა და ცხინვალში ოქტომბერში ჩამოვიდა. რუსული მასშედა კი, სამხრეთი ოსეთის ძალოვან სტრუქტურებზე დაყრდნობით, ავრცელებს ინფორმაციას, რომ ხრიპუნი კონტრაქტით მსახურობდა ჯავის რაიონის სოფელ სინაგურში განთავსებულ სასაზღვრო ნაწილში. მათივე ინფორმაციით, ხრიპუნი 20-21 დეკემბრის ღამეს სოფელ პერევეთან სასაზღვრო რაზმის შემადგენლობაში იყო და სწორედ ამ ღამეს დაიკარგა.



რისხვები

8 მილიონი ლარი აქვს საზოგადოებრივ მაუწყებელს ვალი. აქედან ნახევარი საბანკო კრედიტია, ნახევარი კი – ევროპის მაუწყებელთა კავშირის დავალიანება.

80 მილიონი ლარით გაიზარდა თბილისის 2010 წლის ბიუჯეტი.

4 მილიონი ლარი დაჯდა ვიქტორ იუშჩენკოს წინასაარჩევნო კამპანია.

332 მილიარდდრით ნაკლები დარჩა მსოფლიოში 2009 წელს, წინა წელთან შედარებით.

118 მილიონით დაფინანსდება ქობულეთი-ბათუმის გზის მშენებლობა.

სიტყვები



„რუსეთთან თანამშრომლობის არეალის გაფართოების მცდელობა არ ნიშნავს საქართველოზე რუსეთის წნეხის ან რუსეთის მიერ უკრაინის შანტაჟის დავიწყებას. საქართველოსთან და უკრაინასთან მიმართებაში უკან დახევა უკან გადადგმული გიგანტური ნაბიჯი იქნება – ორივე შემთხვევაში, ეს გააძლიერებდა რუსეთის იმპერიულ ნოსტალგიას და აღმოსავლეთ ევროპის უსაფრთხოებასთან დაკავშირებულ შიშებს, რომ აღარაფერი ვთქვათ შეიარაღებული კონფლიქტის გაღვივების ალბათობის ზრდაზე. თუმცა, აქამდე ობამას ადმინისტრაციას აყოვნებს საქართველოსათვის თუნდაც მხოლოდ თავდაცვითი შეიარაღების მიყიდვას“.

ზბიგნევ ბჟეზინსკი ობამას საგარეო პოლიტიკაზე დეკემბერი, 2009

„ევროპასა და ვაშინგტონში ესმით, რომ 2008 წლის აგვისტოში სააკაშვილის მიერ მოწყობილი ავანტიურის გამეორება დაუშვებელია. ჩვენ პარტნიორებს ამის ხმამაღლა თქმა არ შეუძლიათ. როგორც ჩანს, მათ ჯერ კიდევ რცხვენიათ ამის გაკეთების, რადგან ეს იმათი შეცდომის აღიარება იქნება, ვისაც სააკაშვილზე ჰქონდა გათვლა. მაგრამ, დაზუსტებით ვიცით, რომ ისინი ამ აზრს თბილისს ზუსტად აწვდიან“.

სერგეი ლავროვი

28 დეკემბერი, „როსიისკაია გაზეტა“

„რუსებს დიდი სიამოვნებით გაეუცვლიდით სტალინის ძეგლს აფხაზეთსა და ოსეთში და ხურდაში „დიდების მემორიალსაც“ მივაცოლებდით“.

თემურ იაკობაშვილი

30 დეკემბერი, თბილისი

ურთიერთობების ღღობა თუ რუსეთის ნება?

ყაზბეგი-ზემო ლარსის გამშვები პუნქტი, სავარაუდოდ, გაზაფხულზე გაიხსნება.

ნათია ახალაშვილი



■ ყაზბეგი-ზემო ლარსის საკონტროლო გამშვები პუნქტი, 2007

ფოტო: ილიკა პუზანიძე

ყაზბეგი-ზემო ლარსის საკონტროლო გამშვები პუნქტი 2010 წლის მარტის დასაწყისში გაიხსნება. ამ ინფორმაციას საქართველოს საგარეო საქმეთა სამინისტრო ავრცელებს და რუსეთის სახელმწიფო საზღვრის მოწყობის ფედერალური სააგენტოც ადასტურებს.

საქართველო-რუსეთის ერთადერთი ლეგიტიმური სახმელეთო საზღვარი 2006 წლის ივლისში რუსეთის გადაწყვეტილებით დაიხურა. მიზეზად მაშინ სარემონტო სამუშაოები დაასახელეს. რუსულმა მხარემ სამუშაოების დასრულების შესახებ ოფიციალური ცნობა 2009 წლის მაისში გაავრცელა, თუმცა რეალურად რემონტი უკვე კარგა ხნის დასრულებული იყო. განა-

ხლდა ქართული სასაზღვრო-გამშვები პუნქტიც, რომელიც ახლა უკვე უახლესი ტექნოლოგიებითაა აღჭურვილი. იქვეა დამონტაჟებული რადიაციულ ნივთიერებათა აღმოსაჩენი აპარატურა. სასაზღვრო პუნქტის მოდერნიზება აშშ-ს ფინანსური დახმარებით მოხდა (დაახლოებით 2,5 მილიონი დოლარი). პუნქტში დამონტაჟებულია თანამედროვე საძიებო აპარატურა. იქვეა აშენებული საპატრულო პოლიციისა და საბაჟო სამსახურებისთვის საოფისე შენობები და ყაზარმები.

ყაზბეგი-ზემო ლარსის სასაზღვრო პუნქტის გახსნისთვის მზადყოფნის შესახებ საქართველოს პრეზიდენტმა მიხეილ სააკაშვილმა პირველად განაცხადა ივნისში, ერევანში ვიზიტისას.

გასული თვის განმავლობაში საზღვრის გახსნისთვის მზადყოფნის შესახებ უკვე რუსეთის პრეზიდენტმაც ისაუბრა.

ლარსის სასაზღვრო პუნქტის გახსნით განსაკუთრებითაა დაინტერესებული სომხეთი, რადგან სწორედ ეს გზაა ყველაზე მოსახერხებელი სომხეთსა და რუსეთს შორის სამოდროოდ. სომხეთს პროდუქციის 70-80% რუსეთში გააქვს. ეს პროდუქტები, ფოთის ან ბულგარეთის გავლით, ზღვით ჩადის რუსეთში. ამ გზის გავლას 10-დან 60 დღემდე სჭირდება, ზემო ლარსის გახსნის შემდეგ კი სომხური პროდუქტი რუსეთში 3-5 დღეში მოხვდება.

„ყაზბეგი-ზემო ლარსის გამშვები პუნქტის შესაძლო გახსნა რეგიონში ეკონომიკის შემდგომ განვითარებაზე

სასიკეთო ზეგავლენას მოახდენს და საქართველოს, როგორც სატრანზიტო სახელმწიფოს, როგორც გააძლიერებს“, – ეს სიტყვები რომსხეთის პრემიერ-მინისტრ ტიგრან სარგსიანს ეკუთვნის. მსგავსი შეფასებები არაერთხელ გამოუთქვამთ სომხეთის ხელისუფლებმა წარმომადგენლებს.

საზღვრის გახსნის მოტივად ქართული და რუსული მხარეები სწორედ სომხეთის ტრანზიტულ ტვირთებს ასახელებდნენ. ლარსის სასაზღვრო-გამშვები პუნქტის გახსნაზე დეკემბრის ბოლოს გამართულ ბრიფინგზე საგარეო საქმეთა მინისტრის მოადგილე ნინო კალანდაძემ ისაუბრა. მისი თქმით, მოლაპარაკება რუსულ და ქართულ მხარეებს შორის შვეიცარიის საელჩოს წარმომადგენლის შუამავლობით შედგა. კალანდაძე აცხადებს, რომ საზღვრის გახსნის „გადანყვეტილება გავრცელდება როგორც საქართველოს მოქალაქეებზე, ისე საქართველოს ტვირთზე და, შესაბამისად, ქართულ სატრანსპორტო საშუალებებზე“ და ეს არ იქნება მხოლოდ სატრანზიტო მექანიზმი, მეზობელი ქვეყნის ინტერესებიდან გამომდინარე. მინისტრის მოადგილე ამბობს, რომ მხარეები შეადგენენ ოქმს, სადაც გაინერება ყველა ის გადნყვეტილება, რომელიც ცალკეულ საკითხებთან დაკავშირებით იქნა მიღებული.

ეკონომიკური ექსპერტების ნაწილი

გან გაზრდის ვაჭრობას. ეს კი იმას ნიშნავს, რომ ვილაჯებს გაეზრდება შემოსავალი. ამ გადნყვეტილების ძირითადი შედეგი ეს იქნება. ჩვეულებრივი ადამიანები ამით მოიგებენ. რაც შეეხება პოლიტიკოსებს, ეს უკვე მათი გადასაწყვეტია – ვინ ჩათვლის, რომ ხალხის ეკონომიკური წარმატება მოგებაა, და ვინ ჩათვლის, რომ ეს ნაგებაა“, – აცხადებს ლევან როინიშვილი.

საზღვრის გახსნის თაობაზე სხვადასხვა მოსაზრება აქვს ყაზბეგის რაიონის მოსახლეობასაც. ზოგიერთ მათგანს რუსეთთან საზღვრის გახსნის ეშინია. ფიქრობენ, რომ ლარსის გახსნის შემდეგ ბოლო 20 წლის განმავლობაში რეგიონიდან წასული ოსი ეროვნების საქართველოს მოქალაქეები, რუსეთის ნაქეზებით, უკან დაბრუნდებიან და თრუსოს ხეობის ჩრდილო ოსეთთან შეერთებას დაუფარავად დაუჭერენ მხარს. ზოგი კი ამტკიცებს, რომ საზღვრის გახსნა რეგიონისთვის ბევრ სიკეთეს მოიტანს. „თუ საზღვარი გაიხსნება, ჩვენ რეგიონს დამატებითი შემოსავალი გაუზრდება, გზაც გაკეთდება. რისაც ზოგიერთს ეშინია, იმისგან ვერც ის ერთი „შლაგბაუმი“ დაგვიცავს, რომლითაც დღეს საზღვარია ჩაკეტილი“, – ამბობს ყაზბეგის მკვიდრი ელგუჯა ალიბეგაშვილი.

ლარსის იქით დარჩენილი ქართველები საზღვრის გახსნას მოუთმენლად

იმითომ რომ აქ ვმუშაობ და ოჯახს ვარჩენ. არ ვიცი, საქართველოში ვიპოვი თუ არა სამსახურს და რაღაც გარანტია მჭირდება. ამ წუთში უფრო იმითომ უნდა გაიხსნას ლარსი, რომ მიმოსვლა აღდგეს“, – ამბობს ბესლანში მცხოვრები რევაზ ალიბეგაშვილი.

ყაზბეგის გამგებელს საზღვრის გახსნის დიდი მოლოდინი აქვს. მიაჩნია, რომ ყაზბეგი-ზემო ლარსის გამშვები პუნქტი ყაზბეგის რაიონს გამოაცოცხლებს.

„ყაზბეგში 10-მდე საოჯახო სასტუმროა, რომლებიც მხოლოდ ზაფხულის სეზონზეა დატვირთული. გზა რომ გაიხსნება, მიმოსვლა მეტი იქნება, სასტუმროც ბევრს დასჭირდება და კვების ობიექტებიც. მართალია, ახლა სულ ერთი-ორი ასეთი ობიექტი ფუნქციონირებს ჩვენთან, მაგრამ ყაზბეგელები სიტუაციას უცხად უღებენ ალღოს. დარიალის ხეობაში გზა მოსანესრიგებელია და იმედი გვაქვს, რომ საზღვრის გახსნის შემდეგ ამასაც მოვევლება“, – აცხადებს ყაზბეგის გამგებელი გორა მალანია.

ადრე ვლადიკავკაზში ყაზბეგელები ვიზის გარეშე გადადიოდნენ, მხოლოდ პასპორტში სპეციალური ჩანართის მეშვეობით. საზღვრის გახსნის შემთხვევაში, მხოლოდ ჩანართით, სავარაუდოდ, ვეღარავინ მოხვდება ჩრდილო ოსეთში, რუსეთის ვიზის გაცემა კი ქართველებისთვის თითქმის

საერთაშორისო მედია საზღვრის გახსნას საქართველოსა და რუსეთს შორის დაძაბული ურთიერთობების განმუხტვის დასაწყისად მიიჩნევს.

საზღვრის გახსნას სკეპტიკურად უყურებს და საეჭვოდ მიაჩნიათ, რომ ამით საქართველო რაიმე მნიშვნელოვან ეკონომიკურ სარგებელს მიიღებს.

ექსპერტთა მეორე ნაწილს კი განსხვავებული პროგნოზები აქვს და ფიქრობენ, რომ საზღვრის გახსნა ყველასთვის მომგებიანი იქნება. ბრიტანული საკონსულტაციო კომპანია „Purple Sheep“-ის ბიზნეს კონსულტანტის ლევან როინიშვილს თქმით, „თუ ამ საკითხის პოლიტიკურ მხარეზე დავა შეიძლება, ეკონომიკური პროგნოზი ცალსახაა, იმის გამო, რომ თუ ვაჭრობა იზრდება, მაშინ პროცესი ყველასთვის მომგებიანი ხდება“.

„ლარსის გახსნა ყველა ადამიანისთვის მომგებიანი იქნება, რად-

ელიან. მათივე აზრს იზიარებენ ის ოსები, რომელთაც ნათესავები და ოჯახის წევრები ჰყავთ საქართველოში და, უკვე სამი წელია, ნახვა ვერ მოუხერხებიათ.

მიუხედავად იმისა, რომ ბესლანიდან საქართველომდე სულ რაღაც 40 კილომეტრია, სამი წელია, ამ მანძილის გავლით სამშობლოში მანინც ვერ ბრუნდებიან ჩრდილოეთ ოსეთში დროებით წასული ქართველები.

„უკვე ცამეტი წელია, აქ ვართ. ვიდრე საზღვარი ჩაიკეტებოდა, წელიწადში ერთხელ მანინც ჩავდიოდით საქართველოში. ბოლო სამი წელიწადია, ეს ვეღარ მოვახერხე. საზღვარი რომ გაიხსნება, მაშინვე ვერ ავდგები და სულ ვერ წამოვალ საქართველოში,

შეუძლებლად იქცა. ვიზების მიღების საკითხის მოგვარებას პირი არ უჩანს. ასე რომ, ყაზბეგელები ამ საზღვარს ალბათ ვერც უახლოეს მომავალში გასცდებიან.

საერთაშორისო მედია საზღვრის გახსნას საქართველოსა და რუსეთს შორის დაძაბული ურთიერთობების განმუხტვის დასაწყისად მიიჩნევს.

მართალია, რუსეთის საგარეო საქმეთა მინისტრი სერგეი ლავროვი აცხადებს, რომ ამ ეტაპზე მოსკოვისა და თბილისის შერიგება დღის წესრიგში არ დგას, მაგრამ ეს პროცესი მანინც ურთიერთობების განმუხტვის დასაწყისად ფასდება, მეორე ეტაპად კი ორ ქვეყანას შორის საჭაერო მიმოსვლის აღდგენას მიიჩნევენ. ■



აკაკი გამყრელიძე

დაავადებათა კონტროლისა და საზოგადოებრივი ჯანმრთელობის ეროვნული ცენტრის დირექტორის მოადგილე

დასაწყისშივე მინდა აღვნიშნო, რომ საზოგადოებაში გავრცელებული ტერმინი „მსუბუქი ნარკოტიკი“, სამედიცინო თვალსაზრისით, მცდარია. მით უმეტეს, როცა ვსაუბრობთ მარიხუანაზე, რომლის 2-3-ჯერ მოწვევაც კმარა, რომ ნარკოტიკისთვის დამახასიათებელი ძირითადი თვისება – მიჩვევა და შემდეგში განმეორებით მიღების მოთხოვნილება გამოავლინოს; უფრო მეტიც, მარიხუანამ ერთხელ მოწვევის დროსაც კი შეიძლება გამოიწვიოს ისეთი ფსიქიკური ძვრები, რომელზეც ფსიქიატრები დღემდე კამათობენ – არის ეს შიზოფრენია, რომელიც დაიწყო მარიხუანას მოხმარებით, თუ ჰაშიშური ფსიქოზი, რომელიც შიზოფრენიას ჰგავს.

მარიხუანა ხშირად არის ის ნარკოტიკული საშუალება, რომლითაც ზოგადად ნარკოტიკების მიღებას იწყებენ და შემდეგ გადადიან სხვა ტიპის, საზოგადოების გამოთქმით, უფრო „ძლიერ“ ნარკოტიკზე, მაგალითად ოპიუმზე. ანუ მარიხუანა საწყისი ეტაპია და ვთქვათ, ოპიატებისგან განსხვავებით, რომელთა მოხმარებას სჭირდება შპრიცი და მომზადება, გაცილებით ადვილად მოსახმარია.

საქართველოში, ისევე როგორც მსოფლიოს 204 ქვეყანაში, საერთაშორისო შეთანხმების საფუძველზე, აკრძალულია ექიმის დანიშნულების გარეშე ნებისმიერი სახის ნარკოტიკული საშუალების მიღება. ბოლო წლებში დაიწყო საუბარი მარიხუანას სამკურნალო თვისებებზეც. არის ქვეყნები, მაგალითად იაპონია, სადაც მარიხუანა ონკოლოგიური ავადმყოფების მკურნალობისთვის, სიმსივნური ტკივილების დროს გამოიყენება. თუმცა იქ ასეთი გამოყენებაც მხოლოდ ექიმის დანიშნულებით ხდება.

დღეს, როცა ლიბერალიზაციაზე ვსაუბრობთ, უნდა გავიხსენოთ თუნდაც მეზობელი რუსეთი, რომელმაც დაახლოებით 10 წლის წინ მოახდინა ლიბერალიზაცია, ანუ გააუქმა ნარკოტიკების მიღებაზე ადმინისტრაციული და სისხლის სამართლის დასჯადობის მუხლი. მიიღეს შემდეგი სურათი: 2004 წელს ფსიქიატრების ყრილობაზე მთავარმა ნარკოლოგმა გამოიტანა შედეგები, რომლის თანახმად, რუსეთის 16 ქალაქში 13 წლის ასაკში თითქმის ყველა მოიხმარდა ნარკოტიკებს. 2005-ში კანონი სასწრაფოდ აღადგინეს.

ასეთივე შედეგი გვაქვს პოლანდიაში, როცა ამსტერდამის რამდენიმე რაიონში მოხდა მოხმარების დეკრიმინალიზაცია. ფაქტობრივად, ეს იყო არა კანონი, არამედ საპროცესო შეთანხმება სახელმწიფოსა და პოლიციას შორის, რომ პოლიციას ის რაიონები არ გაეკონტროლებინა. დღეს პოლანდიელი კოლეგები სერიოზულად ფიქრობენ, რომ ეს დაშვება ისევ გააუქმონ, თუნდაც იმიტომ, რომ იმ კვარტალში არა მარტო მარიხუანას, სხვა ნარკოტიკებსაც მოიხმარენ; ასევე იმის გამო, რომ იქ მარიხუანა ადვილად იყიდება, ადვილადვე გამოდის გარეთ.

ძალიან რთულია ამ საკითხის თავიდან ბოლომდე განხილვა. ნარკომანია არ არის ინფექციური დაავადება, რომელიც შეიძლება შეგეყაროს. როცა ლიბერალიზაციაზე ვფიქრობთ, არ უნდა დაგვაგინყდეს, რომ ნარკომანები არ



სახიფათო მსუბუქი ნარკოტიკი

არიან განყენებული ადამიანები, მათ გვერდზე საზოგადოებაა, ახალგაზრდა თაობა. ჯანდაცვის მსოფლიო ორგანიზაცია ითვლის სტატისტიკას, რომ ერთი ნარკომანი საშუალოდ ათ ადამიანს მოიზიდავს ნარკოტიკის გასასინჯად, რომლიდანაც 3 ნარკომანი ხდება. ამაზეა ლაპარაკი.

ახალგაზრდა ასაკში უფრო დიდია კანონის შიში, ვიდრე შეგნება იმისა, რომ ნარკოტიკი ცუდია. მე, როგორც ექიმს, მეცოდება ჩემი ავადმყოფები, რომლებიც ისჯებიან იმის გამო, რომ ავადმყოფები არიან. მაგრამ ეს რომ არ გვექონდეს, უარეს მდგომარეობას მივიღებდით. რაც შეეხება ამ ხალხის დახმარებას, ლიბერალიზაცია კი არა, საჭიროა, საზოგადოებამ ერთი მხრივ სახელმწიფოს, მეორე მხრივ საკუთარ თავს მოსთხოვოს, გააკეთოს რამე ნარკომანიის აღმოსაფხვრელად. დღეს ჩვენ არ გვაქვს რეაბილიტაციის ცენტრი, არა გვაქვს სავალდებულო მკურნალობის საშუალება, არადა, ნარკომანი ხშირად თვითონ თხოულობს, – ჩამკეტეთ, რომ თავი დავანებოო.

მართალია, ჩვენთან სახელმწიფომ დაიწყო ზრუნვა სავალდებულო მკურნალობის სტაციონარის გაკეთებაზე, მაგრამ ეს ჯერ საკმარისი არაა. ეკონომიკური მდგომარეობის გამო, ბევრი რამ გვაკლია.

ვერჯერობით არც საქართველო და არც ჩვენზე ბევრად უფრო მონესრიგებული მსოფლიოს სხვა ქვეყნები ლიბერალიზაციისთვის მზად არ არიან. მით უმეტეს, ქართველებს ხასიათში გვაქვს, ოღონდ რამეზე „შევიჯდეთ“ და სიამოვნება მივიღოთ. **■**



ილუსტრაციის თაქსტი

თუ არა შობის ლეგალიზაცია?



ნიკო ნერგაძე
ჟურნალისტი

ნარკოტიკების „მძიმედ“ და „მსუბუქად“ დაყოფა, ორგანიზმისთვის მიყენებული ზიანის გარდა, იმიტომ განისაზღვრება, თუ რა დოზით იწვევს ის ფიზიკურ დამოკიდებულებას და რამდენად რთული და მტკივნეულია მისთვის თავის დანებება. ამ მახასიათებლებით დალაგებული ნარკოტიკული საშუალებების სიაში მარიხუანა ბოლოს, ყავასთან ერთად აღმოჩნდებოდა – ალკოჰოლის და თამბაქოს ქვემოთ. ბევრი მძიმე ნარკოტიკად მიიჩნევა სიგარეტს, ფიზიკური დამოკიდებულების მაღალი ხარისხისა და ჯანმრთელობისთვის საზიანოების გამო.

შეიძლება ხშირად მოისმინოთ, რომ კანაბისი (მარიხუანა და ჰამშიში) თავისთავად მაინცდამაინც საშიში არ არის, მაგრამ მის მოხმარებას შეიძლება გრძელვადიანი ცუდი შედეგი მოჰყვეს. „კარიბჭის თეორიის“ თანახმად, კანაბისის მწველი შემდეგ სხვა, მძიმე ნარკოტიკების – შერონის და კოკაინის მოხმარებაზე გადადის. არსებობს რამდენიმე ჰიპოთეზა იმის ასახსნელად, თუ რამ შეიძლება გამოიწვიოს მსგავსი ეფექტი. ერთის მიხედვით, მარიხუანა ერთგვარი „პირველი საფეხურია“, რომელიც შემდეგ აიოლებს სხვა, უფრო ცუდ საფეხურებზე გადასვლას. მეორეს მიხედვით, კანაბისი ტვინს დამოკიდებულ მდგომარეობაში ყოფნას აჩვევს და ამიტომ შემდეგ მწველი უფრო ადვილად ხდება ნარკოდამოკიდებული. ამ განსხვავებულ ჰიპოთეზებს ერთი რამ აერთიანებს – მეცნიერული კვლევებით არც ერთი არ მტკიცდება.

RAND-ის (გლობალური კვლევითი ორგანიზაცია, რომელსაც სხვე-

ბთან ერთად ამერიკის მთავრობაც აფინანსებს) 2002 წლის კვლევის თანახმად, მიზეზ-შედეგობრივი კავშირი მარიხუანას მოხმარებასა და მძიმე ნარკოტიკების მიღებას შორის არ არსებობს. იგივეს ამბობს ამერიკის ფსიქიატრთა ასოციაცია. მსგავსი შედეგები აჩვენა მსოფლიო ჯანდაცვის ორგანიზაციის კვლევებმაც.

2002 წელს საზოგადოებრივი ჯანმრთელობის ამერიკულ სამეცნიერო ჟურნალში გამოქვეყნდა კვლევა, რომლის ავტორებიც ცდილობდნენ, დაედგინათ, თუ რა ეფექტს ახდენს განსხვავებული ანტინარკოტიკული პოლიტიკა კანაბისის მოხმარების ტენდენციებზე. ავტორები იკვლევდნენ მწველებს სან ფრანცისკოსა და ამსტერდამში – ქალაქებში, რომლებშიც ნარკოპოლიტიკა სრულიად განსხვავებულია. ამერიკაში კანაბისის მოხმარება კანონდარღვევად მიიჩნევა და მსურველმა ის შვებულება უნდა შეიძინოს, ამსტერდამში კი მისი მოხმარება კანონით დაშვებულია და 18 წელს გადაცილებულებს შეუძლიათ ნარკოტიკი მაღაზიაში შეიძინონ და საჯაროდ მოხმარონ. კანონმდებლობაში განსხვავებების მიუხედავად, ტენდენციები ორივე ქალაქში მსგავსი იყო – კანაბისის მოხმარება მცირე დოზებით იწყება, შემდეგ იზრდება, მცირე პერიოდის განმავლობაში მაქსიმუმს აღწევს, შემდეგ კი მოხმარება დროთა განმავლობაში საგრძნობლად იკლებს ან საერთოდ წყდება.

თუმცა, განსხვავებებიც იყო. ამ კვლევის მიხედვით, სან ფრანცისკოელი კანაბისის მწველები საგრძნობლად უფრო ხშირად გადადიოდნენ კოკაინზე, კრეკზე და ოპიატებზე, ვიდრე ამსტერდამელები, იმის მიუხედავად, რომ ნარკოტიკებთან დაკავშირებული პოლიტიკა ნიდერლანდებში უფრო ლიბერალურია, ვიდრე ამერიკაში. რით შეიძლება ამის ასხნა?

კვლევის ავტორები ვარაუდობენ, რომ ამ შემთხვევაში, „კარიბჭის ეფექტი“ გამოიწვია არა კანაბისმა, არამედ შვებულება ბაზარმა. ნარკოტიკების მოხმარებლებმა ოპიატების გასინჯვა დაიწყეს არა იმიტომ, რომ მანამდე მარიხუანას ეწოდნენ, არამედ იმიტომ, რომ ნარკომოვაჭრესთან ჰქონდათ ურთიერთობა, რომელიც კანაბისის გარდა სხვა, მძიმე ნარკოტიკებსაც ყიდდა.

ამ კვლევის მიხედვით, კანაბისის კანონით დაშვება ან აკრძალვა მისი მოხმარების ზრდაზე გავლენას არ ახდენს. თუმცა, ეს იმას არ ნიშნავს, რომ ჰოლანდიელების მიდგომა ყველა ქვეყნისათვის ერთნაირად გამოსადეგია. ნიდერლანდების კულტურული და სოციალური ვითარება საქართველოსგან განსხვავებულია, და რთულია იმის დანამდვილებით თქმა, რომ დეკრიმინალიზაცია კანაბისის მოხმარებას არ გაზრდის. განსაკუთრებულად კანონმორჩილი საზოგადოებისთვის შეიძლება დიდი მნიშვნელობა ჰქონდეს ნივთიერების ლეგალიზაციას თუ არალეგალიზაციას. თუმცა, ქართული საზოგადოებისგან ნიდერლანდების ან ამერიკის თუნდაც მსგავსი კანონმორჩილება ძნელი წარმოსადგენია.

ერთი ჰიპოთეზის თანახმად, ფართოდ გავრცელებული ნარკოტიკების, მათ შორის კანაბისის, მოხმარების ტენდენციებზე ყველაზე დიდ გავლენას ახდენს არაფორმალური, სოციალური კონტროლის მექანიზმები. ეს შეიძლება იმით ავხსნათ, რომ კანაბისის უმეტესობა განტვირთვის მიზნით, სოციალური თავშეყრის ადგილებში მოიხმარს. გამოკითხულთა უმეტესობა ამბობს, რომ არასოდეს მოიხმარს ამ ნარკოტიკს სამუშაო თუ სწავლის სიტუაციაში. ეს თავად მწველებს შორის არ არის მიღებული; ანუ, თვით იმ სტუდენტებისთვის, რომლებისთვისაც საღამოს, მეგობრებთან ერთად „პლანის“ მოწვევა პრობლემა არ არის, ლექციაზე „დაბოლოლი“ მისვლა მიუღებელია.

რომ შევავჯამოთ: სანქციებს დიდი შედეგი არ მოაქვს. კანაბისის გამოცდილ მოხმარებელთა დიდი ნაწილი ნაკლებ ყურადღებას უთმობს კანონს და მეტს – თავისი სუბკულტურის ნორმებსა და ნარკოტიკის მოხმარებასთან დაკავშირებულ ეტიკეტს. ამიტომ, თუ ფორმალური ნარკოპოლიტიკა არაფორმალურ, მოხმარებელთა შორის უკვე არსებულ წესებს გაითვალისწინებს, შეიძლება ამას უფრო ჰქონდეს ეფექტი. ■



■ გიგი უგულავას შეხვედრა თბილისის მოსახლეობასთან, 2009

პოლიტიკა

სუპერმერი ბრუნდება

მძლავრი ადმინისტრაციული რესურსისა და სრული მედია კონტროლის პირობებში შანსი, რომ უგულავა არ გახდება თბილისის მერი, ერთადერთია – თუ ის ამ პოსტზე საკუთარ კანდიდატურას არ დააყენებს.

სოფო ბუკია

„ახლა დღე და ღამე მხოლოდ იმაზე ვფიქრობ, რომ ინგლისურის და კომპიუტერის კურსებმა გაამართლოს, სხვა პროგრამებმაც კარგად იმუშაოს. ეს არის ახლა ჩემთვის ყველაზე მთავარი“, – ასე პასუხობს გიგი უგულავა კითხვას – ვის მიიჩნევს ის ყველაზე ძლიერ კონკურენტად თბილისის მერობისთვის ბრძოლაში.

თბილისის მერის კაბინეტი 21-ე სართულზეა, მერიის ახალ მისამართზე, შარტავას ქუჩაზე, ახლად გარემონტებულ შენობაში, დიდი ლიფტებითა და სუფთა დერეფნებით.

მისი ნათელი, კომფორტული ოთახის შემინული კედლებიდან ხელისგულივით მოჩანს მტკვრის მარცხენა სანაპირო. სამუშაო მაგიდასთან თბილისის რუკაა გაკრული.

„ახლა მარტო იმაზე ვფიქრობ, როგორ შევუმსუბუქო ყოფა თბილისელებს“, –

ამბობს უგულავა, რომელიც მართალია, ჯერ არაოფიციალურად, მაგრამ უკვე სრული სვლითაა ჩართული წინასაარჩევნო კამპანიაში. მას უნდა, თბილისის ისტორიაში პირველი პირდაპირი წესით არჩეული მერი გახდეს.

გიგი უგულავა პოლიტიკაში პირველად 6 წლის წინ გამოჩნდა. „ვარდების რევოლუციის“ შედეგად მოსულ ხელისუფლებაში მისი პირველი სამსახური იუსტიციის, შემდეგ კი უშიშროების სამინისტროში იყო. მას მინისტრის მოადგილის თანამდებობა ეკავა.

რამდენიმე თვის განმავლობაში უგულავა ერთ-ერთ ყველაზე დიდ და რთულ რეგიონში, სამეგრელო-ზემო სვანეთში პრეზიდენტის რწმუნებული იყო.

სწორედ ამ პერიოდში განთავსდა ადმინისტრაციულ საზღვარზე შინაგან საქმეთა სამინისტროს ძალები, დაინიშნა

ავტობუსი გალის რაიონის მოსახლეობისთვის, აღდგა ჭუბურხინჯის რეგულარული შეხვედრები.

2005 წლიდან უგულავა პრეზიდენტის ადმინისტრაციის უფროსი ხდება, რამდენიმე თვეში კი თბილისის მერს, ზურაბ ჭიაბერაშვილს ცვლის. ამ თანამდებობაზე დანიშნვიდან 1 თვეში უკვე მერი უგულავა მოსკოვში მიემგზავრება. ვიზიტის ოფიციალურ მიზეზზე ხელისუფლება არ საუბრობდა, თუმცა მედიაში გაჩნდა ინფორმაცია, რომ უგულავა მოსკოვში საქართველოსა და რუსეთის პრეზიდენტებს შორის შეხვედრას ამზადებდა. შეხვედრა მართლაც შედგა – რუსეთის ქალაქ ყაზანში დსთ-ს ლიდერთა სამიტზე.

უგულავას ინიციატივა იყო აეროპორტისკენ მიმავალი ტრასისთვის ჯორჯ ბუშის სახელის დარქმევა.

2005 წლიდან უგულავა უკვე ხელისუ-

ფლების წარმომადგენელთა იმ პატარა ჯგუფს მიეკუთვნება, ვინც შიდა პოლიტიკაში მნიშვნელოვან განაწილებებს იღებს. „ახალი მოვლენა პატარა-პატარა სახელისუფლებო ავტორიტარული კუნძულების გაჩენა ცალკეული გავლენიანი პირების გარშემო. ასეთები არიან ცალკეული მინისტრები – შინაგან საქმეთა მინისტრი [ვანო მერაბიშვილი], თავდაცვის მინისტრი [ირაკლი ოქრუაშვილი], თბილისის მერი [გიგი უგულავა] და კიდევ რამდენიმე“, – ამბობს დავით უსუფაშვილი 2005 წელს მიცემულ ინტერვიუში.

გიგი უგულავა ბოლო დრომდე ხელისუფლების სახელით ხშირად მსჯელობდა ყველაზე მწვავე საკითხებზე – მათ შორის რუსეთის (სწორედ მისი გადაწყვეტილება იყო, პროტესტის ნიშნად, რუსეთის სა-

თქმის ყველა საჯარო განცხადება უკვე სცილდებოდა თბილისის მერის კომპეტენციას. უგულავას განსაკუთრებული სამიზნე იმ დროს ოლიგარქი ბადრი პატარკაციშვილი ხდებდა: „ჩვენი ოპოზიცია არა გაბადრულია, არამედ უბადრუკია“, – განაცხადა უგულავამ, „გუშინ მე ვუყურებდი, როგორ შესცივინებდნენ თვალეში ჩვენი ოპოზიციის ლიდერები პატარკაციშვილს და მათ თვალეში ერთ რამეს ამოიკითხავდი: ბადრი, მომეცი ფული“. უგულავა პატარკაციშვილს რუსეთის მიერ მხარდაჭერილი რევოლუციის მოწყობაში ამხელდა. „პატარკაციშვილის პუტჩი საქართველოში არ გავა, მან ვერ მოახერხა და ვერ იყიდა ქართული სპორტი, ვერ მოახერხა და ვერ ჩაიჯობა ქართული ბიზნესი, ვერ იყიდა ქართული კულტურა, მაგრამ ადვილად შეძლო ქარ-

მიანი იცვლება, იქნეს გამოცდილებას, მეც შევიცვალე. მიმარნია, რომ უნდა აკეთო ის საქმე, რისთვისაც ხალხმა აგირჩია და რისთვისაც ხელფასს იღებ და არა ის, რაც შეიძლება შენ მოგწონდეს“.

„ნაციონალური პოლიტიკით ზედმეტად გატაცებას“ უწოდებს გიგი უგულავა საკუთარ როლს მედიასთან ურთიერთობაშიც.

2009 წლის ზაფხულამდე უგულავას მედიის სახელისუფლებო კონტროლიც ევალებოდა. „რუსთავი 2“-ის ყოფილი თანამშრომლები არ მალავენ, რომ მწვავე პოლიტიკური თემების გაშუქებაზე მიმართულებებს პირადად უგულავასგან იღებდნენ. მასთან თანხმდებოდა თოქ-შოუს სტუმრების ვინაობაც.

თავად უგულავა ამბობს, რომ „მედიას კი არ აკონტროლებდა, არამედ საკუთარი

■ საკუთარ როლს მედიასთან ურთიერთობაში გიგი უგულავა „ნაციონალური პოლიტიკით ზედმეტად გატაცებას“ უწოდებს.

ელჩოსთვის გაზის მინოდების შეწყვეტა 2006 წელს), ოპოზიციურად განწყობილი „ინტელიგენციის“ და ყველაზე ხისტი პოლიტიკური ოპონენტების შესახებ.

პრეზიდენტთან პირადად დაპირისპირებული რესპუბლიკური პარტიის წევრის, ვალერი გელაშვილის ბიზნეს-ინტერესების შესწავლით საპარლამენტო უმრავლესობა მას შემდეგ დაინტერესდა, რაც თბილისის მერმა გიგი უგულავამ თბილისის ერთ-ერთ სკოლაში გაჩენილი ხანძარი იმ სამშენებლო კომპანიის ინტერესებს დაუკავშირა, რომლის უკანაც დეპუტატი გელაშვილი იდგა. გელაშვილმა უგულავას ბრალდებებს მაშინ „ცილისწამება“ უწოდა. საქმე იმით დამთავრდა, რომ ვალერი გელაშვილს დეპუტატის იმუნიტეტი მოუხსნეს და მანდატი გაუუქმეს. რამდენიმე თვით ადრე ნილბიანმა შეიარაღებულმა პირებმა პოლიტიკოსს სასტიკად სცემეს. ეს საქმე დღემდე არ არის გამოძიებული, გელაშვილი კი ქართული პოლიტიკიდან წავიდა. უკვე ვილნიუსიდან ტელეკომპანია „იმედთან“ სატელეფონო საუბრისას დეპუტატ ვალერი გელაშვილის განცხადებით, ის ეჭვობდა, რომ მასზე განხორციელებული თავდასხმის უკან თბილისის მერი გიგი უგულავაც იდგა.

2007 წლის შემოდგომის მოვლენები უგულავასთვის, ისევე როგორც ხელისუფლების სხვა მაღალჩინოსნებისთვის, განსაკუთრებით დაძაბული იყო. მისი თი-

თული ოპოზიციის ყიდა“.

მეურნის იმიჯი, რომელიც მან წინასაარჩევნოდ მოიხრგო, მწვავე პოლიტიკურ თემებზე მსჯელობას არ ითვალისწინებს. თუმცა ის, რომ პოლიტიკურ თემებზე საუბარი მისთვის კვლავ პრიორიტეტული და საამაყოა, ახლაც კარგად ჩანს: საკუთარი პოლიტიკური ცხოვრების მთავარ მიღწევად 4-წლიანი სტაჟის მქონე თბილისის მერი აჭარიდან ასლან აბაშიძის გაძევებას მიიჩნევს.

„ძალიან აქტიურად ვიყავი ჩართული ამ პროცესებში. რომ არა ეს მოვლენები, ქვეყანა ვერ განვითარდებოდა, ყოველ შემთხვევაში, ასე სწრაფად. სწორედ ამას მოჰყვა ახალქალაქიდან და ბათუმიდან რუსეთის ბაზების გაყვანა. რომ არა მაისის რევოლუცია, აჭარა დარჩებოდა საქართველოს ეკონომიკაში შავ სვრელად“, – ამბობს უგულავა.

მცირე პაუზის შემდეგ ის „სწორ“ პასუხსაც ამატებს: „მთავარი მიღწევა ის, რომ თბილისი არის განათებული, უსაფრთხო, სუფთა, კეთილმოწყობილი“.

ინტერვიუს განმავლობაში გიგი უგულავამ სამჯერ გაიმეორა, რომ მისი ყველაზე დიდი შეცდომა მერობის დროს ნაციონალური პოლიტიკით ზედმეტად დაკავება იყო. „ამ 4-5 წლის განმავლობაში ჩემ ყველაზე დიდ მინუსად მივიჩნევ იმას, რომ მეტად გადართული ვიყავი ნაციონალური პოლიტიკის საკითხებზე. ჩემი საქმე არის თბილისი და თბილისელები. მაგრამ ადა-

პოლიტიკური გუნდის მედიასთან კომუნიკაციაზე პასუხისმგებელი“ იყო, რაც, მისი თქმით, ჩვეულებრივი პრაქტიკაა ყველა პოლიტიკური ძალისთვის.

„თქვენ რა, გიკვირთ რომ პოლიტიკოსები და ჟურნალისტები ერთმანეთს ურეკავენ და ინფორმაციის გაცვლა ხდება? თოქ-შოუში ვარჩევდით ადამიანს, ვის უნდა ელაპარაკა გუნდის სახელით. თუმცა, ეს იყო ადრე და ჩაბარდა წარსულს. მე მაშინ ზედმეტად გადავერთე ნაციონალური პოლიტიკაში, რაც ჩემ მინუსად მიმარნია. ჩემი საქმე არის მერობა, რაც ნიშნავს კონკრეტული საქმეების კეთებას კონკრეტული ადამიანებისთვის“.

ეს როლი გიგი უგულავამ იმდენად გაითავისა, რომ დღეს ლამის ყველა კონკრეტულ საქმის გაკეთებას პირდაპირ ეთერში თავად ცდილობს: მშენებელიცაა, მეგზვეც, ექიმიც, მეეზოვეც, ავტოკატიც, სანტექნიკოსიც და მარკეტიდერიც.

მზრუნველი მეურნის როლის შესრულებაში მას ის მრავალრიცხოვანი პროექტები ეხმარება, რომლებიც თბილისის მერიამ მას შემდეგ წამოიწყო, რაც ცნობილი გახდა, რომ გაზაფხულზე ადგილობრივი თვითმმართველობის არჩევნები გაიმართება.

ამ პროგრამების გარდა, უკვე ამოქმედდა ის მექანიზმები, რომლებსაც ხელისუფლება ყველა არჩევნების წინ მიმართავს – საარჩევნო სივრთი მანიპულირება, ადმინისტრაციული მუშაკების პარტიულ

აგიტატორებად გამოყენება, ამომრჩევლის მოსყიდვა.

„ოპონენტების საქმე ის არის, რომ დამაბრალონ ადმინისტრაციული რესურსის წინასაარჩევნო კამპანიისთვის გამოყენება. ჩემი, როგორც მოქმედი მერის, საქმე კი ის არის, რომ ვიმუშაო“, – პასუხობს უგულავა კითხვას, უკავშირდება თუ არა მერიის ეს შიპერაქტივობა წინასაარჩევნო სამზადისს.

გიგი უგულავას კაბინეტში, სამუშაო მაგიდისა და კომფორტული სავარძლების წინ დიდი პლაზმური მონიტორი დგას. მერი ამბობს, რომ ტელევიზორს თითქმის არასდროს რთავს.

„ტელევიზორს საერთოდ არ ვუყურებ – არც საკაბელოს, არც არასაკაბელოს, საერთოდ არ ვუყურებ, თუ დამიჯერებთ. რაც ვუყურებ, ისიც მეყოფა. ახლაც უბრალოდ ისე მაქვს ჩართული, ხმა ჩაწეულია“, – ამბობს იგი.

10-ლარიანი მატება, მედიკამენტების ვაუჩერები და შეღავათები მგზავრობისას; ინგლისურისა და კომპიუტერის კურსები; სკოლებისთვის ბიუჯეტის გაზრდა; თბილისელების ადვოკატი; პოლიკლინიკის ექიმების უფასო გამოძახება; ამხანაგობის კონკურსი; დაგრე ხე; უსაფრთხო ზამთარი; პარკირება; ძველი თბილისის ახალი ცხოვრება – ამ პროგრამების აბსოლუტური უმრავლესობა ბოლო რამდენიმე თვეა, დაიწყო. მათი საერთო ბიუჯეტი ათეულობით მილიონს აჭარბებს.

ძვირადღირებული და გრძელვადიანი კამპანიის მიზეზი ის არის, რომ პრიზი მართლაც დიდია. პოლიტოლოგი გია ნოდია ამბობს, რომ გაზაფხულზე დანიშნული თვითმმართველობის არჩევნები სააკაშვილის შემდგომი ეპოქისკენ გადადგმული პირველი ნაბიჯი იქნება: „ცხადია, თვითმმართველობის არჩევნების შემდეგ მთავარი სწორედ მექვიდრის თემა

მიუღებელი საზოგადოებისთვის, არ ჰყავთ. მას უფლებას აძლევენ, ჰქონდეს თავისი კორუფციული წრე, კარგად იცხოვროს და მატერიალურად კარგად იყოს. თუმცა ბოკერისა უფროსი ვერ გახდება ვერასოდეს და ვერც ლევან რამიშვილი“.

მერიის პირდაპირი წესით არჩევის გადანიყვებილება ხელისუფლებიდან პირველმა სწორედ ქალაქის მოქმედმა მერმა გაახმოვანა. როგორც თავად ამბობს, ნაციონალურ მოძრაობაში ეს არაპოპულარული ინიციატივა მისი ძალისხმევით გავიდა. უგულავასთვის პირდაპირი წესით არჩევა ის რისკია, რომელიც მან აუცილებლად უნდა განიოს. მისთვის ეს ორმაგი ბრძოლა – ერთი მხრივ, მან ხელისუფლებისადმი ტრადიციულად კრიტიკულად განწყობილ თბილისში ოპოზიციის ყველა კანდიდატი უნდა დაამარცხოს, მეორე მხრივ კი, როგორც პირდაპირი წესით არჩეულმა ხელისუფალმა, საკუთარ პო-

■ ეს ორმაგი ბრძოლა – ერთი მხრივ, უგულავამ ოპოზიციის ყველა კანდიდატი უნდა დაამარცხოს, მეორე მხრივ კი, საკუთარ პოლიტიკურ გუნდში უნდა გაიმყაროს პოზიციები.



■ გიგი უგულავას შეხვედრა თბილისის მოსახლეობასთან, 2009

ტელევიზორს რომ უყურებდეს, გიგი უგულავა იქ საკუთარ თავს ძალიან ხშირად ნახავდა.

თბილისის მერიის ინიციატივების შესახებ მოსახლეობის ინფორმირებას სამი ცენტრალური და ერთი საკაბელო ტელევიზია უწყვეტ რეჟიმში უზრუნველყოფს. სარეკლამო ბლოკის დიდი ნაწილიც იმ პროგრამების მოსახლეობამდე მიტანას ეთმობა, რაც მერიის შენობაში მუშავდება.

მრავალშვილიანი ოჯახების დასაქმების პროგრამა; პენსიონერებისთვის პენსიის

გახდება. თუ უგულავა გაიმარჯვებს, ეს იმას ნიშნავს, რომ სახელისუფლებო გუნდში მას პრეზიდენტობის კანდიდატად, მთავარ შემკვიდრედ აღიქვამენ. ხოლო თუ უგულავამ ეს არჩევნები წააგო, ის ავტომატურად ფუჭდება“.

ნაციონალური მოძრაობის ყოფილი წევრი დავით ზურაბიშვილი ამბობს, რომ ამ ეტაპზე უგულავას გარანტირებული აქვს ხელისუფლების მხოლოდ ერთი ნაწილის მხარდაჭერა, ისიც ლიბერტირებული: „რამიშვილი-ბოკერისა გუნდში სხვა ტიპი, რომელიც არ იქნება კატეგორიულად

ლიტიკურ გუნდში კიდევ უფრო უნდა გაიმყაროს პოზიციები.

გადამწყვეტი იქნება 2010 წლის არჩევნების შედეგები მთავარი ოპოზიციური კანდიდატის, გაერო-ში ყოფილი ელჩისთვის, ირაკლი ალასანიასთვისაც, რომელიც არ მაღავეს, რომ მერის პოსტი „დიდ პოლიტიკაში“ მოსასვლელად სჭირდება. ამისთვის ალასანიამ აუცილებლად უნდა მოიგოს ეს არჩევნები, დაამტკიცოს, რომ პრეზიდენტობის ყველაზე ლეგიტიმური ოპოზიციონერი კანდიდატია და ამით ავანსად აღებული მხარდაჭერა გაამართლოს.

„რა გითხრათ, მე ირაკლის კარგად ვიცნობ, საკმაოდ დიდი ხანია და, სიმართლე გითხრათ, ვერ გავიგე, რა უნდა. ის ჩამოყალიბების და ძიების პროცესშია“, – ამბობს უგულავა. ირაკლი ალასანიას შესახებ ეს მისი ყველაზე მწვავე საჯარო კომენტარია. კონკურენტებზე ქალაქის მერი პრინციპულად არ საუბრობს. მის ნაცვლად, მერობის ოპოზიციონერ მსურველებთან ბრძოლაზე სხვები ზრუნავენ.

თვითმმართველობის არჩევნების თარიღის გამოცხადებიდან ძალიან მალე ქართულ მედია სივრცეში ახალი საკაბელო არხი გამოჩნდა. „Real-TV“, რომლის მითიური მენეჯერი შსს-ს პრესსამსახურის ყოფილი უფროსი გურამ დონაძეა, მთავარი სამიზნე კი – ირაკლი ალასანია

და მისი პოლიტიკური გუნდი.

უნდა ცხოვრობდეს თუ არა ქალაქის მერის ოჯახი ნიუ იორკში? საკაბელო ტელევიზია „Real-TV“ ალასანიას წინააღმდეგ მიმართული ამ ცნობილი კითხვის დასმისას მერობის სახელისუფლებო კანდიდატი იბნევა. „რა სიუჟეტზე ამბობთ, არც ვიცი. ჰიპოთეტურ, არასერიოზულ კითხვებზე პასუხი არ მაქვს. ვისაც როგორ უნდა, ისე იცხოვროს. ეს პლუსია თუ მინუსი, ხალხმა უნდა გადაწყვიტოს. თუ აირჩევენ ალასანიას მერად, ესე იგი პლუსია, თუ არადა – მინუსი“.

მერობის ნაკლებად რეიტინგულ კანდიდატებს, რომელთა ერთადერთი როლი ამ არჩევნებში, სავარაუდოდ, ირაკლი ალასანიასთვის თუნდაც ერთი-ორი ხმის წართმევაა, ნაციონალური ტელეარხები ვრცელ ტელეპორტრეტებს უძღვნიან.

ერთმანეთის ჩასაძირად ოპოზიციის შიგნითაც იცლიან. გარდა იმისა, რომ ერთიან კანდიდატზე შეთანხმება შეუძლებელი აღმოჩნდა, მათ მიერ არჩეული სამოქმედო გეგმები ურთიერთგამომრიცხავია და არჩევნებამდე 5 თვით ადრე მხოლოდ ამომრჩევლის დაბნეულობას იწვევს.

ხელისუფლების მთავარ კანდიდატს ასეთი პრობლემები არ აქვს. მას საკუთარი გუნდიდან წინასაარჩევნო კამპანიის დროს ერთსულოვანი მორალური და ფინანსური მხარდაჭერა აქვს. უგულავას სერიოზულად არ ვნებს არც ერთი ოპოზიციური კანდიდატის კრიტიკა, ჯერ ერთი იმიტომ, რომ ამას, „მაესტროსა“ და „კავკასიის“ მცირერიცხოვანი აუდიტორიის გარდა, ვერავინ იგებს, მეორეც – ეს კრიტიკა არ არის კონკრეტული ფაქტებითა და მტკიცებულებებით გამყარებული. არც ერთ ოპოზიციურ ძალას იმის რესურსი არ აქვს, რომ ბოლომდე გამოიკვლიოს ის კანონდარღვევები, რაშიც შეიძლება უგულავა მონაწილეობდეს და რომელთა შესახებ მტკიცებულებების მოპოვებაც რეალურად შესაძლებელია. ქალაქის მოქმედ მერს არ აქვს საბიუჯეტო შეზღუდვები – ადმინისტრაციული რესურსი მთლიანად მის განკარგულებაშია. საკუთარი პროექტებისა და ოპოზიციის სისუსტეების რეკლამირებისთვის მას ნაციონალური მედიის შეუზღუდავი ეთერი აქვს.

საარჩევნო კამპანიის ყველაზე აქტიური ფაზა ჯერ კიდევ წინ არის. თუმცა, გამარჯვებისთვის აუცილებელი პოლიტიკური გამოცდილება, ფინანსური და ადმინისტრაციული რესურსი, მედია მხარდაჭერა და ოპონენტების სრული დაქსაქსულობა ამ ეტაპზე მხოლოდ ერთი კანდიდატის სასარგებლოდ მუშაობს. **■**

თვითმმართველობის არჩევნები

წინასაარჩევნო „ამხანაგობა“

თბილისური „ამხანაგობები“ არჩევნების წინ განსაკუთრებით აქტიურდება.

წინო რობაქიძე



კორპუსის“ თანდაფინანსებით შეგიძლიათ შეაკეთოთ კორპუსის ლიფტი, სახურავი, შიდა წყალკანალიზაცია“... – წერია ქალაქის მერიის ვებგვერდზე. საცხოვრებელი სახლების სახურავების შეკეთებაში „თბილისის კორპუსი“ 70%-ზე მეტით მონაწილეობს. ასევეა ლიფტისა და შიდა წყალკანალიზაციის გაყვანილობის შეკეთების შემთხვევაშიც. მას შემდეგ, რაც ქალაქში რამდენიმე მრავალბინიან სახლზე მიწენებები ჩამოინგრა, „თბილისის კორპუსი“ მსგავსი ნაგებობების სეისმომდგრადობის განსაზღვრის ხარჯების 70%-საც უზრუნველყოფს. ეს პრობლემები თბილისის კორპუსების უმრავლესობას ეხება.

„ჩვენი ამხანაგობა 2006 წელს წარმატებით დავარეგისტრირეთ მერიაში, „თბილისის კორპუსში“. ახლა კორპუსის კეთილმოწყობაზე განცხადებას შევიტანთ. არჩევნებამდე უარს არაფერზე არ გვეტყვიან“, – ამბობს თბილისის ცენტრალური უზნის, საბურთალოს ერთ-ერთი მრავალსართულიანი საცხოვრებელი კორპუსის ბინათმესაკუთრეთა ამხანაგობის თავმჯდომარე. ის მეზობლებმა სპეციალურ კრებაზე აირჩიეს თავმჯდომარედ, თუმცა მის გარდა ამ თანამდებობის დაკავების სხვა მსურველი არც ყოფილა. როგორც მერიაში „თბილისის კორპუსის“ სამსახურში განგვიმარტეს, ბინათმესაკუთრეთა ამხანაგობის თავმჯდომარეობა არაანაზღაურებადი პოზიციაა, მაგრამ ჩვენი რესპონდენტი გასამრჯელოს მაინც იღებს: „ყოველთვიური ხელფასი არ მაქვს, მაგრამ ხან არჩევნებია, ხან რემონტია – რალაც გამოჩნდება ხოლმე უფროსობისგან“. „უფროსობაში“ ამხანაგობის თავმჯდომარე ნაციონალური მოძრაობის ადგილობრივი ორგანიზაციის ხელმძღვანელებს გულისხმობს – უკვე რამდენიმე წელია, რაც ის პარტიის აქტივისტია. „თბილისის კორპუსისგან“ ბინათმესაკუთრეთა ამხანაგობების თავმჯდომარეებს ხელფასი არ ერიცხებათ.

დაარსების დღიდან სამსახურმა ამხანაგობებისგან მიღებული 8 320 განცხადება დააკმაყოფილა, რაც ნიშნავს, რომ ქალაქის ბევრ კორპუსში მთელი რიგი სერიოზული პრობლემებისა მოგვარდა. თუმცა განაცხადების უმრავლესობის განხორციელება, ისე როგორც ახალი ამხანაგობების დარეგისტრირება, სახელისუფლებო პარტიის წინასაარჩევნო კამპანიის პერიოდებს ემთხვევა. დღემდე აღრიცხვაზე აყვანილი 6 000 ამხანაგობიდან 2 500-მდე 2006 წელს, თვითმმართველობის არჩევნების წელს დარეგისტრირდა და 2000-ზე მეტი 2008 წელს – საპრეზიდენტო და საპარლამენტო არჩევნების წელს.

„თვითმმართველობის არჩევნებზე ბუნკერების და ლიფტების ამბავი მოვავარეთ, საპარლამენტოზე კი ეზოები გავვილამაზეს – საქანელები ბავშვებისთვის, სკამები და სათამაშო მოედნები. ახლაც იმედი გვაქვს, დაგვეხმარება მერია“, – უთხრა „ლიბერალს“ ამხანაგობის თავმჯდომარემ, რომელიც, მიუხედავად იმისა, რომ მის ნათქვამში „ვერც ცუდს და ვერც საიდუმლოს“ ვერაფერს ხედავს, ყურნალში ვინაობის გამხელაზე მაინც უარს ამბობს.

იმ ტექნიკური დახმარების ხარჯების გარდა, რომელსაც „თბილისის კორპუსი“ აღრიცხვაზე არსებულ ამხანაგობებს უწევს, ქალაქის ბიუჯეტში განერილია პროექტის კიდევ რამდენიმე მთავარი პრიორიტეტი და მიმართულება – ქალაქის

შეხვედრა კრემლში

ინტერვიუ „მოდრაობა სამართლიანი საქართველოსთვის“ ლიდერთან, ზურაბ ნოღაიდელთან

„მინდა, საქართველოს მთელმა მოსახლეობამ იცოდეს, რომ მე რუსეთთან ურთიერთობის აღდგენას და დალაგებას ვცდილობ. ამას არ ვაკეთებ პარტიზანულად და ჩუმად. ეს ღია და საჯარო პოლიტიკის ნაწილია“.

მასშტაბით მაქსიმალურად ბევრი ბინათმესაკუთრეთა ამხანაგობის შექმნა, ბინათმესაკუთრეთა ამხანაგობის კავშირის დაფინანსება, ბინათმესაკუთრეთა ამხანაგობების თავმჯდომარეებისათვის სემინარების მოწყობა, მოსახლეობის საინფორმაციო უზრუნველყოფისთვის საჭირო ბუკლეტების გამოშვება. ყველაფერი ეს კი „თავისთავად, სამოქალაქო საზოგადოების ჩამოყალიბების მყარი გარანტიაა“, – ამბობს „თბილისის კორპუსის“ უფროსის მოადგილე კახა გურული. ძნელი მისახვედრია, რამდენად ეხმარება ეს ღონისძიებები სამოქალაქო საზოგადოების ჩამოყალიბებას, თუმცა უკვე თვალსაჩინოა, რამდენ ხმას მოუტანს დამატებით „თბილისის კორპუსის“ აქტიურობა ქალაქის მერს თვითმმართველობის არჩევნებში. 2009 წელს „თბილისის კორპუსი“ თანამშრომლებიც მოემატა, ბიუჯეტზე გაეზარდა და ფორმირების პროცესშია 2010 წლის ბიუჯეტი, რომლის პრიორიტეტები თითქმის არ შეცვლილა.

გარდა გეგმიური ღონისძიებებისა, „თბილისის კორპუსი“ ისეთ აქციებშიც იღებს მონაწილეობას, რომელთა ორგანიზატორიც არ არის და შესაბამისად ბიუჯეტშიც არ ითვალისწინებს. სულ ცოტა ხნის წინ გარემოს დაცვისა და ბუნებრივი რესურსების სამინისტრომ პატრიარქის ლოცვა-კურთხევით დაიწყო პროექტი „დარგე ხე! გაამწვანე შენი გარემო!“ გამწვანების ეს აქცია რეგიონებთან ერთად დედაქალაქის გამწვანებასაც გულისხმობს. დედაქალაქში კი გოგა ხაჩიძის უწყებას „თბილისის კორპუსი“ ეხმარება: „ჩვენ დავეხმარეთ ამხანაგობებს, ორგანიზებულად მივლეთ წერგები და გაემწვანებინათ მათი საცხოვრებელი სახლების ეზოები“, – განაცხადეს „თბილისის კორპუსში“. ამ აქციაში თვით ქალაქის მოქმედი მერი გიგი უგულავაც იყო ჩართული, რომელიც გარემოს დაცვისა და ბუნებრივი რესურსების მინისტრთან ერთად გარდაბნის მუნიციპალიტეტის სოფელ სართიჭალის სანერგე მეურნეობასაც ესტუმრა და სპეციალურად აქციისთვის გამოყვანილი ჯიშები დაათვალიერა. გიგი უგულავა საპატრიარქოს და სამინისტროს დედაქალაქისა და მისი შემოგარენის გამწვანებაში ეხმარება, თავის მხრივ კი „თბილისის კორპუსი“ ქალაქის მერს ეხმარება აქციის ოპერატიულად განხორციელებასა და ექსკლუზიური წინასაარჩევნო კამპანიის წარმართვაში. ■



ფოტოს: ილია მამუკაშვილი

როგორ მომზადდა ვლადიმირ პუტინთან შეხვედრა? ვისი ინიციატივა იყო და რა ეტაპების გავლა მოგიწიათ, რომ ეს შეხვედრა შემდგარიყო?

პირველი ინიციატივა – მოსკოვში ჩასვლის და რუსეთთან დიალოგის დაწყების – ჩემი იყო. მაშინ შეხვედრები რუსეთის საგარეო საქმეთა სამინისტროში და რუსეთის სახელმწიფო სათათბიროში მქონდა. ამავე ვიზიტის დროს დავინწყეთ მუშაობა Единая Россия-სთან. შემდეგ იყო მეორე ეტაპი, მესამე და ბოლოს – შეხვედრები უკვე გრიზლოვთან და პუტინთან.

პუტინთან შეხვედრა კი კრემლიდან იყო ინიცირებული. ჩვენც კი ვმუშაობდით ამ მიმართულებით, მაგრამ არ გვეგონა, თუ ჯერ ამის დრო მოსული იყო. ყველაფერი ქუთაისში „დიდების მემორიალის“ აფეთქებამ დააჩქარა – ეს რუსეთში ძალიან მწვავედ აღიქვას. ამ მომენტში ჩვენი პოლიტიკური მოძრაობა საქართვე-

„არავის უნდა ჰქონდეს იმედი, რომ რუსეთი დააფიქსირებს თავის პოზიციას კონკრეტული პოლიტიკოსისადმი. ვფიქრობ, ეს პროდუქტიული არ იქნება“.

ლოდან ერთადერთი იყო, რომელიც რუსეთთან დიალოგის პროცესში იყო ჩართული. ამის შესახებ, როგორც ჩანს, რუსეთის პრემიერმაც იცოდა და ასე შედგა ეს შეხვედრა.

შეხვედრა რომ დაიგეგმა, ამის შესახებ გავიგე გრიზლოვთან მოლაპარაკებების დროს. თუმცა ეჭვი უკვე მქონდა – წინა დღით ბატონი კოსაჩოვი დამიკავშირდა და მითხრა, – ბატონ გრიზლოვთან პარტიის შტაბბინაში შეხვედრის შემდეგ კიდევ

ერთი შეხვედრაა დაგეგმილი. მაშინ უკვე მივხვდით, რა „კიდევ ერთი შეხვედრა“ შეიძლებოდა ყოფილიყო გრიზლოვის შემდეგ.

რუსეთის პრემიერ-მინისტრთან შეხვედრაზე რა საკითხები განიხილეთ?

განვიხილეთ მხოლოდ „დიდების მემორიალთან“ დაკავშირებული საკითხები. შეხვედრა ძალიან მოკლე იყო – დაახლოებით 5 წუთი კამერების წინ და შემდეგ მხოლოდ 3 წუთი, მეტი არა. ვისაუბრეთ კონკრეტულ საკითხებზე – სად უნდა იდგეს მემორიალი მოსკოვში და რა უნდა გაკეთდეს იმისთვის, რომ ეს ყველაფერი დროულად მოხდეს. სხვა საკითხებზე არც გადავსულვართ. პუტინმა სპეციალურად არაფერი თქვა საქართველოს დღევანდელ ხელისუფლებასა და სააკაშვილზე. მითხრა, – ამ საკითხზე საუბარი არც შენ მოგეწონებოდა და არც ჩვენო.

ხომ არ ფიქრობთ, რომ ვლადიმირ პუტინს თქვენთან შეხვედრა მხოლოდ საკუთარი პიარისტვის სჭირდებოდა?

პოლიტიკოსები ყველა შეხვედრას, მით უმეტეს კამერების წინ გამართულს, აუცილებლად თავისი პიარისთვის იყენებენ. მეც ვმონანილობდი ამ შეხვედრაში და მეც ვიყენებდი ამას ჩემი პიარისთვის. არაფერი მაქვს დასამალი – მინდოდა, რომ ასეთი შეხვედრა შემდგარიყო.

მინდა, საქართველოს მთელმა მოსახლეობამ იცოდეს, რომ მე რუსეთთან ურთიერთობის აღდგენას და დალაგებას ვცდილობ. ამას არ ვაკეთებ პარტიზანულად და ჩუმიად. ეს ღია და საჯარო პოლიტიკის ნაწილია. ვიცი ხალხის განწყობა – მოსახლეობის უმრავლესობა დარწმუნებულია, რომ რუსეთთან მტრობა უნდა დავამთავროთ და ავანყით ნორმალური ურთიერთობები.

ამ თემაზე რაიმე კვლევა ჩატარებია თქვენ პოლიტიკურ მოძრაობას?

კვლევა ჩაგვიტარებია და ეს კვლევის გარეშეც ძალიან კარგად ჩანს. კვლევები ჩატარებია სააკაშვილსაც და მშვენივრად იცის მისი შედეგები. მე როცა პუტინს ვხვდებოდი, იმ დილით „ეზო მოსკვისთვის“ მიცემულ ინტერვიუში სააკაშვილმა ილაპარაკა რუსეთთან დიალოგის აღდგენის აუცილებლობაზე; ანუ გამოდის, რომ დიალოგის აღდგენა აუცილებელია,

ცუდი მხოლოდ ის არის, რომ პუტინს მე შეხვდით. ჩემ მიერ მიღწეული შედეგი უშლის ამ ხალხს ნერვებს, თორემ რუსეთთან დიალოგის აუცილებლობაზე უკვე დაინყეს ლაპარაკი.

თქვენ ამ ვიზიტების დროს არ წარმოადგენთ საქართველოს მთავრობას. რა კონკრეტული ცვლილებები შეიძლება მოჰყვეს თქვენ, როგორც ოპოზიციის ერთ-ერთი ლიდერის, შეხვედრებს რუსეთის მთავრობასთან?

ორი ამოცანაა: ერთი, ასე ვთქვათ, გრძელვადიანი – გავაგებინოთ მათ, რომ საქართველოს მოსახლეობის დიდი ნაწილი და გარკვეული პოლიტიკური ძალები ცდილობენ რუსეთთან ურთიერთობების დალაგებას და დღევანდელი მტრობის შეწყვეტას. საქართველოს მოსახლეობას უნდა რუსეთთან ურთიერთობის აწყობა, არა როგორც მტერთან, არამედ როგორც პარტნიორთან, ან როგორც მოყვარესთან – თუ ეს შესაძლებელი იქნება.

მინდა, დღესვე იცოდეს სოხუმმაც, ცხინვალმაც და მოსკოვმაც, თუ რა იქნება ის საკითხები, რომელზეც მთავრობაში მოსვლის შემდეგ პირველ რიგში ვილაპარაკებთ.

პირველი – უნდა შეწყდეს ომი და ომის განახლების საფრთხე. მნიშვნელოვანია, რომ ეს შეთანხმება შედგეს და შესაბამისი გარანტიები შეიქმნას.

მეორე – უნდა აღდგეს ეკონომიკური ურთიერთობები და მიმოსვლა. ცხადია, კარგად გვესმის, რომ ამ საქმეში რუსეთის როლი დიდია. გვესმის, რომ ვერავითარ შემთხვევაში ვერ მოვილაპარაკებთ ვერც ცხინვალთან და ვერც სოხუმთან, თუ რუსეთი ამის კატეგორიული წინააღმდეგი იქნება. ცხადია, მოლაპარაკებები წარმატებით ვერ დასრულდება, თუ რუსეთმა არ მოგვცა ამ მოლაპარაკებების წარმატებით დასრულების შანსი.

ამის გარდა, არის ოთხი საკითხი, რომელსაც ჩვენ ახლა განვიხილავთ. პირველი – როგორც ხედავთ, ტირძინელი მოზარდები და ერთი შავკვეთელი სკოლის მოსწავლე უკვე სახლში არიან. მეორე საკითხი იყო ავიამიმოსვლის აღდგენა. ესეც გადანყვეტილების მიღების პროცესშია. მესამე საკითხია – ექსპორტის აღდგენა, ჯერჯერობით ამ საკითხზე გადანყვეტილება მიღებული არ არის, თუმცა რუსეთის პრეზიდენტმა უკვე

განაცხადა, რომ არ არის გამორიცხული დადებითი გადაწყვეტილების მიღება, თუნდაც სააკაშვილის მთავრობის პირობებში.

მეოთხე საკითხი არის რუსეთში მცხოვრები საქართველოს მოქალაქეების რეგისტრაცია. დაახლოებით ნახევარი მილიონი ჩვენი მოქალაქე ცხოვრობს რუსეთში და ისინი საქართველოს ამომრჩეველთა სიებში არიან. მთავრობის მიერ ამ სიების ჯიბეში ჩადება სააკაშვილს დიდ უპირატესობას აძლევს და ახლა არავითარ შემთხვევაში არ გვინდა, ეს დაეუშვათ.

მოლაპარაკებების პროცესში დათმობები ორივე მხრიდან უნდა იყოს. იმ ოთხ საკითხზე, რომელიც თქვენ ახსენეთ, დათმობა მხოლოდ რუსულ მხარეს უნევს. როგორ ფიქრობთ, რას ელიან ისინი თქვენგან სანაცვლოდ? თუ თქვენი ხელისუფლებაში დაბრუნება რუსეთის ინტერესებში იქნება, ისარგებლებთ მათი მხარდაჭერით?

მგონი, არავის უნდა ჰქონდეს იმედი, რომ რუსეთი მკაფიოდ დააფიქსირებს თავის პოზიციას რომელიმე კონკრეტული პოლიტიკოსის მისამართით. ვფიქრობ, ეს მაინცდამაინც პროდუქტიულიც არ იქნება და, ჩემი აზრით, ეს სრულებითაც არ არის საჭირო. საქართველოს პოლიტიკაში ნებისმიერი ცვლილება საქართველოში უნდა განხორციელდეს. ეს არც ჩრდილოეთში უნდა გადანყვეს და არც დასავლეთში.

მიუხედავად ამისა, ვფიქრობ, ძალიან სწორი და ადეკვატური იქნება, თუ რუსეთი მკაფიოდ ჩამოაყალიბებს პოზიციას კონკრეტულ საკითხებზე და ჩვენც მკაფიოდ ჩამოაყალიბებთ პოზიციას ამავე საკითხებზე. სხვანაირად, პრობლემები ვერ მოგვარდება და არც უნდა მოგვარდეს.

ხშირად ვსვამ ამ კითხვას – ჩვენ მიერ რუსეთის მხარესთან განსახილველი ოთხი საკითხიდან რომელზე ფიქრობთ, რომ არ უნდა განვიხილოთ? ყველა ამბობს, რომ ოთხივე საკითხის განხილვა აუცილებელია. საბოლოო ჯამში გამოდის, რომ პრობლემა მხოლოდ ისაა, რომ ამ საკითხებს მე განვიხილავ.

მე რატომ მოვიფიქრე და რატომ დავასწარი სხვებს ამის განხილვა? მე რატომ ვარ სხვებზე ჭკვიანი? საკითხის ასე დასმა ხომ სისულელეა.

რუსეთთან ურთიერთობა ვილა-

ცის ექსკლუზივი ვერ იქნება. იმედი მაქვს, რომ სხვა პოლიტიკოსებიც გადადგამენ ამ ნაბიჯს.

თანაც გამომჩნდა, რომ ეს არც ისე სახიფათო ყოფილა. მე სულელი კი არ ვარ – ვიცი, რას ვაკეთებ. თუ ვინმეს ეშინია ქვეყნისთვის მნიშვნელოვანი და საჭირო გადაწყვეტილებების მიღება, ეს მისი პრობლემაა, ჩემი პრობლემა არ არის.

რა როლი გქონდათ ტირძინისელი მოზარდების გათავისუფლების პროცესში?

ჯერ კიდევ ჩემი რუსეთში ვიზიტის დროს შევთანხმდით, რომ რუსეთის სახალხო დამცველი, ვლადიმირ ლუკინი ჩავიდოდა ცხინვალში და გაერკვეოდა ამ პრობლემაში. მე გამოვთქვი მზადყოფნა, რომ თუ შესაძლებლობა იქნებოდა, მეც ჩავიდოდი ცხინვალში. საბოლოო ჯამში, ასეც მოხდა და, მაღლობა ღმერთს, მოსწავლეები ტირძინისიდან და შავშვებიდან დღეს სახლში არიან და ახალწელს და შობას მშობლებთან ერთად შეხვდებიან.

ანუ, როგორ მოხდა ეს – დაგირეკეს და გათხრეს, – ჩამოდი, ჩვენ მზად ვართ გავათავისუფლოთ მოზარდებიო?

18 დეკემბრის საღამოს დამირეკეს „ედინაია როსიდან“ და მთხოვეს მეცნობებინა, კვლავ მზად ვიყავი თუ არა ამ საკითხზე თანამშრომლობისთვის. მე ვუთხარი, რომ ცხადია, მზად ვარ – რად უნდა ამას ლაპარაკი. მითხრეს, რომ საჭირო

იყო ჩემი ცხინვალში ჩასვლა და იქ შეხვედრებში მონაწილეობა. ცხადია, უარი არ მითქვამს, დიდი სიამოვნებით გამოვთქვი თანხმობა.

დაახლოებით ნახევარ საათში დამირეკა დავით სანაკოევმა, (თვითგამოცხადებული სამხრეთი ოსეთის რესპუბლიკის სახალხო დამცველი – ავტ.) და მითხრა, რომ მეორე დღეს 10 საათზე ედუარდ კოკოითისთან შეხვედრა იგეგმებოდა. მოლაპარაკებები პრაქტიკულად აღარც შედგა, რადგან შეხვედრის დასაწყისშივე ედუარდ კოკოითიმ გამოაცხადა, რომ არა მარტო ტირძინისელ მოზარდებს, არამედ შავშვეთელ გიორგი არჩვადესაც გაუშვებდა. როგორც ჩანს, ეს გადაწყვეტილება მას უკვე მიღებული ჰქონდა. ალბათ წინა დღეს უკვე ჰქონდა შესაბამისი საუბარი ვლადიმირ ლუკინთან.

ძალიან დიდი იყო ამ საქმეში თომას ჰამერბერგის როლი. ეს კაცი ათჯერ მაინც არის ნამყოფი ცხინვალში და ცხადია, მას ეს არ უნდა

„დამთავრდა ის დრო, როცა მე რალაც საქმეს გავაკეთებდი და ქულებს სხვებს დავუთმობდი. მე ვარ საჯარო პოლიტიკაში და ყველა ჩემ გაკეთებულ საქმეს მე მივიწერ და მეც გავიკეთებ პიარს“.

დავუკარგოთ. თუმცა, აქვე ვიტყვი, რომ დამთავრდა ის დრო, როცა მე რალაც საქმეს გავაკეთებდი და ქულებს სხვებს დავუთმობდი. მე ვარ საჯარო პოლიტიკაში და ყველა ჩემ გაკეთებულ საქმეს მე მივიწერ და მეც გავიკეთებ პიარს. ამაში დასაძრახი არაფერია.

რას ეტყოდით იმ ოპონენტებს, ვინც ფიქრობს, რომ თქვენი ვლადიმირ პუტინთან შეხვედრა სახელმწიფო ინტერესების სანინალმდეგო ნაბიჯია?

ასეთი ადამიანი ძალიან ცოტაა. იმას, ვისაც ჰქონდა პრეტენზია რუსეთში ჩემ ვიზიტებთან დაკავშირებით, შენიშვნა ჯერ კიდევ ოქტომბერში უნდა მოეცა – როცა მე პირველად ჩავედი მოსკოვში. პრობლემა ახლა რატომ შეიქმნა? იმიტომ, რომ შევხვდი პუტინს, ანუ გავიკვალე გზა მოსკოვში და ჩემი ვიზიტები წარმატებულა?

იქნებ იმიტომ, რომ ვლადიმირ პუტინი ყველაზე მეტად ასოცირდება რუსეთ-საქართველოს ომთან და ამ ომის დაწყების ბრძანების გაცემასთან?

მასთან ასოცირდება და სხვებთან არ ასოცირდება? მასთან შეხვედრა არ შეიძლება და სხვებთან დიალოგი შეიძლება? ჩვენ თუ რუსეთთან დიალოგი გვინდა, უნდა ველაპარაკოთ იმ ხალხს, ვინც რუსეთში გადანყვებილებას იღებს და ვისაც კონკრეტული პრობლემების მოგვარება შეუძლია. მე მინდა, მჭირდება პროდუქტიული ვიზიტები და ამ მიმართულებით სწორი ნაბიჯები გადავდგი. ეს იმათაც კარგად იცინან, ვინც შენიშვნებს იძლევა.

ყველა ის ამოცანა, რაც დასახული მქონდა ამ შემოდგომისთვის, მიღწეულია. თუნდაც იმ თვალსაზრისით, რომ ჩვენ ვართ ყურადღების ცენტრში. პრაქტიკულად, მთელი საქართველო ჩვენზე ლაპარაკობს. აქამდე მხარდამჭერების მოსაპოვებლად ხალხში დავდიოდით. ბოლო თვეწახევარია და, განსაკუთრებით ბოლო 10 დღე, ხდება ის, რაც ვაღიარებ, არასდროს მომხდარა: ხალხი თავად მოდის ჩვენ ოფისში, მოდის ათეულობით. ჩვენ გვყავს სერიოზული მხარდამჭერები და ამ პროცესს ვიგებთ. სინამდვილეში ამაზე ეშლება ნერვები ყველას. ■



■ ტირძინისელი მოზარდები ცხინვალის ნოღაიდელმა გამოიყვანა, 19 დეკემბერი 2009

ფოტო: ალექსანდრე ცაფარიძე

ესაუბრა სოფო ჭავავა

ბიზნესი

აღმართობა ადამიანთა სტრატეგია



თუ ისი და მოქმედებ – მიაცხადე!

გამონერისთვის დაგვიკავშირდით:
ტელეფონი: (995 32) 22 37 68
ელ-ფოსტა: subscribe@bs-magazine.com



B | S | T The Black Sea Trust
for Regional Cooperation
A PROJECT OF THE GERMAN MARSHALL FUND

სტატია დაფინანსებულია ამერიკის შეერთებული შტატების
German Marshal Fund-ის პროექტის **The Black Sea Trust**-ის მიერ.
ამ პუბლიკაციაში გამოთქმული შეხედულებები და მოსაზრებები არ
არის აუცილებელი, გამოხატავდეს **German Marshal Fund**-ის, **The Black
Sea Trust**-ის და მისი პარტნიორების შეხედულებებს.

■ „დიდების შემორილის“ დემონტაჟი, ქუთაისი 19 დეკემბერი 2009

ფოტო: თინო ბარამიძე/სპილ



ჟურნალისტური გამოკვლევა

ტრაგედიის მემორიალი

მონუმენტის დემონტაჟს მსხვერპლი მოჰყვა, რაც, სავარაუდოდ, აფეთქების თარიღის მოულოდნელად შეცვლისა და პოლიციის მიერ ტერიტორიის არაპროფესიონალურად გაკონტროლების მიზეზით მოხდა. თუმცა, დაკავებული არ არის არც ერთი სახელმწიფო მოხელე ან პოლიციელი.

მაია მეცხვარიშვილი

19 დეკემბერს, ქუთაისში ირაკლი აბაშიძის ქუჩაზე ეზოდან ხმის გამამძლიერებლებით დაიძახეს, რომ სახლი ყველას სასწრაფოდ უნდა დაეტოვებინა. ეკა ცუცხვაშვილი მცირეწლოვან შვილებთან ერთად რეასართულიანი კორპუსის ეზოში ჩავიდა და ერთ-ერთ ავტოფარეხთან შეკრებილ მეზობლებს შეუერთდა. ზუსტად 16:00 საათზე, აფეთქების ხმა გაისმა და რამდენიმე ასეულ მეტრში მდებარე „დიდების მემორიალი“ მოსახლეობის თვალწინ წაიქცა. თუმცა, აფეთქებასთან ერთად აბაშიძის ქუჩის ამ ეზოში საშინელი კვილი გაისმა – მემორიალის ბეტონის თალის ნამსხვრევები კორპუსების მიმართულებით დიდი სიჩქარით გადმოიყარა და ეკა ცუცხვაშვილი და მისი ერთ-ერთი შვილი იმსხვერპლა.

ამავე კორპუსში მცხოვრები ირაკლი ჯინჭარაძე, რომელიც აფეთქებისას მიღებულ დაზიანებებს ამ დრომდე საავადმყოფოში მკურნალობს, იხსენებს: „ეზოში ვიდექი, ბინის უკან და გაისმა თუ არა აფეთქების ხმა, წამოვიდა ქვების წვიმა და წინა რიგში ვინც ვიდექით, კინალამ ყველა წაგვიღო. მე შემობრუნება მოვასწარი და ზურგში მომხვდა ქვა“.

აბაშიძის ქუჩაზე მცხოვრებნი ამბობენ, რომ მათი გაფრთხილება მუნიციპალიტეტის და პოლიციის თანამშრომლებმა აფეთქებამდე რამდენიმე საათით ადრე დაიწყეს: „მოვიდა პოლიცია, – დაცალეთ სახლებიო, აფეთქება იქნებაო. პრობლემა არ იქნება, ოღონდ გარეთ გამოდით და ფანჯრები ღია დატოვეთო. მართლაც, გამოვედით გარეთ და სულ ნახევარ საათში ატყდა წივილ-კვილი იქით ეზოში. ვინ საით გარბოდა და რა პანიკა იყო, ენით ვერ აღვწერ“, – იხსენებს მალვინა თედიაშვილი.

მერაბ ბერძენიშვილის მიერ აგებული მეორე მსოფლიო ომში დაღუპული მებრძოლების „დიდების მემორიალის“ დემონტაჟი ქუთაისში 12 დეკემბერს დაიწყო. იქ დასაქმებული მუშების ინფორმაციით, ძეგლი 21 დეკემბერს, პრეზიდენტის დაბადების დღეს უნდა აეფეთქებინათ. ასეთი დირექტივა ჰქონდათ მათ დამკრავებლებისგან.

ადგილობრივი ჟურნალისტები ქუთაისის თვითმმართველობის წარმომადგენლებს 12 დეკემბერსვე დაუკავშირდნენ. მერიის კულტურის სამსახურის უფროსი გიზო თავაძე, საკრებულოს თავმჯდომარის მოადგილე თამაზ მარგველაშვილი და საკრე-

ბულოს უმრავლესობის ლიდერი კახა ნემსინვერიძე მაშინ აცხადებდნენ, რომ ძეგლთან დაკავშირებით ინფორმაციას არ ფლობდნენ. მათ არც ის იცოდნენ, თუ ვინ მიიღო მემორიალის დემონტაჟის შესახებ გადაწყვეტილება.

პირველი ოფიციალური განმარტება 18 დეკემბერს ქუთაისის მერის მოვალეობის შემსრულებელმა ზაზა ნუცუბიძემ გააკეთა: „ძეგლის დემონტაჟს მოითხოვს პარლამენტის მშენებლობა. მთავრობის განკარგულებით, ქუთაისისთვის გამოყოფილია თანხა, რომელიც უშუალოდ ამ პარლამენტის შენობის აშენების, დაპროექტების, დემონტაჟის და სხვა მოსამზადებელი სამუშაოებისთვისაა საჭირო“. არც ადგილობრივ და არც ცენტრალური მთავრობის წარმომადგენლებს ჟურნალისტებისთვის სხვა ინფორმაცია არ მიუწოდებიათ.

ცნობა აფეთქების და მსხვერპლის შესახებ ნაციონალურ არხებზე მალევე დაიბლოკა. დედა-შვილის სიკვდილის მიზეზად ქუთაისის მაჟორიტარმა დეპუტატმა აკაკი ბობოხიძემ მათივე გაუფრთხილებლობა დაასახელა. ტელეარხებზე ქუთაისის მოსახლეობაც ტრაგედიის ამ ვერსიას „იზიარებდა“.

თუმცა, ნაჩვენებ კადრებში ადგილობრივ მოსახლეობას აბაშიძის ქუჩის ერთ-ერთი კორპუსის ამხანაგობის თავმჯდომარე და ნაციონალური მოძრაობის აქტივისტი, რუსუდან გურგენიძე წარმოადგენდა. გურგენიძე აცხადებდა, რომ პოლიციამ და მუნიციპალიტეტის თანამშრომლებმა მოსახლეობა 10 დღით ადრე გააფრთხილეს მოსალოდნელი აფეთქების თაობაზე. „მაგრამ არ დავემორჩილეთ ამ გაფრთხილებას და ამან გამოიწვია ეს უბედურება“, – აღნიშნა მან.

აფეთქებისას მომხდარი ტრაგედიის შემდეგ მერიასა და შემსრულებელ ფირმებს შორის გაფორმებული ხელშეკრულებები და შესაბამისი ბრძანებები საგამოძიებო მასალად ჩაითვალა და ჟურნალისტებისთვის დაიხურა.

სწორედ ამ დოკუმენტაციიდან (რომელიც საქმეში ჩართული არასაჯარო პირისგან მოვიპოვეთ) ირკვევა, რომ ქუთაისში მემორიალის დემონტაჟი საქართველოს მთავრობის 2009 წლის 9 დეკემბრის №915 განკარგულების საფუძველზე დაიწყო, რომელსაც ხელს საქართველოს პრემიერ-მინისტრი ნიკა გილაური აწერს.

ვისი გადაწყვეტილება იყო აფეთქების თარიღის გადმოწევა, ამაზე ხელისუფლებიდან არავინ ლაპარაკობს. არაოფიციალური ვერსიით, მთავრობამ ძეგლის მოულოდნელად დანგრევა მას შემდეგ გადაწყვიტა, რაც „დიდების მემორიალის“ დემონტაჟს ქუთაისში ოპონენტები გამოუჩნდა.



დედა-შვილი ცუცხვაშვილების დაკრძალვა, ქუთაისი 2009

ფოტო თემურ აბრამაშვილი

„ქ. ქუთაისში პარლამენტის ახალი შენობის დაპროექტების, სამშენებლო მოედანზე არსებული შენობა-ნაგებობების დემონტაჟის, სეისმური და გეოლოგიური კვლევების ჩატარების მიზნით, საქართველოს ფინანსთა სამინისტრომ „საქართველოს 2009 წლის სახელმწიფო ბიუჯეტის შესახებ“ საქართველოს კანონით გათვალისწინებული საქართველოს რეგიონებში განსახორციელებელი პროექტების ფონდიდან თვითმმართველი ქალაქი ქუთაისის მერიას გამოუყოფს 5 მილიონი ლარი“, – წერია განკარგულებაში.

იმავე განკარგულებაში მითითებულია, რომ სამუშაოების მაქსიმალურად მოკლე ვადებში შესრულებისთვის სახელმწიფო შესყიდვები უნდა განხორციელდეს ერთ პირთან მოლაპარაკების საშუალებით, ხოლო განკარგულების შესრულებაზე კონტროლი იმერეთის გუბერნატორს მიხეილ ჩოგოვაძეს და საქართველოს ფინანსთა სამინისტროს დაევალებათ.

5 მილიონი ლარი ქუთაისის ბიუჯეტის ანგარიშზე 11 დეკემბერს ჩაირიცხა. ძეგლის დემონტაჟი 12

დეკემბრიდან დაიწყო. სამუშაოებს თბილისური ფირმა „საქფეთქმრეწვი“ და ქუთაისური „ლიტოკონსტრუქცია“ აწარმოებდნენ. თუმცა, როგორც ირკვევა, ამ დროს ამ ფირმებთან ხელშეკრულებები გაფორმებული არ იყო. კონტრაქტები ქუთაისის მერიამ 16 დეკემბერს გააფორმა, თუმცა არა „საქფეთქმრეწვთან“ და „ლიტოკონსტრუქციასთან“, არამედ – შპს „საქმილსადენმშენთან“. ხელშეკრულების მიხედვით, კომპანიებს დაევალებათ „ქ. ქუთაისში, საქართველოს პარლამენტის ახალი შენობის მშენებლობისთვის გამოყოფილ ტერიტორიაზე, ირაკლი აბაშიძის ქუჩაზე დიდების მემორიალის დემონტაჟის, შესაბამისი სამუშაოებისა და მიღებული ნარჩენების გატანის უზრუნველყოფის (50კმ-ს ფარგლებში) განხორციელება“. ამ სამუშაოსთვის შპს „საქმილსადენმშენს“ 600 ათასი ლარი უნდა მიეღო ბიუჯეტიდან. ხელშეკრულების თანახმად, „საქმილსადენმშენი“ იძლევა გარანტიას, რომ შეასრულებს სამუშაოს ეფექტურად და თანამედროვე სტანდარტების შესაბამისად, დადგენილი ნორმების დაცვით.

„ჩვენ ბურღვა-აფეთქებითი სამუშაოების წარმოების არანაირი გამოცდილება არ გავაჩნია, მაგრამ მერიამ გვთხოვა, რომ ჩვენთან გაფორმებულიყო ხელშეკრულება, რადგან „საქფეთქმრეწვი“ თბილისური ფირმა იყო და ჩვენ – ადგილობრივი. მერიამ იხელშეკრულების გასაფორმებლად რომ მივედი, მათ უკვე შერჩეული ჰყავდათ ფირმები, რომლებსაც ჩვენ გავუფორმეთ კონტრაქტები: „საქფეთქმრეწვთან“ კონტრაქტი გაფორმდა 91 700 ლარზე ძეგლის აფეთქებისთვის, ხოლო „ლიტოკონსტრუქციასთან“ – 2000 ლარზე, რადგან მათ უბრალოდ მუშები გამოყვეს ძეგლიდან ლითონის კონსტრუქციის ჩამოსახსნელად. ამ ფირმებთან მანამდე არანაირი ურთიერთობა არ გვქონია“, – ამბობს „საქმილსადენმშენის“ დირექტორი ავთანდილ ლომთაძე. მისი ინფორმაციით, ფირმების შერჩევისა და ძეგლის დემონტაჟის პროცესს იმერეთის გუბერნატორი მიხეილ ჩოგოვაძე უშუალოდ ხელმძღვანელობდა.

ავთანდილ ლომთაძე იხსენებს, რომ ძეგლის აფეთქება 21 დეკემბრისთვის



მეორე მსოფლიო ომის ვეტერანები, ქუთაისი 2009

ფოტო: თეიმურაზ მამუკაძე

დაიგეგმა. (ამ ინფორმაციას აბაშიძის ქუჩის მცხოვრებლებიც ადასტურებდნენ. მათი თქმით, პოლიციამ ისინი რამდენიმე დღით ადრე გააფრთხილა, რომ მემორიალს 21 დეკემბერს ააფეთქებდნენ).

„არ ვიცი, რატომ ააფეთქეს 19-ში, ეს მოულოდნელად მოხდა. მე თბილისში ვიყავი იმ დღეს და რომ ჩამოვედი, ძეგლი უკვე აფეთქებული იყო. პროკურატურამ მეც დაკითხა. მათ აინტერესებდათ, თუ ვინ იყო ტერიტორიიდან ხალხის გაყვანაზე პასუხისმგებელი, რაზეც ვუპასუხე, რომ ამაზე პასუხისმგებლობას იღებდა მუნიციპალიტეტი“, – ამბობს „საქმილსადენმშენის“ დირექტორი ავთანდილ ლომთაძე.

შემსრულებელ ფირმასთან ხელშეკრულებას, მერიის სახელით, ხელს აწერს მერის პირველი მოადგილე ზაზა ნუცუბიძე (იმ დროისთვის მერის მოვალეობის შემსრულებელი), რომელმაც 24 დეკემბერს, ოფიციალური ინფორმაციით, საკუთარი განცხადების საფუძველზე თანამდებობა დატოვა.

ტრაგედიიდან 6 საათში პრეზიდენტმა სააკაშვილმა მომხდარზე პოლიტიკური პასუხისმგებლობა იმერეთის გუბერნატორს მიხეილ ჩოგოვაძეს დააკისრა. პრეზიდენტის ადმინისტრაციის პრეს-სპიკერმა მანანა მანჯგალაძემ პირდაპირ ეთერში აუწყა მოსახლეობას, რომ მიხეილ სააკაშვილმა თანამდებობიდან გაათავისუფლა მიხეილ ჩოგოვაძე. (თუმცა, გუბერნატორის ადმინისტრაციული სამსახურის უფროსის ზეინაბ ხაჩიძის ინფორმაციით, მიხეილ ჩოგოვაძემ პირადი განცხადების საფუძველზე დატოვა თანამდებობა).

პრეზიდენტმა ჩოგოვაძის პასუხისმგებლობის საკითხი ერთ-ერთ სატელევიზიო ინტერვიუში ასე განმარტა: „რწმუნებული არის თვალი და ყური პრეზიდენტის. ყველა შემთხვევაში, ის არის პასუხისმგებელი, არის თუ არა პირადად მისი უშუალო მონაწილეობა. იმიტომ, რომ ის არის იქ, ადგილზე. ნეტავ მე ვყოფილიყავი იქ, მე უფრო დავინახავდი რალაცას“.

აფეთქების შედეგად დედა-შვილის დაღუპვის საქმეზე სამი ეჭვმიტანილი დაკავებული. სამივე სს „საქფეთქმრეწვის“ თანამშრომელია – ტექნიკური დირექტორი ავთანდილ დარსაველიძე, რომელიც პროკურატურის ინფორმაციით, უსაფრთხოების ნორმების დაცვაზე იყო პასუხისმგებელი; უბნის უფროსები ელგუჯა გაბადაძე და თენგიზ დარახველიძე, რომელიც

სასამართლომ 5000-ლარიანი გირაოს გადახდის შედეგად გაათავისუფლა. სამივე მათგანს ბრალი ედება 240-ე მუხლის მეორე ნაწილით გათვალისწინებულ დანაშაულში.

საქმეს საქართველოს მთავარი პროკურატურა იკვლევს. პირველი განცხადება მთავარმა პროკურორმა მურთაზ ზოდელავამ 19 დეკემბერსვე გააკეთა: „2009 წლის 19 დეკემბერს, ქუთაისის მუნიციპალიტეტის დაკვეთით, კერძო კომპანია სს „საქფეთქმრეწვა“ ჩაატარა სადემონტაჟო სამუშაო, რასაც მოჰყვა მსხვერპლი. წინასწარი მონაცემებით, ტრაგედიის მიზეზი გახდა უსაფრთხოების წესების დარღვევა“. მოგვიანებით პროკურატურამ მომხდარი უბედური შემთხვევის მიზეზები ასე ახსნა: „მათ არ განსაზღვრეს უსაფრთხოების ზონა, რის გამოც, მოსახლეობის ევაკუირება განხორციელდა 211-მეტრიან რადიუსზე, ნორმატივებით განსაზღვრული, მინიმუმ, 300-მეტრიანი რადიუსის ნაცვლად. ტრაგიკული შემთხვევა კი სწორედ ასაფეთქებელი ობიექტიდან 273,5 მეტრში დაფიქსირდა. გარდა ამისა, სამუშაოთა მწარმოებლები ვალდებულები იყვნენ, ასაფეთქებელი მოედანი შემოფარგლათ სპეციალურად მომზადებული საფარი ნაგებობებით, ე.წ. მიწაყრები. ეს მოთხოვნაც მხოლოდ ნაწილობრივ იქნა დაცული. კერძოდ, 9-10 მეტრის სიმაღლის მიწაყრის ნაცვლად, გაკეთდა მხოლოდ 4 მეტრის სიმაღლის საფარი, რაც არ იყო საკმარისი აფეთქების შედეგად გამოტყორცნილი ქანების შესაკავებლად. საგამოძიებო ჯგუფის წინასწარი დასკვნით, სწორედ ზემოთ ჩამოთვლილი ფაქტორები გახდა ტრაგედიის ძირითადი მიზეზი“.

დაკავებულები პროკურატურის მიერ წაყენებულ ბრალს არ აღიარებენ. ყურნალისტ ნანა ლეჟავასთან სატელეფონო ინტერვიუში ეჭვმიტანილი დარახველიძე ამბობს, რომ მიწაყრების ამაღლება „საქფეთქმრეწვა“ იმიტომ ვერ მოახერხა, რომ დამკვეთმა საკმარისი დრო არ დაუტოვა. კითხვაზე, თუ ვინ გასცა ბრძანება, აფეთქება 21-ის ნაცვლად, 19 დეკემბერს მომხდარიყო, დარახველიძე კონკრეტულ პიროვნებას არ ასახელებს, თუმცა ამბობს, რომ „ზარი მუნიციპალიტეტიდან იყო“. „19-ში მივიღეთ სეისმოლოგიური დასკვნა. ფაქტობრივად ველარ ვასწრებდით ვერაფერს. დროის ფაქტორმა გადაწყვიტა ის, რომ ვერ მოვახერხეთ იმ

მიწაყრის აწევა“, – ამბობს დარახველიძე.

ვისი გადაწყვეტილება იყო აფეთქების თარიღის გადმონევა, ამაზე ხელისუფლებიდან არავინ ლაპარაკობს. არაოფიციალური ვერსიით, მთავრობამ ძეგლის მოულოდნელად დანგრევა მას შემდეგ გადაწყვიტა, რაც „დიდების მემორიალის“ დემონტაჟს ქუთაისში ოპონენტები გამოუჩინდა.

„ჩვენ 18 დეკემბერს გამოვაცხადეთ, რომ 21 დეკემბერს ქუთაისში გაიმართებოდა დიდი საპროტესტო აქცია მემორიალის აფეთქებასთან დაკავშირებით, რასაც მეორე დღეს მოჰყვა ძეგლის აფეთქება“, – ამბობს „მოდრაობა სამართლიანი საქართველოსთვის“ ქუთაისის ორგანიზაციის ხელმძღვანელი შოთა ბურჯანაძე. ოპოზიციის წარმომადგენლები დემონტაჟის დაჩქარებას ხელისუფლების მხრიდან მოსალოდნელი საპროტესტო აქციის თავიდან აცილების მცდელობას უკავშირებენ.

„საქფეთქმრეწვის“ დაკავებული თანამშრომლების ადვოკატი მარიკა სხვანიძე ამბობს, რომ დაცვის მხარეს აქვს დოკუმენტური და ფოტომასალა, რომელიც კომპანიის უდანაშაულობას ადასტურებს. ასევე, ადვოკატის თქმით, გუბერნატორთან შეთანხმებით, პერიმეტრზე უსაფრთხოების დაცვაზე პოლიცია იყო პასუხისმგებელი და არა – აფეთქების შემსრულებელი ფირმა. მიუხედავად ამისა, სისხლის სამართლის საქმე პოლიციის არც ერთი წარმომადგენლის წინააღმდეგ არ არის აღძრული. არ დამდგარა არც ქუთაისის მუნიციპალიტეტის რომელიმე თანამშრომლის პასუხისმგებლობის საკითხი.

პარლამენტის ასაშენებლად მოსამზადებელი სამუშაოებისთვის ქუთაისის ბიუჯეტში ცენტრალური მთავრობის მიერ ჩარიცხული 5 მილიონი ლარიდან ჯერ 200 ათასი ლარია დახარჯული. ეს თანხა „საქმილსადენმშენს“ ავანსის სახით გადაერიცხა. თავის მხრივ, „საქმილსადენმშენმა“ 91 700-ლარიანი კონტრაქტი „საქფეთქმრეწვს“ გაუფორმა, 2000-ლარიანი – ლიტოკონსტრუქციას. 8500 ლარი სეისმოლოგიური სამუშაოებისთვის დაიხარჯა, 19 ათას ლარზე მეტი კი იმ ბილბორდზე, რომელიც 20 დეკემბერს „დიდების მემორიალის“ ნანგრევებთან გამოიფინა. გაკრული ფოტოილუსტრაცია იუნყება, რომ 2012 წელს ქუთაისში პარლამენტის შენობა გაიხსნება. 

საქართველო 2009 – ში

წლის მნიშვნელოვანი მოვლენები

სოფო ქაავა



9 იანვარი – საქართველოსა და ამერიკის შეერთებულ შტატებს შორის სტრატეგიული პარტნიორობის ქარტია გაფორმდა



ურთიერთობა საქართველოსა და ამერიკის ახალ ადმინისტრაციას შორის ოფიციალურად 2009 წლის 9 იანვარს დაიწყო. ვაშინგტონში ორი ქვეყნის წარმომადგენლებმა ხელი მოაწერეს „პარტნიორობის შესახებ ქარტია“. ქარტია არასავალდებულო, დეკლარაციური ხასიათის დოკუმენტია და თანამშრომლობის მიმართულებებს ზოგადად განმარტავს. თუმცა მნიშვნელოვანია, რომ ქარტიაში ამერიკის შეერთებული შტატები კიდევ ერთხელ ადასტურებს საქართველოს ნატო-ში სწრაფვისადმი მხარდაჭერას და მის ტერიტორიული მთლიანობის აღდგენის აუცილებლობას.

ამერიკის ახალ პრეზიდენტს, ბარაკ ობამას მიხედვით სააკაშვილი 2009 წელს არ შეხვედრია. ადმინისტრაციის ყველაზე მაღალი წარმომადგენელი, ვინც საქართველოს ამ წელს სტუმრობს, ვიცე-პრეზიდენტი ჯოზეფ ბაიდენია. ის ხელისუფლებას „ვარდების რევოლუციის“ შემდეგ დაწყებული რეფორმების გაგრძელებას ურჩევს და კიდევ ერთხელ მკაფიოდ აღნიშნავს ამერიკის მიერ საქართველოსადმი მხარდაჭერას. 22 ივლისს ბაიდენის თბილისში ჩამოსვლას წინ უძღვის პრეზიდენტ ობამას ოფიციალური ვიზიტი მოსკოვში.

კომენტარი

გიბა ზოქარია
საგარეო საქმეთა მინისტრის მოადგილე



ქარტია არ არის მხოლოდ დეკლარირებული მხარდაჭერა. იქ საუბარია სამხედრო თანამშრომლობაზე, კონკრეტულ პროგრამებზე. სტრუქტურირებულ, ფორმალურად გამყარებულ და პროცედურაში ჩასმულ ქმედებებს აქვს განსხვავებული ფასი. ის, რომ საქართველოსთან მიმართებაში ხელისუფლების აღმასრულებელმა ფრთამ კონგრესს უნდა ჩააბაროს ანგარიში, საქართველოსთვის დიდი მიღწევაა.

ბაიდენის ვიზიტი კიდევ

უფრო თვალნათელი და მატერიალიზებული სიგნალი იყო ყველასთვის. ამ ვიზიტმა გაფანტა მითი, რომ საქართველოს არანაირი შანსი არ აქვს. თუმცა, მაშინ ჩემთვის აბსოლუტურად გაუგებარი შეფასებები გაკეთდა. დიდი სიბრყვევა იმის ჩათვლა, რომ საქართველოს სუვერენიტეტის, დამოუკიდებლობის, იდენტური მთლიანობის და ამ ბრძოლის მხარდაჭერა არის ხელისუფლების მხარდაჭერა ოპოზიციის წინააღმდეგ. ასეთივე სიბრყვევა იმის თქმა, რომ საქართველოში დემოკრატიული რეფორმების გრძელვადიანი მხარდაჭერა შეერთებული შტატების მიერ ოპოზიციის მხარდაჭერას გულისხმობს, ხელისუფლების წინააღმდეგ. ორივე ერთნაირად მცდარი მოსაზრებაა. ერთადერთი, ვისაც ცივი წყალი გადაესხა იყვნენ ისინი, ვისაც ეგონა, რომ რევიზორი ჩამოდის, რომელიც იტყვის, ხვალ რა და როგორ უნდა გაკეთდეს.

ვთვლი, რომ ოდნავ უტრირებული იყო საქართველოს ხელისუფლებასა და ამერიკის წინა ადმინისტრაციას შორის ემოციური და პირადი ურთიერთობების მნიშვნელობა. საქართველოს ეს ხელისუფლება ყოველთვის იქნება ბუშის ადმინისტრაციის მადლიერი. პრეზიდენტი ბუში იყო ამერიკის პირველი პრეზიდენტი, ვინც ესტუმრა საქართველოს და ის ყოველთვის დარჩება პირველ პრეზიდენტად, ვინც ესტუმრა საქართველოს. ბუშის პირადი, პირად კონტაქტებს აქვს მნიშვნელობა პოლიტიკაში, მაგრამ არა ისე, როგორც ზოგიერთს წარმოუდგენია – რომ შეერთებული შტატებისთვის მნიშვნელოვანი საგარეო პოლიტიკის საკითხები ასე წყდება. ეს ამკარად გადაჭარბებულია.

20 იანვარი – იწყება „საკანი №5“

ახალ ადმინისტრაციასთან პერსონალური ურთიერთობების დალაგებას დრო სჭირდება. ამიტომ ვთვლი, რომ შეფასებების გაკეთება ნაადრევია. ამერიკაში გამოითქმის მრავალნაირი მოსაზრებები, მემარჯვენე და მემარცხენე პოლუსებზე სხვადასხვა ტიპის ჯგუფებს აქვთ საერთო სექტიციზმი ამერიკის პოლიტიკის ამ ასპექტის მიმართ, მთლიანად აღმოსავლეთ ევროპას ვგულისხმობ და არა ცალკე საქართველოს. მაგრამ საბედნიეროდ, ეს ორივე პოზიცია ჯერჯერობით, და იმედია დიდ ხნით, მაინც მარგინალურია.

კომენტარი

სალომე ზურაბიშვილი
ყოფილი საგარეო საქმეთა მინისტრი, პარტია „საქართველოს გზის“ ლიდერი

ბაიდენის ვიზიტით და ქართველთა დამთავრდა პიროვნული ურთიერთობების პოლიტიკა საქართველოს ხელისუფლებას და ამერიკის ადმინისტრაციას შორის და ურთიერთობები გადავიდა სხვა, პრაგმატულ სფეროში. სწორედ ამის ნიშანი იყო ბაიდენის სიტყვა, რომელიც მან საქართველოს პარლამენტში წარმოთქვა.

ის, რომ პირადი ურთიერთობების ხანა დამთავრდა, კარგად გამოჩნდა, როდესაც სააკაშვილი გაერო-ში ვიზიტის დროს პრეზიდენტ ობამას ვერ შეხვდა. ეს მან ასევე ვერ მოახერხა კოპენჰაგენში. ეს იმის მაჩვენებელია, რომ ვიდრე საქართველო არ დაემსგავსება დემოკრატიას, ამერიკა მაინც მხარს დაუჭერს საქართველოს რუსეთის წინააღმდეგ, იმისათვის, რომ რუსეთმა არ ჩათვალოს, რომ საქართველო მისია. მაგრამ ამავედროულად, შეერთებული შტატების ახალი ადმინისტრაცია მტკიცედ მოითხოვს საქართველოსგან, შეასრულოს „ვარდების რევოლუციის“ დანაპირებები, რომელიც არა მხოლოდ საქართველოს მოსახლეობამ, არამედ ამერიკამაც დაიჯერა.

„გიორგი გაჩეჩილაძე, იგივე უცნობი, 42 წლის. 2009 წლის 20 იანვარს, პროტესტის ნიშნად, საკუთარი სურვილით ალიკვეთა თავისუფლება და გახდა პატიმარი; თვლის, რომ ბოლო წლებში განვითარებული მოვლენების შედეგად საქართველო გადაიქცა ციხედ. იცხოვრებს საკანში მანამდე, ვიდრე საქართველო არ გათავისუფლდება რეჟიმის ტყვეობისაგან“.

ამ ტექსტით დაიწყო ტელეკომპანია „მეესტროს“ ეთერში ახალი სატელევიზიო პროექტი არასტანდარტული პროტესტის ფორმით – „საკანი №5“.

„საკანში“ ფორმით და სტალინად გვექცა და ჩვენ ამ გადაცემით საქართველოში დემოკრატიის დამყარებისთვის ვიბრძვით“, – ამბობდა „მეესტროს“ ხელმძღვანელი მამუკა ლლონტი.

შოუს წესების მიხედვით, პატიმარს „პაემნის“ უფლება ჰქონდა. გაზაფხულის აქციებამდე და აქციების დროსაც

„საკან №5“-ს პოლიტიკაზე სასაუბროდ ყოველდღე სტუმრობდნენ ოპოზიციურად განწყობილი სამოქალაქო საზოგადოების წარმომადგენლები, ხელოვანები და პოლიტიკოსები. „უცნობი“ საზოგადოების ნაწილისთვის ოპოზიციის ბევრ წარმომადგენელზე პოპულარული და ძლიერი ლიდერი გახდა.

თუმცა ზაფხულში, საპროტესტო აქციების უშედეგოდ დასრულების შემდეგ, ტელეპროექტმა აქტუალურობა დაკარგა. ბოლო გადაცემის ჩანაწერი ეთერში 9 დეკემბერს გავიდა. მაყურებლებისადმი ბოლო მიმართვაში გააჩეჩილაძემ გადაცემის შეწყვეტის მიზეზად მარხვა დაასახელა, თუმცა ცნობილია, რომ პროექტის დახურვის გადაწყვეტილება „მეესტროს“ ახალმა მენეჯერმა ეროსი კინმარიშვილმა მიიღო. „საკანმა“ სულ 11 თვე იარსება და ამ დროის განმავლობაში პროექტში სტუმრად დაახლოებით 500 ადამიანი მივიდა.



გიორგი გაჩეჩილაძე (უცნობი) საკან №5-ში

„საზოგადოების ნაწილმა საკუთარი აგრესიის სამიზნე უცნობის სახით იპოვა. ამ დროიდან „საკანი №5“ ერთი ადამიანის დრამაა, რომელიც ჩვენ თვალწინ გათამაშდა“.

კომენტარი

ეროსი კინმარიშვილი
ტელეკომპანია „მეესტროს“ მენეჯერი

„საკანი №5“ იყო ძალიან მოხერხებული, ორიგინალურად მოფიქრებული, მოულოდნელი, ძალიან მცირეტიუჯეტიანი შოუ, ერთი მსახიობის თეატრი. ამ შემთხვევაში, ეს მსახიობი, პირდაპირი და გადატანითი მნიშვნელობით, იყო გმირი. ეს ადამიანი

ძალიან ნიჭიერად გამოხატავდა საზოგადოების განწყობას, მანიპულირებდა ამ განწყობით. პროექტი ტრანსფორმირდა ნაციონალურ იდეად, რომლის კულმინაცია 26 მაისი იყო. ის დღე რომ სხვანაირად დამთავრებულიყო, უცნობი ხდებოდა ეროვნული გმირი.

თუმცა პიკმა გადაიარა, დრამატურგია არ განვითარდა. ამის შემდეგ დაიწყო პროექტის შინაგანი ეროზია. ეს საბოლოო ჯამში, ეროვნული, საზოგადოების დეპრესიის გაგრძელება იყო.

2009 წელთან დაკავშირებით მაღალი მოლოდინები იყო და საზოგადოების ნაწილმა, რომელიც პოლიტიკურ პროცესში ჩართული იყო, იმედგაცრუების გამო, საკუთარი აგრესიის სამიზნე უცნობის სახით იბოვა. ამ დროიდან უკვე „საკანი №5“ არის ერთი ადამიანის დრამა, რომელიც ჩვენ თვალწინ გათამაშდა. საბოლოოდ, ყველაფერი მისი მძიმე ავადმყოფობით დამთავრდა.

პროექტმა რაღაც თვალსაზრისით „რუსთავი 2“-ის გზა გაიმეორა. ანუ პიკურ მომენტში, მან, ისევე როგორც „რუსთავი 2“-მა, საკუთარი რეპუტაცია, იმიჯი შესწირა კონკრეტულ პროცესს.

ეს გადაცემა ამ ფორმით და ამ მოცულობით ვეღარ გაგრძელდებოდა. ჯერ ერთი, არხი რეორგანიზაციის პროცესშია, მეორეც – თვითონ გიაც ავად არის და სამკურნალოდაა წასული. ეს არ ნიშნავს, რომ უცნობი შეწყდა, როგორც სასცენო, თუ პოლიტიკური, თუ საზოგადოებრივი სახე, ის გააგრძელებს თავის არსებობას და მეც სიამოვნებით გავაგრძელებდი მასთან თანამშრომლობას.



■ მამუკა ლომთაძე, თბილისი 2009

ფოტო: ლევან ხაჩიძე

16 თებერვალი – ირაკლი ალასანიას პოლიტიკური ბუნდის კრიზენტაცია



■ ირაკლი ალასანიას შეხვედრა მოსახლეობასთან, თბილისი 2009

ფოტო: ლევან ხაჩიძე

■ „ალასანიამ ამ წლის განმავლობაში თითქმის მთლიანად გაფლანგა ნდობის ის კრედიტი, რომელიც ჰქონდა. მან ვერ წარმოაჩინა თავი მკაფიო, ძლიერ ლიდერად“.

გერო-ში საქართველოს ყოფილი ელჩი თანამდებობის დატოვების შემდეგ ოფიციალურად ერთვება პოლიტიკაში. რამდენიმე თანამოაზრესთან ერთად ის პოლიტიკურ მოძრაობას აყალიბებს და შემდეგ რესპუბლიკური პარტიისა და ახალი მემარჯვენეების პოლიტიკურ ალიანსს უერთდება. „ალიანსი საქართველოსთვის“ 2009 წლის გაზაფხულზე საპროტესტო აქციებშიც მონაწილეობს, თუმცა მიტინგების უშედეგოდ დასრულების შემდეგ, ის ხელისუფლებასთან დიალოგს თანხმდება.

ალასანია პირველია ოპოზიციის ლიდერებიდან, ვინც საკუთარი კანდიდატურა რიგგარეშე თვითმმართველობის არჩევნებში მერის პოსტზე წამოაყენა. მისი პოლიტიკური პარტნიორი ყოფილი სახალხო დამცველი სოზარ სუბარია,

რომელიც „ალიანსი საქართველოსთვის“ საკრებულოს თავმჯდომარეობის კანდიდატია. თუმცა, ალასანია და სუბარია 2009 წლის ბოლომდე ვერ ახერხებენ ოპოზიციის კონსოლიდაციას საკუთარი კანდიდატურების ირგვლივ. წინასწარი გამოკითხვებით, თვითმმართველობის არჩევნებში თბილისის მერის თანამდებობაზე დედაქალაქის მცხოვრებთა უმრავლესობა სახელისუფლებო კანდიდატს უჭერს მხარს, ოპოზიციის მხარდამჭერთა ხმები კი რამდენიმე კანდიდატს შორისაა გაყოფილი.

კომენტარი

ბია ნოღია
პოლიტოლოგი

„როგორც ჩანს, 2007-2008 წლებში ოპოზიციის სხვა ლიდერების სახეები ერთგვარად გაცვდა და მოთხოვნილება იყო ახალ პერსონაზე. სწორედ ირაკლი ალასანიამ დაიკავა ეს „ახალი სახის“ ნიშა. ალასანია, ერთი მხრივ, საკმარისად, მკაფიოდ დაპირისპირებული იყო ამ ხელისუფლებასთან და ამავდროს პროდასავლური ორიენტაციის ფიგურად ისახებოდა. საზოგადოება მისგან ელოდა, რომ იქნებოდა ოპოზიციის

ძლიერი ლიდერი, რომელიც სააკაშვილის ღირსეული მოწინააღმდეგე გახდებოდა. ალასანიას რაციონალურ, თანამედროვე ტიპის პოლიტიკოსადაც აღიქვამდნენ და ამავე დროს ლიდერად, რომელიც რაღაც სერიოზულ, ალტერნატიულ კურსს შესთავაზებდა საზოგადოებას; არ იქნებოდა ისეთი ულტრარადიკალი და უპასუხისმგებლო, როგორც არის რადიკალური ოპოზიცია, მაგრამ არც ზედმეტად ლოიალური, როგორც არის საპარლამენტო ოპოზიცია.

მაგრამ ალასანიამ ამ წლის განმავლობაში თითქმის მთლიანად გაფლანგა ნდობის ის კრედიტი, რომელიც ჰქონდა. მან ვერ წარმოაჩინა თავი მკაფიო, ძლიერ ლიდერად, რომელსაც კრიტიკულ სიტუაციაში დამოუკიდებელი გადაწყვეტილებების მიღება შეუძლია. ის ერთგვარად უფრო „პოლიტიკური პროექტის შთაბეჭდილებას ტოვებს, ვიდრე დამოუკიდებელი ლიდერის“.

მისი რეიტინგი დამოკიდებულია უფრო მოლოდინზე. მისგან ელიან, რომ ის რაღაცას მოიფიქრებს და სერიოზულ ძალას შექმნის, მაგრამ ჯერჯერობით მან საზოგადოებას კონკრეტული ვერაფერი შესთავაზა.

ხვალ რომ საპარლამენტო არჩევნები გაიმართოს, როგორ უკლიბოდა ჩვენს ან პარტიას დაუჭირებდა მხარს?
2009 წლის პარტი (მ. თბილისის მონაცემები: 18+)

ალანის საქართველოსთვის	13.8%
გაერთიანებული ოპოზიცია	10.5%
დემოკრატიული მოძრაობა – ერთიანი საქართველო	3.7%
დემოკრატიული პარტია	0.0%
ეროვნულ-დემოკრატიული პარტია	0.1%
ეროვნული ფორუმი	7.3%
თავისუფლება	0.2%
ლეიბორისტული პარტია	8.5%
მოძრაობა „ერთიანი საქართველოსთვის“	3.7%
ნაციონალური მოძრაობა	16.8%
სამართლიანი საქართველოსთვის	0.0%
საქართველოს გზა	0.4%
ტრადიციონალისტები	0.6%
ქრისტიანულ-დემოკრატიული კავშირი	7.7%
არცერთს	12.9%
უარი პასუხზე	2.2%
მიჭირს პასუხის გაცემა	11.7%

სამსიალური კვლევისა და ანალიზის ინსტიტუტი (ISSA)



■ ეუთო-ს მონიტორინგის მისიის წარმომადგენლები, ცხინვალი 2009

საპარტიკლო 2009-ში

8 აპრილი – კონფლიქტური რეგიონების ადმინისტრაციულ საზღვრებს ნაწილობრივ რუსული ჯარი გააკონტროლებს

სეპარატისტული აფხაზეთის ხელისუფლება აცხადებს, რომ საქართველოსთან ადმინისტრაციულ საზღვარს აფხაზეთი ძალები რეგიონში განთავსებულ რუსულ ჯარებთან ერთად გააკონტროლებენ. აფხაზეთის თვითგამოცხადებული საგარეო საქმეთა სამინისტროს ინფორმაციით, ეს ნაბიჯი გადაიდგა „ქართული მხრიდან გაზრდილი პროვოკაციების და სასაზღვრო ტერიტორიებზე ტერორისტული აქტების განხორციელების მცდელობის“ საპასუხოდ.

რამდენიმე თვეში ცნობილი ხდება რუსეთის მთავრობის გადაწყვეტილება აფხაზეთისა და სამხრეთი ოსეთის ტერიტორიაზე სამხედრო ბაზების განთავსების შესახებ. „ჩვენ დაინტერესებული ვართ აქ რუსული ბაზების ყოფნით, რადგან მათში ვხედავთ ჩვენი უსაფრთხოების ერთადერთ მყარ გარანტიას“, – განაცხადა თვითგამოცხადებული რესპუბლიკის საგარეო საქმეთა მინისტრმა სერგეი შამბამ. რუსეთის ძალისხმევით, შეწყდა ეუთო-ს მონიტორინგის მისიის მანდატი სამხრეთი ოსეთის ტერიტორიაზე. გაერო-ს უშიშროების საბჭოს სხდომაზე რუსეთის წარმომადგენლის ვეტოს საფუძველზე შეჩერდა გაერო-ს სადამკვირვებლო მისიის მუშაობა აფხაზეთის ტერიტორიაზე.

რუსეთის შემდეგ თვითგამოცხადებული რესპუბლიკების დამოუკიდებლობა 2009 წელს ნიკარაგუამ, ვენესუელამ და ნაურუმ აღიარეს.

კომენტარი

ლორენს შიტსი

„საერთაშორისო კრიზისების ჯგუფის“ ხელმძღვანელი საქართველოში

საქართველოში საერთაშორისო მისიების დახურვას თვალსაჩინო შედეგი ჰქონდა, განსაკუთრებით სამხრეთ ოსეთში. იქ დამკვირვებლების ყოფნა სულ მცირე იმის შესაძლებლობას იძლეოდა, რომ მომხდარიყო მნიშვნელოვანი მოვლენების მონიტორინგი, მაგალითად ისეთის, როგორიცაა ეთნიკური წმენდა.

ასევე, გულდასაწყვეტია, რომ საზღვარი ჩაიკეტა, ეს ყველა მხარისთვის თანაბრად საზიანოა. 1992-დან 2004 წლამდე ერთ-ერთი ყველაზე პოზიტიური მოვლენა ის იყო, რომ მოსახლეობა სავაჭროდ აქეთ-იქით მიმოდიოდა. მართალია, პროდუქტის დიდი ნაწილი კონტრაბანდით იყო და ერგნეთის ბაზრობიდან სახელმწიფოს გადა-



სახადები არ შემოსდიოდა, მაგრამ ეს იმის საშუალებას იძლეოდა, რომ ხალხს ერთმანეთთან ურთიერთობა შეენარჩუნებინა, რაც ძალიან მნიშვნელოვანი იყო.

რაც შეეხება აფხაზეთს, არ მგონია, რომ გაერო-ს მისიის დახურვას იქ იგივე გავლენა ჰქონდეს. გაერო-ს არ ჰქონია იგივე ხარისხის უფლებამოსილება, როგორც ეუთო-ს. როგორც იცით, გაერო-მ ვერ შეძლო შეეჩერებინა ის, რაც მოხდა გალში 1998 წელს. ეს უიარაღო მისია უძლური აღმოჩნდა სერიოზული შეტაკებების პირისპირ.

რაც შეეხება უსაფრთხოების თვალსაზრისით სიტუაციის შეცვლას, ვფიქრობ ის ცოტათი მაინც გაუარესდა. თუმცა, ახლახან დავბრუნდი გალიდან, და ვიტყვი, რომ არა მარტო იქ, არამედ მთელს აფხაზეთში ხალხი უფრო დაცულად გრძნობს თავს. ეს მათი სიტყვებია და არა ჩემი. ამბობენ, რომ მას მერე, რაც მათ ტერიტორიაზე რუსი სამხედროები დგანან, უკვე აღარ ეშინათ საქართველოს მხრიდან თავდასხმის. შესაძლებელია, ეს სადავო და არარეალისტური მოლოდინია, მაგრამ ნებისმიერ შემთხვევაში, ხალხი ასე ფიქრობს. არანაირი ილუზია არ აქვთ არც სერგეი ბალაფშს, არც სერგეი შამბას და სტანისლავ ლაკობას, რომ აფხაზეთი და რუსეთი თანასწორი პარტნიორები არიან. ისინი ამ ურთიერთობას „ასიმეტრიულს“ უწოდებენ, ერთ-ერთმა მათგანმა იხმარა ტერმინი – „ლიბიტერებული დამოუკიდებლობა“, რაც, მათი მტკიცებით, აბსოლუტურად ნორმალური მოვლენაა, რადგან ეს მათ უსაფრთხოების მოთხოვნილებებს და მათ მომავალ ეკონომიკურ განვითარებას კარგად ერგება. მათ ნამდვილად არ სურთ, რომ გარე სამყაროსთან ერთადერთი დამაკავშირებელი საშუალება მხოლოდ

რუსეთი იყოს. მას შემდეგ, რაც აფხაზეთში საქართველოდან ენგურის გავლით სასოფლო-სამეურნეო პროდუქტების შეტანა შეჩერდა, ფასებმა სწრაფად დაიწყო მატება. საქართველოსთან ჩაკეტილი ადმინისტრაციული საზღვრის გამო პროდუქტები აფხაზეთში რუსეთიდან შედის, გაცილებით მაღალ ფასად. ამიტომაც ვფიქრობ, რომ ქართულ და აფხაზურ მხარეებს შორის ეკონომიკური და ადამიანური კონტაქტების განახლების დიდი პოტენციალი არსებობს. ასეთი განახლების გეგმა საქართველოს მთავრობის, კერძოდ მინისტრ იაკობაშვილის მიერ 24 დეკემბერს წარმოდგენილ სტრატეგიაშიც გათვალისწინებულია.

სამხედრო მოქმედებები ასე თუ ისე ჩაცხრა. ვფიქრობ, რომ სიტუაცია უკიდურესად დაძაბული იყო ომის შემდეგ და მანამდეც – ჯერ კიდევ შარშან გაზაფხულზე, როდესაც მე ბალაფშს შევხვდი, აფხაზეთის ხელმძღვანელობა უკიდურესად მკვახე და მტრულ ტერმინებს იყენებდა საქართველოს ხელისუფლებისა და პრეზიდენტის მიმართ. დღეს აფხაზეთის ხელისუფლება უკვე აღარ აკეთებს ასე უკიდურესად ემოციურ შეფასებებს. სავარაუდოა, რომ აფხაზეთს საქართველოსთან გარკვეული ეკონომიკური ურთიერთობების აღდგენა სურთ. ძალიან მარტივი და კარგი მაგალითი იმისა, თუ რატომ უნდა სურდეთ მათ ეს: ომის დაწყების შემდეგ ფასმა პომიდორზე 300%-ით მოიმატა. რატომ? იმიტომ რომ პომიდორი აფხაზეთში საქართველოდან შედიოდა, სხვა პროდუქტებსა და ნაწარმთან ერთად.

ჩემი აზრით, რეინტეგრაციის დაწყება შესაძლებელია მხოლოდ ეკონომიკური კავშირებისა და ნდობის აღდგენით. თუმცა ნდობის აღდგენა თვითმიზანი არ შეიძლება გახდეს, მას საფუძველს რაიმე კონკრეტული უნდა უმაგრებდეს, რაც იმას ნიშნავს, რომ ადამიანებმა ერთად უნდა შექმნან რაღაც. სხვა მხრივ, ურთიერთობა ისევ კონფერენციებითა და მხოლოდ ლაპარაკით შემოიფარგლება. ასე რომ, სავაჭრო და ეკონომიკური კავშირების აღდგენა ნამდვილად იმპერატიულია.

9 აპრილი და ოპოზიციის საპროტესტო აქცეზები



„გაზაფხულის მოვლენებმა აჩვენა, რომ ოპოზიციის ხისტი და ხელისუფლების თანმიმდევრული ტაქტიკების ჭიდილში ხელისუფლების ტაქტიკამ მოიპოვა უპირატესობა“.

არასაპარლამენტო ოპოზიცია პროტესტის ახალ ტალღას იწყებს და აქციების დაწყების თარიღად 9 აპრილს აცხადებს. ოპოზიცია ერთადერთ მოთხოვნას აყენებს: „გადადგეს მიხეილ სააკაშვილი და დაინიშნოს ვადამდელი საპრეზიდენტო არჩევნები“. ნებისმიერი სხვა პოტენციური ცვლილება, რაც არსებულ ხელისუფლებას დაასუსტებდა, არალეგიტიმურ მოთხოვნად მიიჩნევა. ოპოზიცია თბილისში არსებულ რადიკალურ პროტესტს ესთეტიკურადაც აფორმებს – ქმნის ქვეყნის, როგორც „საკნის“ სიმბოლურ იმიჯს. პარლამენტის შენობა რუსთაველის გამზირზე და პრეზიდენტის სასახლის მიმდებარე ტე-

პოლიტიკის სივრცე



■ აპრილის საპროტესტო აქცია, თბილისი 2009

რიტორია რამდენიმე თვით სახელდახელოდ აგებული საკნების ალყაში ექცევა.

ხელისუფლება ცდილობს, არ გაიმეოროს 2007 წლის 7 ნოემბრის შეცდომები და არ აღკვეთოს აქციები ძალადობრივი მეთოდების გამოყენებით. ის სხვა ტაქტიკას ირჩევს: ჯერ ერთი, ცდილობს, თავად იყოს თავისთავად პოზიტიური ცვლილებების ინიციატორი; მეორეც, ხელისუფლება უარს ამბობს ძალისმიერი მეთოდების ტოტალურ და აშკარა გამოყენებაზე, მაგრამ მიმართავს ძალის ფრაგმენტულ, ფარულ გამოყენებას. ამის მაგალითია რამდენიმე „ღამეული“ ანიოკება, ასევე, აქციების აქტიურ მონაწილეებზე უცნობი პირების თავდასხმის შემთხვევები.

აქციის მონაწილეებს ხელისუფლება ღიად მხოლოდ 6 მაისს დაუპირისპირდა, როდესაც თბილისის პოლიციის სამმართველოსთან შეკრებილ მომიტინგეებს, რომელთა ნაწილიც პოლიციის შენობაში შეჭრას ცდილობდა, კასეტური ტყვიები დაუშინა. შინაგან საქმეთა სამინისტრომ თავიდან უარყო არალეიტალური ტყვიების გამოყენება, თუმცა მოგვიანებით სამინისტროს წარმომადგენელმა აღიარა,

რომ FN 303 ტიპის ტყვიების სასროლი იარაღი პოლიციამ მართლაც გამოიყენა.

საპროტესტო აქციების საპასუხოდ, ხელისუფლება რამდენჯერმე გამოდის მნიშვნელოვანი შესაძლო ცვლილებების ინიციატორად. მათ შორისაა ცვლილებები საარჩევნო კანონმდებლობასა და საარჩევნო ადმინისტრაციაში, კონსტიტუციური ცვლილებები პრეზიდენტის ძალაუფლების შესამცირებლად და პარლამენტის უფლებამოსილების გასაზრდელად, თბილისის მერის პირდაპირი არჩევნები და სხვა.

საპროტესტო აქციები ივნისის შუა რიცხვებიდან თანდათანობით დასრულდა. ოპოზიციის ლიდერთა ნაწილი ხელისუფლებასთან დიალოგს დათანხმდა. მოგვიანებით, პრეზიდენტი სააკაშვილი გაზაფხულის აქციებზე და მათ ორგანიზატორებზე ასეთ კომენტარს გააკეთებს: „არაფერი მაგათ არ გამოუვიდათ ბოლო თვეებში და არ გამოუვათ, აწი მით უმეტეს. ისინი ვერასოდეს ვერ იქნებიან უმრავლესობაში, მე ამაში ვარ დარწმუნებული“.

კომენტარი იანო კაჭკაჭიშვილი სოციოლოგი



■ საკნები პარლამენტთან, თბილისი 2009

„2009 წლის პირველი თვეებიდან დაიწყო საზოგადოების კრიტიკული რეფლექსია ნაგებული ომის შედეგებზე. ეს ნაკადი გაძლიერდა და 2009 წლის გაზაფხულზე თბილისელთა უმრავლესობა (59%) სააკაშვილის მოღვაწეობის უარყოფით შეფასებაზე კონცენტრირდება. მაისისთვის მმართველი პარტიის რეიტინგი თბილისში 11%-მდე ჩამოდა. ცხადია, საზოგადოებაში არსებული ამგვარი განწყობებით ისარგებლა არასაპარლამენტო ოპოზიციამ და მასობრივი საპროტესტო გამოსვლების ორგანიზება დაიწყო. თუმცა, საპროტესტო მართონი რაიმე ხელშესახები ინსტიტუციური

ცვლილების გარეშე დასრულდა.

გაზაფხულის მოვლენებმა აჩვენა, რომ ოპოზიციის ხისტი და ხელისუფლების თანმიმდევრული (კარგად მოფიქრებული) ტაქტიკების ჭიდილში ხელისუფლების ტაქტიკამ მოიპოვა უპირატესობა. თუ შევჯამებთ იმ ფაქტორებს, რამაც ეს უპირატესობა უზრუნველყო, შეიძლება ისინი ასე ჩამოყალიბდეს:

1. სააკაშვილის გადადგომის მოთხოვნა ლეგიტიმური, ანუ საზოგადოების მიერ გაზიარებული აღმოჩნდა ქ. თბილისის მასშტაბით და ის არ გახდა ამავე დროს „რეგიონული“, ანუ საერთო სახალხო (ნაციონალური) მოთხოვნა. ოპოზიციამ ვერ შეძლო თუნდაც ერთი რომელიმე რეგიონის თბილისის დარად გააქტიურება;

2. სააკაშვილის რეჟიმის დემორალიზაცია არ მომხდარა ისეთი უმნიშვნელოვანესი ძალაუფლებით სტრუქტურების მასშტაბით, როგორცაა სამართალდამცველი ორგანოები. პირიქით, ხელისუფლებამ მოახერხა, რომ სამართალდამცველი სტრუქტურები თავისი (და არა კანონის) უზენაესობის დამცველად ექცია (გაეხსენოთ „მიშა, მიშას“ შეძახილები პოლიციის მხრიდან 6 მაისს, გირგვლიანის შემთხვევა და სხვ.);

3. არასაპარლამენტო ოპოზიციამ საპროტესტოდ განწყობილ ამომრჩეველს ვერ შესთავაზა ალტერნატივა – რაზე „დამაგრდება“ პროტესტი მაშინ, თუ სააკაშვილი არ ნავიდა? ფაქტია, რომ ოპოზიციამ თავად დანვა უკან დასაბრუნებელი იდეები. ის სააკაშვილის გადადგომის უალტერნატივობამ „გაჭედა“.

შედეგი კი ისაა, რომ, როგორც ბოლოდროინდელი გამოკითხვები აჩვენებს, ხელისუფლებამ შეძლო უღრმესი საგაზაფხულო კრიზისიდან გამოსვლა და მისი პოლიტიკური „წონა“ ავიტოს ომის დროინდელ ნიშნულს დაუბრუნდა. პარალელურად, არასაპარლამენტო ოპოზიციას შეუძლიარდა მხარდამჭერები – საპროტესტოდ განწყობილი მოსახლეობის არცთუ უმნიშვნელო ნაწილმა არჩია, რომ თავისი პროტესტის სარეალიზაციოდ არ აირჩიოს რომელიმე კონკრეტული ოპოზიციური ძალის მიმართ მხარდაჭერა“.

26 მაისი – ოპოზიციისა და მისი მხარდამჭერების შეკრება ეროვნულ სტადიონზე



ფოტო: მარია შირინაძე

■ ოპოზიციისა და მისი მხარდამჭერების შეკრება ეროვნულ სტადიონზე, თბილისი, 26 მაისი 2009

თითქმის ორთვიანი საპროტესტო აქციების შემდეგ გაერთიანებულმა ოპოზიციამ 9 აპრილის შემდეგ პირველად შეძლო მხარდამჭერების შეკრება და ხელისუფლებისთვის რეალური ძალის დემონსტრირება. 26 მაისს, საქართველოს დამოუკიდებლობის დღეს, ოპოზიციის ორგანიზებით, თბილისის ეროვნულ სტადიონზე 60 000-მდე საქართველოს მოქალაქე შეიკრიბა.

მიუხედავად იმისა, რომ ოპოზიციის მხარდამჭერებს ჰქონდათ მოლოდინი, რომ ეს აქცია მათ რეალური ცვლილებების საშუალებას მისცემდა, 26 მაისის შეკრება ხელისუფლებისთვის უმტკივნეულოდ დასრულდა.

იმ დღეს ოპოზიციისა და მისი მხარდამჭერების განმუხტვაში დიდი წვლილი საქართველოს პატრიარქს მიუძღვის.

„ჩვენ არ გვყავს ხელისუფლება, ჩვენ არ გვყავს მთავრობა, მაგრამ ჩვენ გვყავს სულიერი მამა, უწმინდესი და უნეტარესი კათალიკოს-პატრიარქი ილია მეორე, დავიდრათ სამების საკათედრო ტაძრისკენ და უწმინდესმა და უნეტარესმა ... მოგვმართოს, რა უნდა გავაკეთოთ ამის მერე“, – განუცხადა სტადიონზე შეკრებილ მომხრეებს ოპოზიციური მოძრაობის არაოფიცია-

ლურმა ლიდერმა, მომღერალმა გია გაჩეჩილაძემ და ხალხს საკათედრო ტაძრისკენ გაუძღვა.

პატრიარქმა პრეზიდენტის გადაყენების იდეა დაგმო და სამებაში მისულ ხალხს „ერთმანეთის მოსმენისკენ“ მოუწოდა. ოპოზიციის ლიდერების ნაწილმა განაცხადა, რომ პატრიარქს ამ ნაბიჯის გადადგომა ხელისუფლებამ აიძულა.

კომენტარი

ლევან გაჩეჩილაძე
გაერთიანებული ოპოზიციის ლიდერი, „დაიცავი საქართველოს“ დამფუძნებელი



■ ეროვნული სტადიონი, თბილისი, 26 მაისი 2009

„26 მაისი ჩემ ცხოვრებაში ერთ-ერთი ყველაზე დიდი დღე იყო – ემოციური თვალსაზრისით, საქართველოს გადარჩენის თვალსაზრისით, ხალხის ერთობის თვალსაზრისით,

გამოფიზილების თვალსაზრისით. გულწრფელად მეგონა, რომ ეს იქნებოდა ჩვენი მშვიდობიანი აქციების კარგი დასასრული, თუმცა ასე არ გამოვიდა.

მიზანს ბევრი ფაქტორის გამო ვერ მივაღწიეთ. ჩვენ არ ვიყავით ცენტრალიზებული ისე, როგორც საჭირო იყო. არ გვექონდა შესაბამისი ფინანსური რესურსი – ფულს ველოდით, მაგრამ რეპრესიული აპარატის გამო ვერ მოხდა მისი მიღება. ალბათ ზედმინევენით ლიბერალებიც ვიყავით.

ამ დღეს განწყობა იყო ისეთი, რომ რაღაც დიდი, კონკრეტული შედეგებისთვის უნდა მიგვეღწია, ისეთი შედეგებისთვის, რომელიც საბოლოო ჯამში დასრულდებოდა სააკაშვილის რეჟიმს. მაშინ ეს არ გამოგვივიდა. მაგრამ კარგია ის, რომ ეს გამოცდილება გვაქვს და ამ გამოცდილებას მომავალ ზრდილებში გამოვიყენებთ.

მნიშვნელობა იმასაც ჰქონდა, რომ ეკლესიის გავლით გზა ჩვენ უკვე გავიარეთ და მომავალში აღარავინ იტყვის, რომ ეს გზა კიდევ გასავლელია. ეს გზა ამოვწურეთ და შემდგომი ხალხის თავშეყრა უკვე სხვა ფორმით უნდა დამთავრდეს“.

15 ივნისი – დარბევა პოლიციის მთავარ სამმართველოსთან

თბილისის პოლიციის მთავარ სამმართველოსთან სამართალდამცავებმა, მათ შორის ნილბიანმა და სამოქალაქო ტანსაცმელში ჩაცმულმა, ხელკეტებით დაშალეს შენობის წინ გამართული საპროტესტო აქცია.

ოპოზიციის აქტივისტებთან ერთად პოლიციამ სცემა, დააკავა და კანონის დარღვევით გაჩხრიკა ომბუდსმენის წარმომადგენელი და ჟურნალისტები. ჟურნალისტებს წაართვეს კამერები, კასეტები და წაუშალეს ფოტო და ვიდეომასალა.

შინაგან საქმეთა სამინისტროს განცხადებით, „ოპოზიციის წარმომადგენლებმა ბლოკირება გაუკეთეს პოლიციის მთავარ შესასვლელს და გადაკეტეს სამანქანო გზა. პოლიცია შეეცადა შესასვლელი და სამანქანო გზის გათავისუფლებას, მომიტინგეები არ დაემორჩილნენ პოლიციის თანამშრომლებს და გაუწიეს ფიზიკური წინააღმდეგობა“. თუმცა, თვითმხილველების, მათ შორის „როიტერის“ და სხვა მედია ორგანიზაციების წარმომადგენლების განცხადებით, მომიტინგეებს გზა არ ჩაუკეტიათ და მთავარი სამმართველოს შესასვლე-

ლის წინ ტროტუარის გასწვრივ იყვნენ ჩამწკრივებულები.

15 ივნისის დარბევა სახალხო დამცველის ანგარიშშიც მოხვდა. „პოლიციის მიერ ძალის გადამეტება სისტემურ ხასიათს იღებს“, – განაცხადა ტულუშმა პარლამენტში ანგარიშის წარდგენისას. მისი შეფასებით, პოლიციამ არაპროპორციული ძალა გამოიყენა და აქციის დარბევა ყოველგვარი გაფრთხილების გარეშე დაიწყო.

კომენტარი

გიორგი კოპარიძე
ტელეკომპანია „კავკასიის“
ჟურნალისტი

„ვიდეით სამმართველოს მთავარ შესასვლელთან, აქციის მონაწილეები წერილს კითხულობდნენ და ჩვენ ამას ვიღებდით. კითხვა დამთავრებულიც არ ჰქონდათ, რომ ატყდა ხმაური. გამოვარდნენ პოლიციელები და დაიწყო ცემა-ტყევა. ჩვენ აღმოვჩნდით შუაში, მე და ჩემს ოპერატორს ხელკეტები მოგვხვდა. შემდეგ კამერასაც მოხვდა და გადაღება შეწყვიტა. ცოტა ხნით გამოვეცალეთ ჩხუბს, კამერა უნდა შეგვემოწმებინა, თან ვიფიქრეთ, რომ კასეტას შეეცვლიდით და გადავარჩენდით. მაგრამ კასეტის ამოღება ვეღარ მოვასწარი. ფორმიანები მოვიდნენ და კამერა ძალით წაგვართვეს. მოგვიანებით უკან კი დაგვიბრუნეს, მაგრამ მასალა მთლიანად ნაშლილი იყო. კამერები იმ დღეს ყველას წაართვეს.“

კომენტარი

შოთა კახანაძე
ტელეკომპანია „მაესტროს“
ოპერატორი

„აქცია დაარბიეს და ჩვენმა ჯგუფმა დარეკა, – კამერა წაგვართვეს და ოპერატორს სცემესო. ახალი ჯგუფი იყო საჭირო. როდესაც მივედი, ვნახეთ, რომ ნაცემი იყო ხალხი, ჟურნალისტები, ყველასთვის კამერები ჰქონდათ წართმეული. გვიწოდდა, დაზარალებულები ჩავგვეწერა და ვცდილობდი, მომეკებნა ჩემი თანამშრომელი, რომელიც ნაცემი იყო. ამ დროს დაგვინახეს, რომ კამერა გვექონდა და გამოგვეკიდნენ. კამერა ჩართული მქონდა და ვიღებდი, როგორ მომდევნდნენ. ვერ დაგვიჭირეს, გავქექციეთ, კასეტა გამოვცვალეთ და ისევ ჩართული კამერით დავბრუნდი. ისევ გამოგვეკიდნენ, ვიღაც პერანგზე ჩამეჭიდა და მომხვდა სახეში მუშტი. დავეცი, დაახლოებით 5 ფორმიანი მირტყამდა ნიხლებს და ცდილობდნენ კამერა წაერთმიათ. ამ დროს იქვე იდგა თბილისის საპატრულოს უფროსი გრიგალაშვილი. მერე სამმართველოს ეზოდან ვიღაც გამოვიდა, ფორმა არ ეცვა, დაიძახა, – მართო კამერა წაართვით, არ სცემოთო, – და შემემგვნენ, კამერა კი წამართვეს. დაიჭირეს ჩემი ჟურნალისტი ანა ბროლაძე, კასეტები წაართვეს, დაუზიანეს მიკროფონის მიმღები და ისიც წაართვეს. დღის ბოლოს კი დაგვიბრუნეს კამერა, მაგრამ გადამცემი აღარ ჰქონდა და მასალაც, რა თქმა უნდა, ნაშლილი იყო.“

„დაახლოებით 5 ფორმიანი მირტყამდა ნიხლებს და ცდილობდნენ კამერა წაერთმიათ. ამ დროს იქვე იდგა თბილისის საპატრულოს უფროსი გრიგალაშვილი“.



■ მომიტინგეთა დარბევა პოლიციის მთავარ სამმართველოსთან, 15 ივნისი, თბილისი 2009



■ მომიტინგეები პოლიციის მთავარ სამმართველოსთან, 15 ივნისი, თბილისი 2009

ფოტო: ირაკლი ბაღდოძე

ფოტო: ირაკლი ბაღდოძე

12 ივლისი – პრეზიდენტის სასახლის პრეზენტაცია



პრეზიდენტის სასახლე, თბილისი 2009

ფოტო: ტრაპალო ბაღვაშიანი

ავლაბარში აშენებული სასახლე ხელი-სუფლებითვის ქართული სახელმწიფოს ერთ-ერთი სიმბოლო გახდა. „მე მინდა გვესმოდეს, რომ ეს არის პირველი, 2000 წლის განმავლობაში დიდი სახელისუფლებო დაწესებულება, რომელიც ააშენა დამოუკიდებელმა საქართველომ. ჩვენ არ გვქონია არასდროს, ყველაზე დიდ ეპოქებშიც კი, კაპიტალური სახელმწიფო დაწესებულებები“, – თქვა პრეზიდენტმა სააკაშვილმა.

თუმცა, პრეზიდენტის სასახლე კრიტიკულად განწყობილი საზოგადოებისთვის სახელმწიფო ბიუჯეტის გადახარჯვის სიმბოლო გახდა. რამდენიმე ოპოზიციური პარტიის გათვლებით, მშენებლობა 800 მილიონი ლარი დაჯდა. სწორედ ამის საპასუხოდ ახლად დასრულებული სასახ-

ლის დათვალიერებისას სპეციალურად ამ მიზნისთვის რეგიონიდან ჩამოსულ სტუდენტებს პრეზიდენტმა განუმარტა, რომ სასახლის მშენებლობისთვის „ბოლო 5 წლის განმავლობაში განეული სახელმწიფო ხარჯების 0,18-1,17%-ია“. სააკაშვილის გათვლების მიხედვით, სასახლის მშენებლობა 13 მილიონი ლარი დაჯდა, ექსპერტების გათვლებით კი – 50-60 მილიონი ლარი.

5-სართულიანი, 4500 კვადრატული მეტრის ფართობის რეზიდენცია ოფიციალურად გაიხსნა სპეციალური ცერემონიით, სადაც 1 600-მდე სტუმარი იყო მიწვეული, მათ შორის სრულიად საქართველოს კათალიკოს-პატრიარქი ილია II, საქართველოში აკრედიტებული ელჩები, პარლამენტარები, მთავრობის წევრები და კულტურის მოღვაწეები.

შედლო არსებული დიპლომატიური და საინფორმაციო ომის რიტორიკის შეცვლა. დასკვნაში არ იყო ნათქვამი არაფერი კონკრეტული მთავარ კითხვაზე, რომელზე პასუხსაც ყველა ელოდა.

კომენტარი

ოლგია ვართანიანი ჟურნალისტი

ტალიავინის კომისიის დასკვნამ, რომელსაც მსოფლიოს პოლიტიკური სპექტრი თითქმის ერთი წლის განმავლობაში ელოდებოდა, არანაირად არ შეცვალა ევროპისა და აშშ-ს პოლიტიკა აფხაზეთთან და სამხრეთ ოსეთთან დამოკიდებულებაში. მის შესახებ აქამდე არ გაუკეთებია განცხადებები აშშ-ს სახელმწიფო დეპარტამენტს, მხოლოდ კომენტარებით დაკმაყოფილდნენ ევროპის მონივნავ პოლიტიკური ლიდერები.

საქმე ისაა, რომ დასკვნაზე მომუშავე ექსპერტებმა ვერ შეძლეს რაიმე არსებითად ახალი ფაქტის დადგენა ერთ-ერთ საკვანძო საკითხთან დაკავშირებით, რისთვისაც პრინციპში შეიქმნა კიდევ ეს კომისია – ვინ და რატომ დაინყო აგვისტოს ომი. კომისიამ წარმოადგინა განსხვავებული შეხედულებები, რთული იურიდიული განმარტებები, თუმცა – საბოლოო დასკვნების გარეშე.

ზოგიერთი ანალიტიკოსი კერძო საუბრებისას ამბობს, რომ ასეთი რეზულტატი ძირითადად ქართული სამინისტროების იმ სპეციალისტთა ჯგუფის დამახარებაა, რომლებმაც მოახერხეს, წარმოედგინათ იმ მოვლენების დაწვრილებითი აღწერა, რაც ბოლო წლების მანძილზე ომამდე

30 სექტემბერი – გამოქვეყნდა ტალიავინის საგამოძიებო კომისიის დასკვნა

30 სექტემბერი – ვინ დაინყო 2008 წლის აგვისტოს ომი? მიუხედავად იმისა, რომ ამ კითხვაზე კონფლიქტის ყველა მონაწილეს მისთვის სასარგებლო პასუხი ომის პირველი დღიდანვე ჰქონდა, საქართველო და რუსეთი საერთაშორისო საზოგადოებასთან ერთად მოუთმენლად ელოდა ევროკავშირის ეგიდით შექმნი-

ლი საგამოძიებო კომისიის დასკვნას. შვეიცარიელი დიპლომატის, ჰაიდი ტალიავინის ხელმძღვანელობით ფაქტების მოძიების მისია კონფლიქტის მონაწილე ქვეყნებსა და რეგიონებში რამდენიმე თვის განმავლობაში რამდენჯერმე ჩავიდა. საბოლოო დასკვნა 30 სექტემბერს გამოქვეყნდა, მაგრამ დოკუმენტმა ვერ



და კონფლიქტის დაწყების დღეს – 7 აგვისტოს ხდებოდა. ამ ინფორმაციის საშუალებით შესაძლებელი გახდა ეჭვქვეშ დამდგარიყო მანამდე გავრცელებული ვერსია, თითქოს ომი საქართველომ დაიწყო, რუსეთი კი იძულებული იყო, საკუთარი სამშვიდობოები და სამხრეთი ოსეთის მოსახლეობა დაეცვა.

მთლიანობაში ამ დასკვნას განიხილავენ სეროიზულ დარტყმად რუსეთზე, რომელიც მხილებულია სამხრეთი ოსეთის ქართულ სოფლებში მოწყობილ ეთნოწმენდასა და აფხაზეთში კოდორის გაუმართლებელ დაპყრობაში. რუსეთი ამხილეს ასევე სიცრუეში, როდესაც ის ოსი ხალხის გენოციდზე ლაპარაკობდა, და დაიგმო მისი თითოეული ნაბიჯი გაუმართლებლად მასშტაბური ძალის გამოყენებისთვის.

ფრთხილი, დიპლომატიური ფორმით დანერგული ეს მოხსენება, ყოველგვარი კონკრეტული დასკვნის გარეშე, მხოლოდ პროპაგანდის საგნად იქცა სამთავრობო პრესისთვის რუსეთშიც და საქართველოშიც. თითოეულმა მხარემ ამ ანგარიშიდან მისთვის სასარგებლო თეზისები ამოკრიბა. ეს ყველაფერი თვეზე მეტ ხანს არ გაგრძელებულა, ეს ანგარიში მეტს არც იმსახურებდა.

„ექსპერტებმა ვერ შეძლეს დადგენა – ვინ და რატომ დაიწყო აგვისტოს ომი“.



რუსი სამხედროები, გორი 2008

ფოტო იოსებ ნაგლაშვილი

19 დეკემბერი – ქუთაისში „დიდების მემორიალის“ აფეთქება



„დიდების მემორიალი“, ქუთაისი

ქუთაისში მეორე მსოფლიო ომში დაღუპულთა მემორიალის აფეთქებას 2 ადამიანის – მათ შორის 11 წლის ბავშვის სიცოცხლე ემსხვერპლა.

აფეთქების მოსაწყობად, ქუთაისის მერიის მიერ დაქირავებული კომპანიის „საქფეთქმრეწვის“ თანამშრომლების თქმით, უსაფრთხოების ზომები მოსამზადებელი დროის სიმცირის გამო სრულად ვერ დაიცვეს. თავდაპირველად მათ აფეთქება 21 დეკემბრისთვის დაუკვეთეს, შემდეგ კი მოულოდნელად მუნიციპალიტეტიდან დაურეკეს და დემონტაჟის დასრულება 19 დეკემბრისთვის უბრძანეს. არაოფიციალური ინფორმაციით, მემორიალის აფეთქება მიხეილ სააკაშვილის დაბადების დღეს უნდა მომხდარიყო, თარიღი კი მას შემდეგ შეიცვალა, რაც მემორიალის დანგრევის გეგმა ქუთაისის მოსახლეობის ნაწილმა და ოპოზიციურმა პარტიებმა გააპროტესტეს.

მომხდარი ტრაგედიის გამო, მხოლოდ ამფეთქებელი კომპანიის 3 თანამშრომელი დააკავეს, პრეზიდენტის ბრძანებით კი თანამდებობა დატოვა იმერეთის გუბერნატორმა. არავინ დასჯილა ქუთაისის მუნიციპალიტეტიდან. არ დამდგარა არც პოლიციის რომელიმე თანამშრომლის პასუხისმგებლობის საკითხი, მიუხედავად იმი-

სა, რომ მოსახლეობის პერიმეტრიდან გაყვანა სწორედ საპატრულო პოლიციას ევალებოდა.

მთავრობის მიერ ძეგლის აღების აუცილებლობა იმით იყო ახსნილი, რომ ამ ადგილას საქართველოს პარლამენტის მშენებლობა იწყება.

მემორიალის აფეთქების შესახებ გადანყევტილება რომ ნაჩქარევად იყო მიღებული, ერთი დღით ადრე საქართველოს საგარეო საქმეთა სამინისტროს მიერ გავრცელებული განცხადებიდანაც ჩანს. „მთელი პასუხისმგებლობით ვაცხადებთ, რომ საქართველოში პატივისცემითა და მონივნებით ეპყრობიან მეორე მსოფლიო ომში მებრძოლთა ხსოვნას და საქართველოს სახელმწიფო და საზოგადოება ზრუნავს ძეგლებსა და მემორიალებზე. რაც შეეხება ქ.ქუთაისში განთავსებულ მებრძოლთა მემორიალს, გვინდა აღვნიშნოთ, რომ ძეგლი ძლიერ დაზარალდა 90-იან წლებში, სწორედ იმ პერიოდში, როდესაც საქართველოში მიმდინარეობდა რუსეთის მიერ ინსპირირებული მოვლენები. ამის შედეგად აღნიშნული მემორიალი საჭიროებს შესაბამისი სარეაბილიტაციო სამუშაოების ჩატარებას“, – ნათქვამია განცხადებაში.

კომენტარი

ზაალ ანდრონიკაშვილი
ლიტერატურათმცოდნე, ილია ჭავჭავაძის უნივერსიტეტის ასოცირებული პროფესორი

„დიდების მემორიალის“ დანგრევის მოტივი თუ მართლაც პარლამენტის შენობისთვის ადგილის გათავისუფლება იყო, ის კრიტიკას ვერ უძლებს. თავი რომ დავანებოთ ამ იდეის აბსურდულობას, ქუთაისში ერთი შენობის ასაშენებელი ადგილი „დიდების მემორიალის“ დაუნგრევლადც საკმარისად არის.

მემორიალის დანგრევის მეორე მოტივზე ამერიკელი ოურისტი რობერტ ამსტერდამი საუბრობს: საქართველოს მთავრობამ „არა მარტო დემონტაჟი გაუკეთა (მემორიალს -ზ.ა.) პარლამენტის ახალი შენობის ასაშენებლად, არამედ ის სამაგალითოდ ააფეთქა [...]. ცხადია, ეს იყო რუსეთის გასაღიზიანებლად გადადგმული ნაბიჯი, რომლის

განრისხებული რეაქციაც მოსალოდნელი იყო“.

ორივე შემთხვევაში, მემორიალის აფეთქება მისი ინიციატორების სრულ უგუნურობაზე მეტყველებს. რუსეთის „ჯინაზე“ ომში დაღუპული ქართველების სსოვნის შეურაცხყოფის ასახსნელად კი უგუნურობა ალბათ ყველაზე რბილი შეფასებაცაა.

თუმცა არის მესამე მიზეზიც: ბოლო დროს საქართველოს მთავრობის მხარდამჭერი არასამთავრობო ორგანიზაციები საბჭოთა მემკვიდრეობის დაძლევის და საბჭოთა სიმბოლიკის აკრძალვის ინიციატივით გამოვიდნენ.

თავისთავად საბჭოთა მემკვიდრეობის შეფასება და ამ მემკვიდრეობის დაძლევა აუცილებელია. პრობლემა ისაა, რომ არც ნაციონალური მოძრაობის think tank-ებს, არც საქართველოს მთავრობას არც გააზრებული, არც ჩამოყალიბებული არ აქვს, რა არის საბჭოთა მემკვიდრეობა და როგორ შეიძლება მისი დაძლევა. სწორედ ეს გაუაზრებლობა ხდება არა მარტო უგუნურობის, არამედ დანაშაულის წყაროც. რატომღაც მიჩნეულია, რომ საბჭოთა მემკვიდრეობის დაძლევა საბჭოთა სიმბოლოების განადგურებას ნიშნავს. ეს იგივეა, ექიმში ქრლობას კოსმეტიკით რომ მკურნალობდეს.

ვისაც II მსოფლიო ომი საბჭოთა კავშირის და გერმანიის ომი ჰგონია, ზუსტად ისევე ფიქრობს, როგორც პუტინისეული პროპაგანდა. საბჭოთა საქართველოს ისტორიაში საამაყო ბევრი არაფერი ყოფილა. მაგრამ ის, რომ ქართველები ლამის მთელ მსოფლიოსთან ერთად ამ ბოროტების წინააღმდეგ იბრძოდნენ და მის დამარცხებაში თავისი წვლილიც შეიტანეს, დიასაც საამაყოა.

გადანწყვეტილება „დიდების მემორიალის“ აფეთქების შესახებ ქუთაისის საკრებულოს არ მიუღია. გაურკვეველია, რა კანონიერ ჩარჩოში იყო მოქცეული „დიდების მემორიალის“ დემონტაჟი.

საქართველოს მთავრობას მოსახლეობისათვის საკუთარი გადანწყვეტილების დასაბუთების პრობლემა აქვს, და რადგანაც მთავრობის პოზიცია არც ამ შემთხვევაში ყოფილა არგუმენტირებული, მისი საჯაროდ გამოტანა ძეგლის აფეთქების გადანწყვეტილებას ან გადაავადებდა ან საერთოდ შეაჩერებდა. მთავრობამ თავისი გადანწყვეტილების „პარტიზანულად“ განხორციელება გადანწყვიტა – მემო-

რიალი დაგეგმილზე ადრე ააფეთქეს. ამ „პარტიზანულად“ კი მთავრობის უგუნურობა დანაშაულად აქცია: აფეთქებას ორი ადამიანის სიცოცხლე შეეწირა.

თუკი მთავრობას სურდა, საბჭოთა მემკვიდრეობის დაძლევაში თავისი წვლილი შეეტანა, ამის საპირისპირო გამოუვიდა. მოსახლეობის აზრის იგნორირება, გადანწყვეტილებების საზოგადოებრივი აზრის გაუთვალისწინებლად მიღება და მერე ამ გადანწყვეტილებების „პარტიზანულად“ განხორციელება სწორედაც

რომ ის არის, რაც საბჭოთა კავშირმა საქართველოს დღევანდელ მთავრობას მემკვიდრეობად დაუტოვა.

„მთავრობამ თავისი გადანწყვეტილება „პარტიზანულად“ განახორციელა. ამან კი უგუნურობა დანაშაულად აქცია“.




■ მეორე მსოფლიო ომის ვეტერანები აფეთქებულ „დიდების მემორიალთან“, ქუთაისი 2009

ფოტო: თეიმურაზ ბაქრაძე



WWW.LIBERALI.GE



აღაიანის უზღუბავი და სამართალი

უპატრონო ეკლესიები

საქართველოს საპატრიარქოსა და სომხური სამოციქულო ეკლესიის ექვსი საღავო ტაძრიდან ერთ-ერთი უპატრონობის გამო ჩამოინგრა. საქართველოს ხელისუფლებას არ ეყო ნება, რომ კულტურული მემკვიდრეობის ძეგლი გადაერჩინა.

ანიტა თვაური



■ მოლნისის წმინდა გიორგის სახელობის ტაძრის ნანგრევები.
თბილისი, ახოსპირელის ქუჩა, ნოემბერი 2009

19 ნოემბრის დილის 4 საათზე ახოსპირელის ქუჩის მაცხოვრებლები ნგრევის ხმამ გააღვიძა. „ისეთი ხმით იზრიალა, გვეგონა, მიწისძვრა იყო“, – იხსენებს იქვე, მეზობლად მცხოვრები ერთ-ერთი მოქალაქე. მოლნისის წმ. გიორგის ჯვარგუმბათოვანი ტიპის ტაძრის ნგრევა გუმბათის ჩამოქცევით დაიწყო, რასაც ორი კედლის ჩამოშლა მოჰყვა. ნგრევამ ორი სახლის სახურავი, ორი მეზობლის წყალკანალიზაციის ქსელი და ავტომობილი დააზიანა. ძველი თბილისის გამგეობამ მეორე დილასვე დაიწყო კედლების იმ ქსოვილის მოშლა, რომელიც საფრთხეს უქმნიდა მოსახლეობას. როგორც ადგილობრივები იხსენებენ, ეს პირველი შემთხვევა იყო, როდესაც მათ გამოეხმაურნენ. მჭიდრო განსახლების გამო, ეკლესიის სიძველე მეზობლად მცხოვრებ ოჯახებს მუდმივი საფრთხის ქვეშ აყენებდა. მეზობლები აგროვებდნენ ხელმონერებს და განცხადებებით აკითხავდნენ ხან მერიას, ხან გამგეობას და ხან კულტურისა და ძეგლთა დაცვის სამინისტროს, მაგრამ მათი მოთხოვნა, რომ ტაძრისთვის მიეხედათ, უპასუხოდ რჩებოდა.

ტაძრის მძიმე მდგომარეობაზე 2007 წელს ერთ-ერთ სტატიაში ისტორიის მეცნიერებათა დოქტორი, თეიმურაზ ბერიძეც საუბრობდა, – „ერთხანს მანდ სადურგლო სახელოსნო იყო. შემდეგ კი ხალხური რენვის მუზეუმი გადმოიტანეს. ახლა სავალალო მდგომარეობაშია, დაკეტილია და ინგრევა. ტაძრის გუმბათზე თუნუქი გადამძვრალია, კარიბჭეები ჩაკეტილი – ხე ძველი, ხოლო ამომტვრეული ადგილები დაჟანგული თუნუქით არის აჭედლი. ტაძარი სავსეა ნაშალი მასალით, სახურავზე ხეებია ამოსული, კედლები კი დამსკდარი და დანესტიანებული. როგორც ჩანს, საკურთხევის ქვეშ გრუნტმა დაინია, შედეგად აღმოსავლეთის მკლავი გადახსნილი და გადაქანებულია“.

მიუხედავად სავალალო მდგომარეობისა, ჩამონგრევამდე ეკლესიის რესტავრაცია არ დაწყებულა. იქვე მეზობლად მცხოვრები ადამიანები ირწმუნებიან, რომ ტაძრის ნგრევის მიზეზი მისი „უპატრონობა“ გახდა. „ამ ტაძრის ძირში ვცხოვრობ და ყოველწუთას მქონდა მოლოდინი, რომ ეს მოხდებოდა. რა ინსტანციაშიც არ მივედი, ყველგან ერთი პასუხი ჰქონდათ, – ეროვნული შუღლის გაღვივებას ვერიდებათ“, – ამბობს ერთ-ერთი მეზობელი ქეთი გარსევანიშვილი.

24 ნოემბერს, ახოსპირელის ქუჩაზე ეკლესიის ჩამონგრევა ერევანში საქართველოს საელჩოსთან 500-მდე დემონსტრანტმა გააპროტესტა, პლაკატებით „არა უმოქმედობას!, „არა კულტურულ გენოციდს!“ „ქართველებო, თქვენც ხომ ქრისტიანები ხართ“. ისინი სომხური სამოციქულო ეკლესიისათვის იურიდიული სტატუსის მინიჭებასა და ეკლესიების დაბრუნებას ითხოვდნენ.

სომხეთის უმაღლესმა საბჭომ გავრცელა განცხადება, რომელშიც საქართველოს ხელისუფლება და მართლმადიდებლური ეკლესია სომხური ძეგლის მოუვლელობაში დაადანაშაუ-

საქართველოს კულტურული მემკვიდრეობის დაცვის ეროვნული სააგენტოს უფროსის მოადგილის, ნიკოლოზ ანთიძის თქმით, უკვე შეიქმნა ექსპერტთა ჯგუფი, რომელიც ჯერ შეისწავლის ძეგლს და შემდეგ დაიწყებს მის რესტავრაციას. 2007 წელს თბილისში კულტურული ძეგლების ხელახალი შესწავლა და აღრიცხვა დაიწყო. მოლნისის ეკლესია სხვა სომხურ ეკლესიებთან ერთად ამ კულტურული მემკვიდრეობის სიაში დარჩა.

ნიკოლოზ ანთიძის განმარტებით, ძეგლის რეაბილიტაცია იმიტომ ვერ მოხერხდა, რომ ამ უბანში ცალკეული შენობების რეაბილიტაცია უმედეგოადა



■ მოლნისის წმინდა გიორგის სახელობის ტაძრის ნანგრევები, თბილისი, ახოსპირელის ქუჩა, ნოემბერი 2009

■ მიუხედავად იმისა, რომ ექვსი სადავო ეკლესია რეესტრშიც სომხურად არის მოხსენიებული, საპატრიარქო მათი წარმომავლობის შესწავლას მაინც დაჟინებით ითხოვს.

ლა. „საქართველოს ხელისუფლების გულგრილი დამოკიდებულება არ პასუხობს მის მიერ ნაკისრ ვალდებულებებს, რომელიც საქართველოს მეზობელ ქვეყნებთან კეთილმეზობლურ დამოკიდებულებასა და ეთნიკური უმცირესობების კულტურულ-ისტორიული ძეგლების დაცვას ავალდებულებს“, – ნათქვამია განცხადებაში.

მიჩნეული. მერიის გადაწყვეტილებით, თბილისის ისტორიული უბნების საერთო რეაბილიტაცია მიწისქვეშა სანიალვრე სისტემის მონესრიგების შემდეგ იწყება. „ჩვენი დასკვნით, მოლნისის ნგრევა ბოლო მიწისძვრის შედეგი იყო. სამწუხაროდ, უბნური რეაბილიტაცია, რომელიც 2010 წელს ამ ეკლესიასაც შეეხებოდა, ვერ მოესწრო“, – ამბობს ნიკოლოზ ანთიძე.

საქართველოში სომხური სამოციქულო ეკლესიის წარმომადგენლის მიხედვით ავაქიანის თქმით, სომხური ეკლესიისთვის ამ ტაძრების გადაცემის შემთხვევაში, ისინი ეკლესიებს სახელმწიფოსთან ერთად სათანადო მოვლაპატრონობას გაუწევდნენ და მოლნისის ძეგლის შენარჩუნება მოხერხდებოდა.

საქართველოს კულტურული მემკვიდრეობის დაცვის ეროვნული სააგენტოს და კულტურისა და ძეგლთა და-

ცვის სამინისტროს კომპეტენციაში არ შედის ქონების გადაცემა. ეკონომიკის სამინისტროში კი ამბობენ, რომ მსგავსი მოთხოვნით არავის მიუმართავს. ქვეყნის სარეაბილიტაციო გეგმის შექმნით ის პრობლემა არ მოგვარებულა, რაც სომხურ და სხვა ტრადიციულ ეკლესიებს აქვთ საქართველოში.

1356 წელს აშენებულ „მულნუ სურბ-გევორქის“ ეკლესიას მე-18 საუკუნეში სარესტავრაციო სამუშაოები ჩაუტარდა. ის XX საუკუნის 30-იან წლებამდე მოქმედი იყო, ვიდრე საბჭოთა ხელისუფლებამ სომხურ ეკლესიას არ ჩამოართვა. საბჭოთა პერიოდში ჩამორთმეული ეკლესიების საკითხი დამოუკიდებლობის მოპოვების შემდეგ ქართულმა სახელმწიფომ ვერ მოაგვარა. საეკლესიო ქონების რესტიტუციის უფლება მხოლოდ მართლმადიდებლურ ეკლესიას, კონკორდატის საფუძველზე მიეცა. დანარჩენ ტრადიციულ კონფესიებს საქართველოში რელიგიური სტატუსი არ აქვთ. კანონი მათ მხოლოდ კერძო არასამეწარმეო იურიდიულ პირად და რეგისტრირების საშუალებას აძლევს.

ტრადიციული რელიგიები ამგვარ რეგისტრაციაზე უარს აცხადებენ. „სომხური ეკლესია საქართველოში, უკვე 15 საუკუნეა, არსებობს და რო-

სიები თავდაპირველად იყო ქართული და მას შემდეგ, რაც გაუქმდა ქართული მართლმადიდებლური ეკლესიის ავტოკეფალია, რუსმა ეგზარქოსებმა ისინი სომხურ ეკლესიას გადასცეს, მაგრამ ამას მეცნიერულად დასაბუთება სჭირდება“, – ამბობს საპატრიარქოს რელიგიებს შორის კავშირების ცენტრის ხელმძღვანელი ლელა ჯეჯელავა.

რესტავრატორი შალვა მელიქიძე მოლნისზე წინასწარ შესწავლით სამუშაოებში მონაწილეობს. ის ამბობს, – „ტაძარი თავიდან ბოლომდე სომხურია: მშენებლობის სტილით, ფორმით, ღია დიდი სარკმლებით, თუმცა საფუძვლიანად რომ შევინახოთ, მაშინ უფრო დანამდვილებით ვიტყვი“. მიუხედავად იმისა, რომ ეს ეკლესიები რეესტრშიც სომხურად არის მოხსენიებული, საპატრიარქო მათი წარმომავლობის შესწავლას მაინც ითხოვს.

2008 წელს საპატრიარქო კომისიის შექმნის ინიციატივით გამოვიდა, რომელიც ამ ეკლესიების წარმომავლობას დაადგენდა. კომისია არ შედგა, რადგან სომხურმა სამოციქულო ეკლესიამ უარი თქვა მასში მონაწილეობაზე. მამა ნარეკი ასეთი კომისიის შექმნას ისეთივე აბსურდად მიიჩნევს, როგორც სიონისა და ქაშუეთის ეკლესიების

პერმანენტულად მწვავედ ურთიერთობები სომხურ ეკლესიასა და საპატრიარქოს შორის.

2008 წლის 16 ნოემბერს ნორაშენის ეკლესიის გვერდით მდებარე მართლმადიდებლური ეკლესიის დეკანოზმა ტარიელ სიკინჭილაშვილმა თვითნებურად გადაადგინა ნორაშენის ეზოში ორი სომეხი მეცენატის საფლავის ქვები, რასაც ადგილობრივი სომხები კვლავ გამოეხმაურნენ და საფლავის ქვები უკან დააბრუნეს. ამ ფაქტს მოჰყვა სხვადასხვა ქვეყანაში ქართულ საელჩოებთან სომხური დიასპორის საპროტესტო აქციები.

სახალხო დამცველის აპარატთან არსებული ტოლერანტობის ცენტრის ხელმძღვანელის, ბექა მინდიაშვილის აზრით, ამგვარი ქმედება საქართველოს სახელმწიფოს ულახავს სახეს ქვეყნის ფარგლებს გარეთ და ასევე ქართულ-სომხურ ურთიერთობებსაც უშლის ხელს. თუ იქნება სახელმწიფოს ნება, საკითხის მოგვარება სამართლებრივად შესაძლებელია. ამას მონაწილე ორი მოქმედი სომხური ეკლესიის არსებობა თბილისში, რომლებიც სომხურმა მხარემ თავისი ძალეობით გაამარჯვა და დღეს ღვთისმსახურებას ეწევა. „ამ ნების არარსებობა გამო-

■ ახოსპირელის ქუჩაზე ეკლესიის ჩამონგრევა ერევანში საქართველოს საელჩოსთან 500-მდე დემონსტრანტმა გააპროტესტა, პლაკატებით „არა კულტურულ გენოციდს!“, „ქართველებო, თქვენც ხომ ქრისტიანები ხართ“.

გორ შეიძლება რეგისტრაცია გაიაროს დღეს ამ ეკლესიამ როგორც ახლად შექმნილმა ორგანიზაციამ? ეს შეურაცხმყოფელია სომხური ეკლესიისათვის“, – ამბობს სომხური სამოციქულო ეკლესიის წინამძღვარი მამა ნარეკი.

სომხური ეკლესია, სტატუსის გარდა, ექვსი ეკლესიის დაბრუნებას ითხოვს, მათგან ერთი ახალციხეშია – „სურბ-ნშანი“, ხუთი კი თბილისში – „შამხორედ სურბ-ასტვაცაცინ“ და „სურბ-მინასი“ ავლაბარში, „მულნუ სურბ-გევორქი“ ახოსპირელის ქუჩაზე, „სურბ-ნშანი“ ვერცხლის ქუჩაზე და „ნორაშენი“ ლესელიძის ქუჩაზე.

ისინი ე.წ. „სადავო“ ეკლესიების სიას მას შემდეგ მიეკუთვნებიან, რაც საპატრიარქომ მათ ფლობაზე პრეტენზია თავად განაცხადა. „ქართველ მეცნიერებს აქვთ მოსაზრება, რომ ეს ეკლე-

ქართული წარმომავლობის დასადგენად კომისიის შექმნას.

2005 წლის საანგარიშო მოხსენებაში სახალხო დამცველმა სოზარ სუბარმა პარლამენტს რეკომენდაციით მიმართა, რომ საკითხი მონესრიგებულებიყო, მაგრამ მაშინ დეპუტატებმა არც კი მოუსმინეს ომბუდსმენს და პროტესტის ნიშნად დარბაზი დატოვეს.

საპატრიარქოსა და სომხურ ეკლესიას შორის დაპირისპირება, უკვე რამდენიმე წელია, მიმდინარეობს. 1995 წლის 15 თებერვალს, საქართველოს საპატრიარქოს გადანყვეტილებით, ნორაშენი ყოვლადწმიდა ღვთისმშობლის ხარების ეკლესიად აკურთხეს და მართლმადიდებლური წირვა ჩაატარეს. ეს ფაქტი ადგილობრივმა სომხურმა თემმა გააპროტესტა და საპატრიარქო იძულებული გახდა, ტაძარი დაეტოვებინა. 1995 წლიდან მოყოლებული

წვეულია იმ არაჯანსაღი ურთიერთმომართებით, რომელიც არსებობს საპატრიარქოსა და სახელმწიფოს შორის, სახელმწიფოს ეშინია საპატრიარქოსი“, – ამბობს ბექა მინდიაშვილი. მისივე თქმით, სახელმწიფო ქონების დაბრუნებას ისევე უნდა მიუდგეს, როგორც ეს მოხდა მართლმადიდებლური ეკლესიების მიმართ, ყველა იმ ეკლესიას უნდა დაუბრუნოს ქონება, რომლებსაც 30-იან წლებში ჩამოართვეს.

მოლნისის ეკლესიის სარეაბილიტაციო ჯგუფის შექმნა ჯერ კიდევ ვერ წყვეტს საერთო საკანონმდებლო დისკრიმინაციულ დამოკიდებულებას რელიგიური უმცირესობების მიმართ. გაურკვეველია იმ ხუთი ეკლესიის ბედიც, რომლებიც ასევე სავალალო მდგომარეობაშია და, უყურადღებობის შემთხვევაში, მათი ჩამონგრევის საფრთხეც დღითი დღე იზრდება. ■

ფონდ „ინკლუზივის“ დარბაზი

პოლიცია ღირსებისა და პატივის წინააღმდეგ

რეფორმირებული პოლიცია ისევ აყენებს შეურაცხყოფას სრულიად უდანაშაულო ადამიანებს და ღირსების და პატივის შემლახავ ქმედებებს მიმართავს.

ნინო ბექიშვილი



ფონდ „ინკლუზივის“ ოფისში, ახვლედიანის ქუჩაზე, 15 დეკემბერს, დაახლოებით საღამოს შვიდ საათზე ხუთი შეიარაღებული პირი შეიჭრა, რომელთაც პოლიციის ფორმები არ ეცვათ. მათ განაცხადეს, რომ ოპერატიული ინფორმაციის საფუძველზე შენობა უნდა გაეჩხრიკათ. ფონდის ხელმძღვანელი პაატა საბელაშვილი ცალკე ოთახში გამოკეტეს და საქმეს, ანუ ჩხრეკას შეუდგნენ, ისე, რომ ჩხრეკის ოქმი ოფისში მყოფი არც ერთი ადამიანისთვის არ უჩვენებიათ. საღამოს რვა საათისთვის ფონდში უკვე ათზე მეტი უცხო პირი იყო, რომლებიც არც საკუთარ ვინაობას ამხელდნენ და იქ მყოფი ადამიანების მიმართ განსაკუთრებული ცინიზმით გამოიჩინოდნენ.

ფონდში ამ დროს „ქალთა კლუბის“ წევრი გოგონები საახალწლო გამოფენისთვის ემზადებოდნენ და ბისერებისგან სამაჯურებსა და სხვა სამკაულებს აკეთებდნენ. ფონდი „ინკლუზივი“ ერთადერთი ქართული არასამთავრობო ორგანიზაციაა, რომელიც ლგბტ (ლესბოსელი, გეი, ბისექსუალი და ტრანსგენდერი) ადამიანების უფლებათა დაცვაზე მუშაობს, აქვს ორენოვანი ვებგვერდი, გამოსცემს ყოველკვარტალურ ორენოვან ჟურნალ „მეს“. ფონდი 2006 წლიდან არსებობს და საერთაშორისო დონორების მიერ ფინანსდება. „ინკლუზივი“ ლგბტ ჯგუფის ადამიანებისათვის ერთადერთი უსაფრთხო სივრცეა, სადაც ლიად საუბრობენ მათთვის მნიშვნელოვან თემებზე, თუ

დასჭირდათ, იღებენ ფსიქოლოგიურ და იურიდიულ დახმარებას.

23 დეკემბერს „ინკლუზივმა“ მიმართვა გამოაქვეყნა საქართველოს პრეზიდენტის, საქართველოში აკრედიტებული დიპლომატიური სამსახურების, საერთაშორისო ორგანიზაციების წარმომადგენლების და საქართველოს სახალხო დამცველის სახელზე, სადაც დანვრილებითაა აღწერილი ფონდში ჩატარებული ჩხრეკის, სინამდვილეში კი ფონდის ოფისის ვანდალური დარბევის ფაქტი. ოფისში მყოფებს ჩამოართვეს მობილური ტელეფონები, არ მისცეს ახლობლებთან დაკავშირების უფლება; მათი თანდასწრების გარეშე გაჩხრიკეს ჩანთები, გამოუდმებით აყენებდნენ სიტყვიერ შეურაცხყოფას, ეძახდნენ გადახრილებს, ავადმყოფებს, სატანისტებს, დასცინოდნენ და აშანტაჟებდნენ. ემუქრებოდნენ, რომ გადაუღებდნენ ფოტოებს და მერე მათ მამებსა და ძმებს აჩვენებდნენ. განსაკუთრებული ცინიზმით გამოიჩინოდნენ ქალი პოლიციელები, რომლებმაც გოგონები სიცივეში, ფონდის სააბაზანოში გააშიშვლეს და ისე გაჩხრიკეს. ერთ-ერთი ქალი პოლიციელი პირჯვრისნერი თამბაქოა, – „ქალის სხეული შეგვაზიზღესო“. რომელიც პოლიციელმა თბილისის ერთ-ერთ მაღაზიაში ნაყიდ პატარა შავი სათამაშოს ოფისში დანახვაზე ყვირილი მორთო, – „ვუღუ ვიპოვეთ, ესენი სატანისტებიც არიანო“. გალიზიანებულმა პოლიციელებმა კედლებიდან ჩამოხიეს ჰომოფობიის წინააღმდეგ მიმართული

პლაკატები – მოკლედ, მთელი ოფისი თავდაყირა დააყენეს.

„ერთ-ერთმა პირმა, რომელიც განსაკუთრებული აგრესიულობით გამოიჩინოდა, ფონდის თანამშრომელს თავი კუდ-ის ოპერატიულ თანამშრომლად, გიორგი გეგეჭკორად წარუდგინა. თუმცა, 18 დეკემბერს გამართულ სასამართლო სხდომაზე იგი გამოძიებლის როლში წარდგა სასამართლოს წინაშე დავით ხიდეშელის სახელითა და გვართ. ამას გარდა, მეორე პირი (როგორც მოგვიანებით გაირკვა, პოლიციის ქვეგანყოფილების ერთ-ერთი ხელმძღვანელი), რომელიც განსაკუთრებით ბილსნიტყვაობდა, ფიზიკური ლიკვიდაციით დაემუქრა ეკა აღდგომელაშვილს, თუ ის დაუყოვნებლივ არ გაჩუმდებოდა („მოგსპობ, მიწასთან გაგასწორებ“, „გააჩუმეთ ეს ქალი, თორემ მოვკლავ“ და სხვ.). ფონდის თანამშრომლის რეპლიკაზე, რომ ისინი აჭარბებენ საკუთარ უფლებამოსილებას და პასუხს აგებენ ასეთ საქციელზე, მან უპასუხა: „მიჩივლე, ფეხები არ მომჭამო“, „მე ვარ კანონიკა და სასამართლოც“, – ნათქვამია „ინკლუზივის“ მიმართვაში.

ჩხრეკის მომსწრე გოგონები იხსენებენ:

„ეს სად მოვხვდითო, – ამბობდნენ, მერე ურეკავდნენ ვილაცხვს: ბიჭო, აქ რაღაც ტრანსგენდერების და ეგეთების დაცვის ორგანიზაცია ექსკლუზივია, ამოდი, ბიჭო“.

„ტუალეტში არ გვიშვებდნენ (დაა-



ფონდ „ინკლუზივის“ დარბეული ოფისი, დეკემბერი 2009

ხლოებით ორი საათი). მიზეზად არაფერს გვეუბნებოდნენ. რალაცებზე საერთოდ არ გვპასუხობდნენ. როცა ერთ-ერთმა პოლიციელმა საბუთების წარდგენა მოსთხოვა და კანონებზე დაელაპარაკა, უბასუხეს, – აქ პრეზიდენტიც მე ვარ, მოსამართლეც მე ვარ, უფროსიც მე ვარ და დავითე შენ ადგილასო. ყველას ასე პასუხობდნენ, ვინც რალაც ინტერესს იჩინდა“.

„სამნი ერთად გაგვჩხრიკეს, მაგრამ წესიერი ჩხრეკა არც იყო, იმიტომ რომ ტანსაცმლის ჯიბეებიც კი არ გადმოატრიალეს წესიერად. გაგვხადეს და ჩაგვაცვეს. ძალიან მალე, აი, ერთი წამით ვიყავით გახდილები. ჩემი აზრით, დამცირების მომენტი იყო უბრალოდ. გულმოდგინედ ნამდვილად არაფერი არ უნახავთ. არ უნახავთ, რომ მაგალითად, მე სვიტრზე ქვემოდან ჯიბე მაქვს შემოკერილი“.

ფონდის ჩხრეკა დაახლოებით ღამის 12-ის ნახევარზე დამთავრდა. პაატა საბელაშვილი დააკავეს. მან მართლაც დაწერა აღიარებითი ჩვენება, რომ ფონდის ოფისში აღმოჩენილი მარხიუანა მას ეკუთვნოდა. აღსანიშნავია, რომ ეს პაექტები პოლიციელებს არ დაუღუქავთ, რაც კანონის უხეში დარღვევაა. საერთაშორისო ორგანიზაციების, სახალხო დამცველისა და ადგილობრივი არასამთავრობოების ჩარევით, პაატა საბელაშვილი 24 დეკემბერს გირაოს გადახდის შემდეგ გაათავისუფლეს და 5 წლით პირობითი სასჯელი მიუსაჯეს.

■ ფონდ „ინკლუზივის“ თანამშრომლები ეკა აღდგომელაშვილი და თიკო ჯაფარიძე ჰყვებიან, რომ მათ ტელეფონებს უსმენენ და 15 დეკემბრის შემდეგ მუდმივად უთვალთვალებენ.

შინაგან საქმეთა სამინისტროს ქალაქ თბილისის მთავარი სამმართველოს ძველი თბილისის სამმართველოს მე-3 განყოფილების თანამშრომლები, რომლებიც ფონდში შეიჭრნენ, საქართველოს კონსტიტუციის წინააღმდეგ მოქმედებდნენ, რომლის მიხედვითაც, ყოველი ადამიანი თანასწორია. „ინკლუზივის“ ოფისში მყოფი ადამიანების ერთადერთი „დანაშაული“ მათი სექსუალური ორიენტაცია იყო. ჩხრეკისას დაირღვა „პოლიციის შესახებ“ საქართველოს კანონი, რომელიც ნებისმიერი ნიშნით დისკრიმინაციას კრძალავს. ასევე დაირღვა პოლიციის ეთიკის კოდექსიც, სადაც ნათქვამია, რომ „პოლიციელმა დაკისრებული მოვალეობები უნდა შეასრულოს სამართლიანად, მიუკერძოებლად, და უზრუნველყოს ყველა მოქალაქის კანონის წინაშე თანასწორობა განურჩევლად რასისა, სქესისა, ენისა, რელიგიისა, პოლიტიკური და სხვა შეხედულებებისა, ეროვნული,

ეთნიკური და სოციალური კუთვნილებისა, წარმოშობისა, განათლებისა, ქონებრივი და წოდებრივი მდგომარეობისა, საცხოვრებელი ადგილისა ან სხვა სახის პირადი მდგომარეობისა“.

ფონდ „ინკლუზივის“ მიმართვას საქართველოს ახალგაზრდა იურისტთა და საქართველოს სახალხო დამცველის საპროტესტო განცხადებები მოჰყვა, სადაც საუბარია იმ კანონდარღვევებზე, რაც 15 დეკემბრის საღამოს მოხდა. ფონდის წარმომადგენლებს პოლიციელების წინააღმდეგ სარჩელის მომზადებაში სწორედ საია და ომბუდსმენის აპარატი დაეხმარებათ. „არსებობენ კონკრეტული პირები, რომლებიც უნდა დაისაჯონ“, – ამბობს ეკა აღდგომელაშვილი.

ფონდის თანამშრომლები ეკა აღდგომელაშვილი და თიკო ჯაფარიძე ჰყვებიან, რომ მათ ტელეფონებს უსმენენ და 15 დეკემბრის შემდეგ მუდმივად უთვალთვალებენ. „ინკლუზივის“ ოფისთან საათობით დგას მანქანები და იქ მსხდომები მზესუმზირის ჭამით ირობდნენ თავს. „ბევრი კითხვის ნიშანი ჩნდება, – ამბობს ეკა, – მაინც ვფიქრობ, რომ ეს ფსიქოლოგიური ზეწოლაა, როცა შენობიდან გამოვდიოდით, სტვენით აფრთხილებდნენ ერთმანეთს. თუ ვინმეს თვალთვალი უნდათ, ამას ჩუმადაც გააკეთებენ“.

რატომ დააკავეს პაატა საბელაშვილი მაინცდამაინც სამსახურში და რატომ გამოიჩინეს სამართლდამცავებმა ოფისის ჩხრეკისას ამგვარი ვანდალიზმი? ეკა აღდგომელაშვილი, რომელიც უკვე რამდენიმე წელია, ქართულ მედიაში ჰუმორესულ-საქარაიშო თემას იკვლევს, ფიქრობს, რომ ამ ფაქტის ახსნა მოახლოებული არჩევნებითაც შეიძლება, რომლის წინ, როგორც წესი, ძლიერდება ჰომოფობია, რადგან იოლია საზოგადოების ნეგატიურ განწყობებზე თუ შიშებზე თამაში და ამით პოლიტიკური ქულების ჩაწერა.

იმ გარემოში, სადაც საზოგადოების ჰომოფობიური განწყობა, ერთი მხრივ, პოლიტიკოსთა და კულტურის მოღვაწეთა მხრიდანაა ნახალისებული, ამორე მხრივ კი მედიისგან იკვებება, ამგვარი რამ, ერთი შეხედვით, მოულოდნელი არ არის. თუმცა, თუკი პოლიციელი სამსახურებრივი მოვალეობის შესრულებისას, სულ მცირე, ქვეყნის კონსტიტუციას არ იცავს, იქ უკვე რთულდება რაიმე წარმატებულ რეფორმაზე საუბარი და აზრი ეკარგება გამჭვირვალე შენობებით თავმოწონებას. **■**



საზოგადოება

პრეზიდენტის პატრიოტული პროექტი

იმდენად ბევრი რამ აკავშირებს ნაციონალურ მოძრაობას და პატრიოტთა ბანაკებს, რომ ძნელია, პრეზიდენტის პროგრამაში პარტიული ინტერესები ვერ დაინახო.

თამარ ბაბუაძე



2005 წლის 1 ივლისს პრეზიდენტის ბრძანებით დაწყებული „პატრიოტთა ბანაკის“ პროექტი ძვირადღირებული წამოწყებაა. პირველ წელს 5 ბანაკის გახსნა და 15 ათასი „პატრიოტის“ აღზრდა-დასვენება ორ მილიონამდე ლარი დაჯდა, 2007 წელს – როდესაც ბანაკებს სამი ახალიც დაემატა, „პატრიოტების“ რიგები კი 30 ათასამდე გაიზარდა, ხარჯმა ბიუჯეტიდან 10 მილიონ ლარს მიაღწია. „ნაციონალები“ ხშირად სარგებლობდნენ სარეზერვო ფონდებიდანაც. 2006 წელს, ბიუჯეტიდან ბანაკებისთვის გამოყოფილი 5 მილიონი ლარის გარდა, სწორედ სარეზერვო ფონდიდან დაი-

ასეთი ოჯახებიდან არის.

თუმცა, ნაციონალური პროგრამის სახელწოდება საზოგადოებრივი ბანაკებს დამატებით კონტექსტს სძენს. „პატრიოტთა ბანაკები“ – ამ სათაურით დღეს მსოფლიოში არც ერთი საზოგადოებრივი ბანაკი არ ფუნქციონირებს. არსებობს ბანაკები, სადაც მეტ-ნაკლებად მკაცრი სამხედრო წესები მოქმედებს, მაგალითად, ასეთია პოლონეთში, მაგრამ არა მსგავსი სახელწოდებითა და არა სახელმწიფო ბიუჯეტიდან დაფინანსებით.

ქართულ საზოგადოებრივ ბანაკებში კი პატრიოტიზმი ბანაკური ცხოვრების ნამყვანი ლაიტმოტივია. დილა კბილების

ტრიოტულ თემაზე სპექტაკლი დადგას. მოთხოვნაა ისიც, რომ თითოეულ რაზმს პატრიოტული სახელი ერქვას და შეძახილიც პატრიოტული ჰქონდეს: რაზმი – „სამშობლო“, დევიზი – „ჩვენი ხატია სამშობლო“, შეძახილი: „როგორც უფალი, სამშობლო ერთია ქვეყანაზედა“.

ლიდერები ამბობენ, რომ პატრიოტიზმის პროპაგანდის შესახებ დირექტივა ხელმძღვანელებისგან უფრო ზოგადი ხასიათისაა. ლიდერებს ავალებენ პატრიოტიზმზე საუბარს, თემატიკას კი თვითონ არჩევენ: „სულ ამაზე ვსაუბრობთ, ნაწილობრივ პირდაპირ, ნაწილობრივ შემოვლითი გზით. მაგრამ ვერ



ფოტო: სალმე პაპი

პატრიოტთა ბანაკი ვარციხეში, 2009

ხარჯა დამატებით თითქმის 400 ათასი ლარი პატრიოტთა ფორუმის ჩასატარებლად, ლონისძიებაზე „პატრიოტების“ ჩასაყვანად და კლიპის გადასაღებად.

მმართველი პარტიის წარმომადგენლები აცხადებენ, რომ ამგვარი ხარჯიანი პროექტის ყოველწლიურად დაფინანსება ისევ მოქალაქეების ინტერესებში შედის: ერთმანეთს უახლოვდებიან მოზარდები სხვადასხვა რეგიონიდან და სარგებელს ნახულობენ სოციალურად დაუცველი ოჯახებიც, რადგან „პატრიოტთა“ 70-80 პროცენტი სწორედ

გახეხვით, გამამხნეველები ვარჯიშითა და სწორდით, სმენაზე ჰიმნის მოსმენით იწყება. წესია ასეთი, თუკი ჰიმნს დღის განმავლობაში კიდევ ჩართავენ – და ასე ხშირად ხდება ხოლმე – თითოეული პატრიოტი ვალდებულია, გასწორდეს და გულზე ხელდადებულმა მოისმინოს ჰიმნი. პატრიოტს აუცილებლად უნდა ეცვას სახელმწიფო სიმბოლიკით განწყობილი უნიფორმის ერთი ნაწილი მაინც – მაისური, ყილეტი, ან კეპი. ის ვალდებულია, ბანაკში გატარებული ათი დღიდან ერთი საქართველოს მიუძღვნას და პა-

„სხვა დანიშნულება“ სახელმწიფოებრივი იდენტობის გავრცელებაა. ის, რაც პატრიოტთა ბანაკებში ხდება, სიმპტომატურია და მიუთითებს იმაზე, თუ როგორი აგრესიული მეთოდებით ცდილობს ხელისუფლება სახელმწიფო იდენტობის გავრცელებას საზოგადოებაში.

იტყვი, რომ ბანაკები გვირახაბა – თუ შევა არაპატრიოტი, გამოვა პატრიოტი. ჩვენ ვცდილობთ, ეროვნული გრძობები გავაჩინოთ. დანარჩენი ოჯახიდან და სკოლიდან უნდა ისწავლოს“, – აცხადებს ლიდერი გუგა ბარბაქაძე.

„ჩვენ უნდა დავიბრუნოთ ჩვენი ალტექმული მინა. ალტექმული მინა კი გაერთიანებული, ძლიერი საქართველოა, თავისი ძველი საზღვრებით, სადაც ქართველებს არ რცხვენიათ ქართველობის, სადაც – როგორც ირაკლი ოქრუაშვილმა თქვა – ქართველები პარტიზანებით ტყეებში არ იმალებიან... ჩვენ ალტექმულ ქვეყანაში შედის ფსოუ და როკის გვირაბიც. ჩვენ უნდა დავიბრუნოთ ალტექმული მინა, ჩვენი საქართველო და ეს მშვიდობიანად, ერთად დგომით უნდა გავაკეთოთ“, – ეს სიტყვები მიხეილ სააკაშვილმა 2005 წლის სექტემბერში, პატრიოტთა ათათასიან ფორუმზე წარმოთქვა. ასეთი ფორუმი ბანაკების ისტორიაში ორჯერ მოეწყო, ორივეჯერ სააკაშვილი იყო პატრიოტული ცეცხლის მთავარი გამღვივებელი. გარდა ამისა, პრეზიდენტი ხშირად სტუმრობდა თვითონ ბანაკებსაც და ახალგაზრდებთან არაფორმალურ შეხვედრებზეც საქართველოს დიად წარსულსა და მომავალზე საუბრობდა. ამ შეხვედრების დროს ქვეყნის მთავარი ლიდერი პათეტიკურად ახსენებდა რიგით ლიდერებს იმას, რაც პატრიოტებთან საუბრისას არ უნდა გამოჩინოდა.

რატომ გახდა საჭირო პატრიოტიზმის ასეთი მასობრივი ქადაგების წამოწყება რევოლუციის შემდეგ? ბანაკების იდეის ავტორები და „ნაციონალური მოძრაობის“ ლიდერები აცხადებენ, რომ ამის საჭიროება საზოგადოებაში გავრცელებულმა ეროვნულმა ნიჰილიზმმა გააჩინა. 2003-ის შემდეგ საქართველოში სახელმწიფოებრიობის ახალი ათვლა დაიწყო. ეს გამორიცხავდა უიმედობას და გულისხმობდა ოპტიმიზმს მომავალი საქართველოს გამარჯვებაში. იდეის ავტორების აზრით, ახლად დაბადებულ საქართველოს ახალი, იმედიანი მოქალაქეები სჭირდებოდა, რომელთაც პატივისცემა გაუჩნდებოდათ საკუთარი ქვეყნის ჰიმნისა და სიმბოლიკის, წარსულისა და მომავლის მიმართ. სწორედ ამ ტალღაზე დაიბადა ნაციონალური ახალგაზრდული პროგრამა „პატრიოტი“ და მალევე გამოცხადდა კონკურსი „პატრიოტიც“. ამ კონკურსის შესახებ გიორგი არველაძე 2005 წელს ამბობდა: „საქართველოს არმიას სჭირდება ახალი სამხედრო მარშები, საქართველოს სა-

ზოგადოებას სჭირდება ახალი პატრიოტული სიმღერები“.

იმავე პერიოდში რამდენჯერმე გაიზარდა საქართველოს თავდაცვის ბიუჯეტი, დაარსდა რეზერვისტთა პროგრამა, „პატრიოტთა ბანაკების“ პირველ ნაკადში კი ბავშვებს სამხედრო კონსულტანტები იარაღის დაშლა-ანყობას ასწავლიდნენ და ზოგად სამხედრო წვრთნას უტარებდნენ.

თუმცა, სამხედრო ასპექტი პატრიოტულ ბანაკებს მალევე ჩამოსცილდა. ამის ერთ-ერთი მიზეზი ისიც შეიძლება ყოფილიყო, რომ ინიციატივას მწვავე კრიტიკა მოჰყვა. დღეს პარტიის ლიდერები აცხადებენ, რომ ეს შეცდომა იყო, ამას თავადვე მიხვდნენ და ბანაკური განაწესიდან ამიტომაც ამოიღეს.

სამაგიეროდ, ბანაკური პატრიოტიზმი არ მოკლებია „მიტინგური სულისკვეთება“. „საქართველოს გაუმარჯოს, ჯოს-ჯოს-ჯოს!“ – ეს შეძახილი ბანაკებში ყოველად უმიზეზოდ ნებისმიერ დროს შეიძლება გაისმას. ამ შეძახილით ერთნაირადაა გამსჭვალული საქართველოსადმი მიძღვნილი თემატური დადგმები და დილის რუტინული რიტუალი.

„პირიქით, ანტიპატრიოტიზმად მიმაჩნია, როდესაც 117 ადამიანი დაიკავეს საქართველოს 117 დროშას და დარბის ბანაკში. ეს ჩემთვის დროშის შეურაცხყოფა უფროა. ფსიქოლოგიური ზენოლაა, როცა ყველა ერთხმად ყვირის „გამარჯობა“-ს, ძალდატანებით არაფრის გაკეთება არ შეიძლება. ყველაფერი სწორხაზოვანი, პირდაპირი და მკაცრია“, – აცხადებს საქართველოში სკაუტური მოძრაობის ერთ-ერთი დამფუძნებელი მზია აფრიდონიძე.

„ახალგაზრდებს უნდა ითუ არ უნდათ, მაინც გაიძახიან იმ ფრაზებსა და მოწოდებებს, რომელთაც აიძულებენ, ან უბრალოდ ჩააგონებენ. ამის მიზნობა სხვა ფორმითაც შეიძლება, თუკი ეს ყველაფერი სამოქალაქო განათლებისა და განვითარებისთვის ხდება“, – დასძენს „სკაუტების“ თბილისის ორგანიზაციის ხელმძღვანელი თიკო ქოიავა.

ერთ-ერთი სკაუტი, 21 წლის ლალიკო ქორიაშვილი ლაგოდების ბანაკში ლიდერობდა. ის იხსენებს: „თუკი, თავისუფლად აზროვნებ, მოცემულ ჩარჩომში შეძლებ ბავშვებს სახალისო იდეები შესთავაზო. „საქართველოს დღეს“ ლაგოდებში სპექტაკლი ჩვენც დავდგით, მაგრამ ბავშვებს ლათინო-ამერიკული ცეკვები ვასწავლეთ, რადგან თემად ავირჩიეთ უცხო კულტურების შემოსვლა საქართველოში. კი ჰქვია ამ პრო-

გრამას „პატრიოტი“, მაგრამ როგორ გადმოსცემ და გაავრცელებ ამ იდეას, ეს შენზე, ლიდერზეა დამოკიდებული“.

ლიდერთა ნაწილს კი პატრიოტიზმი მილიტარიზმის გარეშე ვერ წარმოუდგენია. მზია აფრიდონიძე, რომელიც ლიდერთა მომზადებაში მონაწილეობდა, იხსენებს: „ზოგს მენტალიტეტი ჰქონდა ისეთი, რომ ბანაკში ცალსახად ამ მიზნით მიდიოდა: მე მათ უნდა ვასწავლო მონინალმდეგებთან ბრძოლა, უნდა გავაგებინო, როგორია გამარჯვების უინი, ჩვენ აუცილებლად გავიმარჯვებთ... ვფიქრობ, პატრიოტები ხელიდან უშვებენ მთავარ ლერძს. მათ არ ჰყავთ კადრები, რომელიც ამ პროგრამას სწორ მიმართულებას მისცემს. ანდა შეიძლება ეს შეგნებულად არის გაკეთებული და ამ ახალგაზრდებს მართლა სხვა დანიშნულება აქვთ“, – ასკვნის მზია აფრიდონიძე.

„სხვა დანიშნულება“ სახელმწიფოებრივი იდენტობის გავრცელებაა. ის, რაც პატრიოტთა ბანაკებში ხდება, სიმბოლურია და მიუთითებს იმაზე, თუ როგორი, ხშირად აგრესიული და ზედაპირული მეთოდებით ცდილობს ხელისუფლება სახელმწიფო იდენტობის გავრცელებას საზოგადოებაში. თუმცა საკითხავია, ეს არის იდენტობა სახელმწიფოსთან, თუ იდენტობა თავად პარტიასთან. პატრიოტთა ბანაკებში ნაქადაგები ერთგულება – ეს არის სახელმწიფოს მიმართ ერთგულება, თუ ერთგულება ერთი კონკრეტული პარტიის მიმართ. კავშირები „ნაციონალურ მოძრაობასთან“ ბანაკებს იმდენად ბევრი და იმდენად აშკარად აქვს, რომ ბანაკების პოლიტიზირების ხარისხს ერთმნიშვნელოვნად ზრდის.

მაგალითად, თუკი რუსთაველი მცხოვრებ 15-დან 23 წლამდე ახალგაზრდას „პატრიოტთა ბანაკში“ უნდა წასვლა, ის რუსთავის „ნაციონალური მოძრაობის“ ოფისში უნდა მივიდეს და განცხადებაც იქ დაწეროს. ეს იმიტომ, რომ ახალგაზრდულ საქმეთა დეპარტამენტი – სტრუქტურა, რომელიც ბანაკებს ხელმძღვანელობს, რუსთავის „ნაციონალური მოძრაობის“ ოფისშია განთავსებული. დეპარტამენტის თანამშრომლებიც ძირითადად პარტიულები არიან. პარტიულია ბანაკების ხელმძღვანელების უმრავლესობაც.

ბანაკის შესასვლელში გამოკრული აბრა იუწყება, რომ პროგრამა პრეზიდენტის დაფინანსებით ხორციელდება. „პატრიოტებს ჩვეულებრივად ვუხსნით ხოლმე, სად მოვიდნენ, რა პროგრამაა,

ვინ არის პროგრამის ხელმძღვანელი, ვინ არის ბანაკის უფროსი, საქმის კურსში რომ იყვნენ“, – აცხადებს ლიდერი გუგა ბარბაქაძე.

თუმცა, „საქმის კურსში“ ყოფნა ზოგჯერ სხვაგვარ კონტექსტს იძენს. სალომე ჯაშის ფილმში არის კადრი, რომელშიც ერთ-ერთი ლიდერი ახალგაზრდებს ეუბნება, რომ არასდროს უნდა დაივინყონ, ვინ აფინანსებს პროგრამას და მადლობაც უნდა გადაუხადონ მას.

მადლობის გადახდის სხვადასხვაგვარი ფორმები არსებობს. გრძელია იმ პარტიული და სახელისუფლებო ღონისძიებების ჩამონათვალი, რომელშიც „პატრიოტებიც“ მონაწილეობენ.

როდესაც ბაზალეთის ტბაზე ხელისუფლებამ ახალი 10-კილომეტრიანი გზა გაიყვანა, „პატრიოტებმა“ ახალ გზაზე მართონი მოაწყვეს. „პატრიოტებმა“ მონაწილეობა მიიღეს გამწვანების რამდენიმე აქციაში, კულტურის სამინისტროს, ახალგაზრდულ საქმეთა დეპარტამენტისა და პარტიის აქტივისტებთან ერთად. „პატრიოტები“ ავსებდნენ რიგებს 2008 წელს სააკაშვილის მეორე ინაუგურაციისადმი მიძღვნილ ღონისძიებებში.

სახელმწიფოს დამამხობლების გვერდით იდგნენ პატრიოტები. მე მინდა განვაცხადო ცალსახად და ეს დამამხობროს ყველა ახალგაზრდამ, რომ „პატრიოტები“ ეს არ არის რომელიმე კონკრეტული ორგანიზაცია, ან პოლიტიკური, ან არასამთავრობო. ეს არის საპრეზიდენტო პროგრამა, რომელსაც ახორციელებს საქართველოს ხელისუფლება“.

„ეს, პრაქტიკულად, „ნაციონალური მოძრაობის“ პროექტია. ბანაკების ხელმძღვანელების უმეტესობაც სახელმწიფო ორგანოებიდან და პარტიიდანაა, პრეზიდენტიც ხშირად სტუმრობს ბანაკებს, ანუ სახელმწიფო ფლობს ამხელა ბერკეტს პროპაგანდისთვის და ხშირად მიფიქრია იმაზე, რატომ არ იყენებენ ამ ყველაფერს საკუთარი პარტიის პროპაგანდისთვის. 2005 წლიდან მოყოლებული არასდროს არ ყოფილა პროპაგანდა. ელემენტარულად, ბანერიც კი არსადაა „ნაციონალური მოძრაობის“. ერთადერთი, ბანაკის შესასვლელში წერია, რომ ეს პრეზიდენტის პროგრამაა“, – აცხადებს ლიდერი გუგა ბარბაქაძე.

თუმცა, მმართველი პარტია პატრიოტთა ბანაკებს საკუთარი სტრატე-

გნილ დადგმებში, მაგალითად, „კოკოთი ფანდარასტის“ სიმღერით ირთობენ თავს.

ილიას სახელმწიფო უნივერსიტეტის რექტორი გიგი თევზაძე სახელმწიფოს მხრიდან პატრიოტული იდეოლოგიის გავრცელებას იმით ხსნის, რომ ხელისუფლება ცდილობს, ეკლესიის საპირწინე ძალა შექმნას. „საქართველოში დღეს იდეოლოგიების შეჯიბრია. ანტი-სახელმწიფო იდეოლოგია მართლმადიდებლური ეკლესიის საშუალებით ვრცელდება... ხელისუფლება კი ცდილობს სახელმწიფო იდენტობის გავრცელებას. ასე აგრესიულად ამ იდენტობის დამკვიდრებისთვის მუშაობს იმიტომ, რომ ეს რელიგიური ინდოქტრინიზაციის წინააღმდეგ არის მიმართული“, – აცხადებს გიგი თევზაძე.

პარლამენტარი გიორგი გაბაშვილი კი აცხადებს, რომ პროექტის ავტორები პატრიოტიზმის იდეას კიდევ უფრო ხვეწენ და ცდილობენ, ახალგაზრდა თაობაში სამოქალაქო ღირებულებებს გაუწიონ მეტი პროპაგანდა. გაბაშვილის თქმით, ახლა ბანაკებში პატრიოტიზმი ვრცელდება არა ზედაპირული ხერხებითა და

■ „ჩვენი მიზა მოვიდა“, – სიყვარულითა და მორცხვად ამბობს „პატრიოტი“ გოგონა „პატრიოტების“ ვიდეო-კლიპში და საკუთარ პრეზიდენტთან შესახვედრად ემზადება.

ბაში. „შეიძლება პატრიოტების ნაწილი დაესწრო კიდევ ინაუგურაციას, მაგრამ ისინი საგანგებოდ არავის არსაიდან არ ჩამოუყვანია“, – აცხადებს სპორტისა და ახალგაზრდულ საქმეთა დეპარტამენტის თავმჯდომარის მოადგილე ირაკლი ნადირაძე.

„ნაციონალური მოძრაობის“ ვებ-გვერდზე გრაფის – „საქმიანობა“ ქვეშ მოცემულია სია სათაურით: „საქართველოს 16 გამარჯვება, რომელიც ვარდების რევოლუციამ მოგვითქანა“. №13 გამარჯვებად პატრიოტთა ბანაკების გახსნაა დასახელებული. აღბათ ამიტომაც, პარტიის განრისხება დაიშასურეს იმ „პატრიოტებმა“, რომლებიც 2007 წლის ნოემბრის ანტისახელისუფლებო აქციებს შეუერთდნენ. ამ ამბავს პატრიოტთა ბანაკის იდეის ერთ-ერთი ავტორის და ახალგაზრდულ საქმეთა დეპარტამენტის ყოფილი ხელმძღვანელის, ლადო ვარძელაშვილის მწვავე გამოსვლა მოჰყვა: „მე არ მინდა ვცხოვრობდე ისეთ საქართველოში, რომ ყოფილი მხედრიონელებისა და ყოფილი

გის გასაპიარებლად ხშირად იყენებს. განმუხურისა და კოდორის ბანაკების გახსნა თავის დროზე იყო იმ პოლიტიკის ნაწილი, რომელსაც ხელისუფლება დაკარგული ტერიტორიების დასაბრუნებლად ახორციელებდა. განმუხურში ბანაკის გახსნას მაშინ გაერო-ს გენერალური მდივანიც აკრიტიკებდა. სააკაშვილი კი მის ამ შეფასებასაც საკუთარი პოლიტიკის საილუსტრაციოდ იყენებდა. 2006 წელს პატრიოტთა ფორუმზე ის ამასაც აცხადებდა: „ებრაელები ათასწლეულების განმავლობაში ერთმანეთს შემდეგნაირად ესალმებოდნენ: „მომავალში იერუსალიმი“. ჩვენ ქართველი პატრიოტები ერთმანეთს მივესალმებით აქ – მთელი მსოფლიოს დასაანახად, თავისუფლების მშვიდობის და ერთიანობის პირობებში. მომავალში მივესალმებით სოხუმში, აფხაზეთში, ჩვენ ნათელ, უმფოთველ, გარანტირებულ მომავალში“.

თუმცა ხშირად მმართველი პარტიის იდეოლოგიის გავრცელებას თავად „პატრიოტები“ და ლიდერებიც უწყობენ ხელს და საქართველოს დღისადმი მიძღ-

მხოლოდ დროშისა და ჰიმნის სიყვარულით, არამედ საუბრებით ახალი ტიპის პატრიოტიზმზე, რომელიც გამორიცხავს ეთნიკურ შუღლს და რომლის მიხედვითაც პატრიოტობა, პირველ რიგში, კარგ მოქალაქეობას ნიშნავს.

თუმცა, ახალი მიზანი რეალობას არ ცვლის. პატრიოტთა ბანაკების წინასწარ დაგეგმილ და ყველაზე სასურველ რეზულტატად მინც პარტიის ერთგული მხარდამჭერების გაზრდა რჩება. ყველაფერი დანარჩენი კი – რეგიონების ახალგაზრდობის დაახლოება, სპორტი, კულტურა და ბანაკური მხიარულება – ამ პროგრამის მთავარ მიზნად დეკლარირებული, მაგრამ სინამდვილეში მეორეხარისხოვანი ამოცანაა.

„ჩვენი მიზა მოვიდა“, – სიყვარულითა და მორცხვად ამბობს „პატრიოტი“ გოგონა „პატრიოტების“ ვიდეო-კლიპში და საკუთარ პრეზიდენტთან შესახვედრად ემზადება. ■

სტატიის მომზადებაში მონაწილეობა მიიღო მაია ნიკლაურმა



ფოტო: მარია კოჩიაშვილი

სტუდენტური მოძრაობა

საკროტესტო არტი

სამხატვრო აკადემიის სტუდენტური პროტესტი, რომელშიც 8 ახალგაზრდა მონაწილეობს, ჯერჯერობით მხოლოდ მარგინალიზებული ჯგუფის ახირებას ჰგავს. რატომ ვერ იქცა ეს პატარა ამბოხი მასშტაბურ პროტესტად?

მარია კოჩიაშვილი

სამხატვრო აკადემიის ეზოში ევროკავშირის დიდი ბანერია გამოკრული, ევროკავშირის ლოგოთი და საქართველოს დროშით. წინ მამაკაცის დაახლოებით 5-მეტრიანი ქანდაკება დგას. 15-იოდე სტუდენტი ამ ქანდაკების წინ წრეზეა განლაგებული და „წეროები მიფრინავენ, სად, შორს“-ს თამაშობენ. მოთამაშეების წრე თვალსა და ხელს

შუა იზრდება და თან გაცილებით სწრაფად, ვიდრე ორი თვის განმავლობაში იზრდებოდა იმ სტუდენტთა ჯგუფი, რომლებიც აკადემიის საგანმანათლებლო სისტემას დაუპირისპირდა.

სახვითი და მედიახელოვნების მესამეკურსელებმა ყვითელი ლენტები, პროტესტის ნიშნად, ორი თვის წინ დაიმარჯვეს. აუდიტორიიდან ქუჩაში გადას-

ვლის პირველი მიზეზი პედაგოგის სა-მსახურიდან დათხოვნა გახდა. გიორგი კეკელიშვილი ვიზუალური ხელოვნების სახელოსნოს ხელმძღვანელობდა. კლასში სტუდენტებს გამოსახვის სულ უფრო მრავალფეროვან ხერხებს – ვიდეოს, ინსტალაციის, მუსიკის, პერფორმანსის, ფოტოს შერევას ასწავლიდნენ და კრიტიკული აზროვნების ჩვევებს უყალიბებდნენ.

სტუდენტები სექტემბრიდან სწორედ ვიზუალური ხელოვნების სახელოსნოში გადასვლას აპირებდნენ. მიუხედავად იმისა, რომ იქ მიღებულ ცოდნას მათ ოფიციალური საკრედიტო სისტემით არ შეუფასებდნენ, სტუდენტები ფიქრობდნენ, რომ სახელოსნოს თავისუფალ გარემოში გაცილებით მეტს ისწავლიდნენ თანამედროვე ხელოვნების შესახებ, ვიდრე თავიანთ ფაკულტეტებზე. „ორი წელი ვუძღვებდით აკადემიაში სწავლას იმიტომ, რომ მესამე კურსზე ამ სახელოსნოში გადასვლის საშუალება გვქონოდა. ხატვის ძირითადი ტექნიკა, ნატურმორტიკა და ნატურის ხატვა ყველამ უნდა იცოდეს, მაგრამ არ შეიძლება 4 წლის იკვანძვლაში ამას ვერ გასცდე, საერთოდ არ აკეთო ის, რასაც თანამედროვე ხელოვნება ჰქვია, არ იაზროვნო კრიტიკულად და არაფერი გააკეთო უფრო ღირებული, ვიდრე ცნობილი მხატვრების ბიოგრაფიების დაზუპირება“, – ამბობს სტუდენტი, რომელსაც მკლავზე ყვითელი ბაფთა უკეთია. როცა ის, თავის მეგობრებთან ერთად შეეცადა, გაერკვია, რატომ გაათავისუფლეს ვიზუალური ხელოვნების სახელოსნოს პედაგოგი,

დარწმუნებულები იყვნენ, რომ იქ შეძლებდნენ რეალობის ინტერპრეტირების ახალი გზების მოძებნას, თანამედროვე კულტურულ კონტექსტში საკუთარი ხელოვნების განხილვას. 2009 წლის მაისში პრადის ბიენალეზე ექსპოზიციაში „ინდივიდიდან DVD-მდე“, რომელიც 11 მხატვრის ხელოვნებას აერთიანებდა, მათი სასურველი პედაგოგის გიორგი კვეციანიშვილისა და მისი სახელოსნოს სტუდენტის ქეთო ლოგუას ნამუშევრები იყო გამოფენილი. ის ბიენალეს ყველაზე ახალგაზრდა მონაწილე იყო და თან – სტუდენტი, რაც ამ ხელოვნების ფესტივალზე მანამდე არასდროს მომხდარა. ვიზუალური ხელოვნების სახელოსნო თავიდანვე მოხალისეთა პატარა ავტონომიას წააგავდა. სახელოსნოს სტუდენტებსა და პედაგოგებს აკადემიაში სერიოზულად არასდროს აღიქვამდნენ. სახელოსნოში, რომელსაც არანაირი მატერიალური ბაზა არ გააჩნდა, სულ 15 სტუდენტი სწავლობდა. მათი პერფორმანსებიც როგორც აკადემიის შიგნით, ისე საზოგადოებაში მხოლოდ „უზრდელოურ ახირებად“ ფასდებოდა. მათი პირველი მნიშვნელოვანი

პრობლემები მთელ ქართულ საზოგადოებაზე ვრცელდება. ჩვენთან დღეს ალარავინ იცის, რა არის მხატვრის დანიშნულება. კრიტიკული აზრი ყველგან იბლოკება. გვაბრალებენ, რომ ლექციებს სიზარმაცის გამო ვაცდენთ, არადა, უბრალოდ უკეთესი განათლება გვინდა“, – ამბობს გიორგი. სწორედ იმ მიზნით, რომ თავიანთი პროტესტისთვის უფრო მასობრივი სახე მიეცათ, „ყვითელბაფთიანებმა“ აკადემიაში გამოკითხვა ჩაატარეს. წინასწარ შედგენილი კითხვარის საშუალებით სამი დღის განმავლობაში მათ 1850 სტუდენტიდან 613 გამოკითხეს. პირველივე შეკითხვაზე – ეფუძნება თუ არა აკადემიის სასწავლო პროცესი სტუდენტის შემოქმედებითი განვითარების ინტერესებს – 43-მა პროცენტმა უარყოფითი პასუხი გასცა. გამოკითხულთა თითქმის 60-მა პროცენტმა აღნიშნა, რომ აკადემიაში მიღებული განათლებით თანამედროვე საერთაშორისო სახელოვნებო სივრცეში თავის დამკვიდრებას ვერ შეძლებენ. მიუხედავად ამისა, 8-კაციანი ჯგუფს ახალი წევრები არც ამ გამოკითხვის

■ გია ბულაძემ სათვალე ცხვირზე ჩამოიწია, თავი ოდნავ დახარა და რბილი ღიმილით მითხრა: „ეს პროტესტიც შეგვიძლია ჩავთვალოთ არტად, ოღონდ მე ვდგამ ამ არტს, მე მსიამოვნებს, რომ ისინი კვლევას ატარებენ. ეს იქნება ჩემი არტი, სადაც ისინი იქნებიან ჩემი ფუნჯები და საღებავები. საბოლოო ჯამში, მე მოვანერ მათ დიპლომებს ხელს“.

რექტორატში უთხრეს, რომ გიორგი კვეციანიშვილმა კონკურსი ვერ გაიარა. ლექტორის დაბრუნებისთვის დაწყებული გამოსვლები მოგვიანებით აკადემიის საგანმანათლებლო სისტემის შეცვლის მოთხოვნაში გადაიზარდა. „რენესანსის მხატვრების ტექნიკა უნდა იცოდეს, მაგრამ არ შეიძლება დღეს მოგთხოვონ მათი ფერწერის ზუსტი ასლი შექმნა. ეს უკვე აქტუალური აღარ არის. ჩვენ უნდა გვასწავლონ ახალი ხერხები და გზები. მაგრამ აქ ამას არავინ გვასწავლის. იმ განათლებით, რომელსაც აკადემიაში გვაძლევენ, საერთაშორისო სახელოვნებო სივრცეში ცხვირსაც ვერ შეყოფ“, – ამბობს მესამეკურსელი გიორგი ყარალაშვილი. სწორედ ამიტომ, ამ ახალგაზრდებს ერთადერთ გამოსავლად ვიზუალურ სახელოსნოში სიარული ესახებოდათ.

გამოფენა სწორედ იმ სისტემურ პრობლემებს ეხებოდა, რომლებსაც ახლა „ყვითელბაფთიანები“ აპროტესტებენ. თუმცა, მხოლოდ პერფორმანსებით ვიზუალური ხელოვნების სახელოსნოს წინა ჯგუფმა ვერაფრის შეცვლა ვერ შეძლო. ისინი დარჩნენ ერთ მარგინალურ ჯგუფად, რომლებიც საკუთარ სათქმელს ფურთხებით გამოხატავენ (სადიპლომო ნამუშევარი, პერფორმანსი „სველი წრე“, 2007 წ.). „ყვითელბაფთიანებსაც“ უკვე მიენებათ მარგინალების იარაღი. პირველ საპროტესტო აქციაზე მათ ყვითელი სამკლავურების 40-მეტრიანი ლენტი დაჭრეს და დაარიგეს. თუმცა მეორე დღეს ბაფთები ისევ მხოლოდ 8 სტუდენტს ეკეთა. დღემდეც ასეა. „აღარ გვინდა ვიყოთ მხოლოდ რვა-ნი, რადგან ფიქრობთ, რომ აკადემიის

შემდეგ შემატებია. აკადემიის სტუდენტებს კრედიტების რაოდენობა უფრო აინტერესებთ, ვიდრე სიახლეების ძებნა. მათ წრეში „ყვითელბაფთიანების“ შესახებ სხვადასხვაგვარი ხმები დადის. ზოგი მათ „სატანისტებს“ ეძახის, რადგან ფიქრობს, რომ სწორედ მათ ეკუთვნოდათ რელიგიური სიმბოლიკის შეურაცხყოფელი ნახატები, რამაც რამდენიმე ხნის წინ აკადემიაში დიდი ხმაური გამოიწვია. პირველკურსელები ამაში ლექტორებმა დაარწმუნეს. სწორედ ამიტომ არ იქცა ეს აქცია დიდ სტუდენტურ მოძრაობად – ზოგი მოტყუვდა, ზოგს ეზარება, ზოგი ეგუება, ზოგს გაგდების ეშინია, ზოგსაც პროტესტის ეს უკიდურესი გზა არ მოსწონს. „საქართველოში ყველა საპროტესტო მოძრაობას პოლიტიკური სარჩული

უდევს, იქნება ეს განათლება, ბიზნესი თუ სხვა. დარწმუნებული ვარ, საზოგადოება ამ პატარა ჯგუფის პროტესტშიც პოლიტიკური მოტივის ძებნას დაიწყებს. მაგალითად, გაჩნდება კითხვა – ეს კამპანია რექტორის საინინალმდეგოდ ხომ არ არის მიმართული. ამიტომ, ამ ახალგაზრდებს სულ მოუწევთ იმის არგუმენტირებული მტკიცება, რომ ისინი სწორედ დისციპლინასთან და განათლებასთან დაკავშირებულ რეფორმაზე ზრუნავენ და პოლიტიკური მიკერძოება არ აქვთ“, – ამბობს ფილოსოფოსი ლელა გაფრინდაშვილი.

ამ ხნის განმავლობაში რექტორი სტუდენტებს არც ერთხელ არ შეხვდა. „მე მათთან ხელოვნების გარდა, სხვა თემაზე სალაპარაკო არ მაქვს!“ – ამბობს გია ბულაძე და სტუდენტებს მხოლოდ შუამავლების პირით ელაპარაკება. ის დარწმუნებულია, ეს ვინრომასშტაბიანი აქცია ვერაფერს შეცვლის და არც დიდი ძვრების მომასწავებელია: „აკადემიის 1850 სტუდენტიდან 7-8 ბავშვი არაფერს ნიშნავს. მხოლოდ ეგენი ჩანან, აქტიურები ეგენი არიან, სხვები არ ჩანან და რომც გამოჩნდნენ, ვერა-

ფერს შეცვლიან. მათი ბრძოლა დღეს არის მათი ლექცია. მე ვუტარებ მათ მასტერკლასს სოციალური აქტივობის შესახებ“, – აცხადებს რექტორი.

ერთადერთი კომპრომისი, რომელზეც აკადემიის ადმინისტრაცია წავიდა, იყო ის, რომ ვიზუალური ხელოვნების სახელოსნო აღადგინა. დღეს იმ 10 მესამეკურსელს, რომლებიც კველიშვილის დათხოვნის მიზეზით დაწყებულ აქციებს არ შეერთებინან, ლექციებს მხატვარი ოლეგ ტიმჩენკო უტარებს. ტიმჩენკო პედაგოგი არასდროს ყოფილა, მაგრამ სტუდენტები მაინც კმაყოფილებიან იმ თავისუფალი გარემოთი, რომელსაც მხატვარი სთავაზობს და მოსწონთ ის, რომ აქ მათ არავინ უკანონებს, ხაზი როგორ გაავლონ და როგორი ფორმებით ხატონ. მაგრამ, ეს ალტერნატიული ფერწერის სახელოსნო უფროა, ვიდრე – ვიზუალური ხელოვნების უფრო მასშტაბური რეფორმებისთვის აქ არავინ იბრძვის. ოლეგ ტიმჩენკო ამბობს, რომ არ შეიძლება აკადემიის სტუდენტებს დღესაც „იმ ნატურა შენას ახატინებდნენ, რომელსაც მე მახატინებდნენ სტუდენტობისას“. თუმცა,

არც ის მოსწონს, რომ ახალგაზრდები სისტემური ცვლილებების მისაღწევად რადიკალური ფორმებს ირჩევენ.

ჩანასახოვანი სტუდენტური მოძრაობა სამხატვრო აკადემიის რექტორს უფრო ახალისებს, ვიდრე პრობლემებს უქმნის. გია ბულაძემ სათვალე ცხვირზე ჩამოიწია, თავი ოდნავ დახარა და რბილი ღიმილით მითხრა: „ეს პროტესტიც შეგვიძლია ჩავთვალოთ არტად, ოღონდ მე ვდგამ ამ არტს, მე მსიამოვნებს, რომ ისინი კვლევას ატარებენ. ეს იქნება ჩემი არტი, სადაც ისინი იქნებიან ჩემი ფუნჯები და საღებავები. საბოლოო ჯამში, მე მოვანერ მათ დიპლომებს ხელს“.

იანვრის ბოლოს შეამბოხე სტუდენტები დიდ გამოფენას აწყობენ, რომლითაც აკადემიის სისტემური პრობლემების გამიშვლებას გეგმავენ. თუმცა, მათი ეს პერფორმანსიც გია ბულაძის პერსონალურ არტად დარჩება, თუკი ყვითელ ბაფთებს ის 43 პროცენტზე არ შეიბამს, რომელიც ანკეტაში მარტივად ირჩევს გრაფას – „აკადემია შემოქმედებით განვითარებაში ვერ მესმარება“. ■



ფოტო: მარიამ კორნილიძე

საუბრები ლიბერალიზმზე

ნეოკონსერვატორული საგარეო პოლიტიკა

არაპრაგმატულ, „იდეალებზე დამყარებული საგარეო პოლიტიკა“, პატარა და სუსტი დემოკრატიის მქონე სახელმწიფოსთვის დიდი საფრთხის შემცველია.

გიორგი ცხადაია



მიხეილ სააკაშვილი და ჯორჯ ბუში

საქართველოს ხელისუფლების შიდა პოლიტიკური იდეოლოგიის ჩამოყალიბებას დიდად შეუწყო ხელი საგარეო პოლიტიკურმა კონცეფციამ, რომელსაც აქ „ნეოკონსერვატიზმად“ მოვიხსენიებთ. დასაწყისშივე მინდა აღვნიშნო, რომ ჩვენ ამ ტერმინს არ ვიყენებთ საგარეო პოლიტიკური მოძღვრების ზუსტად იმ მოდელის დახასიათებისთვის, რომელიც ამერიკელმა ჟურნალისტმა ირვინგ კრისტოლსმა ჩამოაყალიბა. ბუშის საგარეო პოლიტიკის ადვოკატები, როგორც წესი, აპროტესტებენ ხოლმე საკუთარი თავის ამ ტერმინით დახასიათებას, რადგან თვლიან, რომ ზოგიერთ საკითხში მათი შეხედულებები მნიშვნელოვნად განსხვავდება იმ ადამიანების შეხედულებებისგან, რომლებსაც ისინი ნამდვილ ნეოკონსერვატორებად თვლიან. იმისათვის, რომ ტერმინმა დაბნეულობა არ გამოიწვიოს, თავიდანვე განვმარტავ, თუვის ვგულისხმობ „ნეოკონსერვატორებში“, შემდეგ კი საქართველოს ხელისუფლების საგარეო პოლიტიკას მოცემულ ჩარჩოში განვიხილავ.

2001 წლის 11 სექტემბრის ტერაქტების შემდეგ, რომლებმაც მთელი ამერიკის შეერთებული შტატები შეძრა, ამერიკულ საზოგადოებაში გაიზარდა მხარდაჭერა ისეთი საგარეო პოლიტიკური კონცეფციის მიმართ, რომელიც კონცენტრირებული იქნებოდა ტერორისტების და ამერიკის მტრების დასჯაზე. სწორედ ასეთი აღმოჩნდა პრეზიდენტ ბუშის და რესპუბლიკური პარტიის მაშინდელი პლატფორმა, რომელმაც გლობალურ ტერორიზმს ომი გამოუცხადა და მსოფლიოს სამი

ავტორიტარული ქვეყანა ამერიკის წინააღმდეგ „ბოროტების ღერძის“ წარმოქმნაში დაადანაშაულა. ეს ქვეყნები – ირანი, ჩრდილოეთ კორეა და ერაყი, ბუშის წარმოდგენით, ეხმარებოდნენ ტერორისტებს მთელ მსოფლიოში და ეძებდნენ გზებს მასობრივი განადგურების იარაღის შესაქმნელად. თუმცა, ერაყის დაპყრობის შემდეგ დამტკიცდა, რომ სადამ ჰუსეინს ტერორისტებთან კავშირი არ ჰქონდა და არც მასობრივი განადგურების იარაღს ფლობდა. მიუხედავად ამისა, ამერიკის მოსახლეობის ნაწილი ამ მარტივი კონცეფციის ერთგული დარჩა, ვიდრე არ გამოაშკარავდა ის პრობლემები, რომლებიც ამერიკის ჯარს ერაყსა და ავღანეთში შეექმნა; ასევე, გართულდა ურთიერთობა ირანთან, რუსეთთან, ევროპასა და ჩინეთთანაც. შედეგად, ამერიკაში ბევრი დაფიქრდა მსგავსი რიგადული კონცეფციით გამოწვეულ პრობლემებზე და არჩევნებზე მხარდაჭერა მისგან სრულიად განსხვავებულ, ბარაკ ობამას პროგრამას გამოუცხადეს. მიუხედავად ამისა, ბუშის დოქტრინა, რომელიც გულისხმობდა პრეემტიული ომის წარმოებას მტერი სახელმწიფოს წინააღმდეგ და ამერიკული სამხედრო ძალით უნილატერალურ მოქმედებას დემოკრატიის გასავრცელებლად, დღემდე რჩება მსოფლიოში ბევრი საგარეო პოლიტიკური დოქტრინის თავისთავად ნაგულისხმევ ელემენტად. ამერიკის მეგობარ ქვეყნებში, მაგალითად, აღმოსავლეთ ევროპაში, უკრაინასა და საქართველოში, ჩამოყალიბდა წარმოდგენა ამერიკული სამხედრო ჰეგემონობის დაუსრულებელ შესაძლე-

ბლობებსა და დემოკრატიული იდეალებისთვის სამხედრო გზით ბრძოლის აუცილებლობაზე.

ნეოკონსერვატიზმის ყველაზე რადიკალური წარმომადგენლები, იმის გარდა, რომ იზიარებენ ბუშის დოქტრინის ძირითად დებულებებს, თვლიან, რომ საგარეო პოლიტიკის წარმოების დროს დემოკრატიულმა ჰეგემონმა, ანუ აშშ-მ, არ უნდა მიიღოს მხედველობაში ის გეოპოლიტიკური სიძნელებები, რომელიც მას მიზნის მიღწევის გზაზე ხვდება და საკუთარი თავი მსოფლიოს სახელმწიფოების ისეთ გლობალურ მორალურ მსაჯულად უნდა გამოაცხადოს, როგორადაც მაგალითად რომელიმე სუვერენული ქვეყნის სახელმწიფო ინსტიტუტები აცხადებენ ამ ქვეყნის ტერიტორიის საზღვრებში. მსგავსმა ნაიჯურმა წარმოდგენამ, თუ გავითვალისწინებთ ამერიკის უზარმაზარ სამხედრო პოტენციალს, შესაძლოა, ამერიკის მეგობარი ქვეყნის პოლიტიკურ წრეებში გააჩინა ერთგანზომილებიანი, „კეთილი და ბოროტი“ ტიპის, მოუქნელი საგარეო კონცეფციების წარმოქმნის წინაპირობა. „კეთილი და ბოროტი“ ტიპის რიტორიკა თავად ამერიკის პრეზიდენტისგან მოდიოდა: ის ამბობდა, რომ ახლო აღმოსავლეთში (ინგლისურად, „შუა აღმოსავლეთში“, Middle East) კონფლიქტების მოსაგვარებლად ტერორისტების განადგურება და დემოკრატიის გავრცელებაა საჭირო. ამ კეთილშობილური მიზნის მიღწევისთვის კი ყოველგვარი საშუალება გამართლებული იქნებოდა, საერთაშორისო სამართლის ნორმების დაღვევაც კი.

საქართველოში ბუშის პოლიტიკა მმართველმა წრეებმა მომგებიან გამოწვევად აღიქვეს და „გარდების რევოლუციის“ შემდეგ დემოკრატიის გავრცელების საქმეში საქართველოს მთავრობა აშშ-ს უმცროსი პარტნიორი გახდა. რუსეთის „ცივი ომის“ პერიოდთან შემორჩენილი „ბოროტების იმპერიის“ იმიჯი ნეოკონსერვატორებისთვის კიდევ ერთ ფუნქციურ ელემენტად იქცა მსოფლიოს ახალი

თავმდჯდომარე, ლევან რამიშვილი იდეოლოგიურად ბუშის დოქტრინის მხარდამჭერები არიან. რთულია ვისაუბროთ ხელისუფლებაზე რამიშვილის პოლიტიკურ გავლენებზე, მაგრამ იაკობაშვილი მინისტრად დანიშვნის შემდგომ ნეოკონსერვატორული საგარეო პოლიტიკური კონცეფციის ერთ-ერთ ორგანულ რგოლად იქცა. საქართველოს საგარეო პოლიტიკურ წრეებში ამის შემდგომ ნეოკონსერვა-

ტიკაზე მალლა იდგა. ახლა სხვა დრო დადგა, როდესაც პრაგმატული პოლიტიკა ცვლის იდეებს. ამან, შესაძლოა, ის ამერიკა გააფუჭოს, რომელსაც მე ვიცნობდი“.

ინტერვიუდან ჩანს, რომ თავად სააკაშვილის საგარეო პოლიტიკური კონცეფცია მჭიდროდ იყო დაკავშირებული ნეოკონსერვატორულ იდეალებთან, რომლებიც ფაქტობრივად ამერიკის სამხედრო ძალის პრიმატსა და „დე-

■ სააკაშვილის საგარეო პოლიტიკური კონცეფცია მჭიდროდ დაუკავშირდა

ნეოკონსერვატორულ იდეალებს, რომლებიც ფაქტობრივად ამერიკის სამხედრო ძალის პრიმატსა და „დემოკრატიის გავრცელების“ ბუნდოვან მისიას მოიცავს.

ამერიკული ნესრიგის დოქტრინის შესავსებად. პრეზიდენტ ბუშისთვის რუსეთის ბუნებრივი რესურსები ამ ქვეყანაზე მორალური წნეხის შემცირებისთვის ერთგვარ მიზეზად რჩებოდა. ნამყვან პოლიტიკურ წრეებში მალე უფრო რადიკალური შეხედულებებიც გაჩნდა. პრეზიდენტობის კანდიდატმა ჯონ მაკეინმა ნეოკონსერვატორიზმის იდეალურ მოდელთან მიახლოებული პოზიცია დაიკავა, რომელიც რუსეთის წინააღმდეგ შესაძლო სანქციების დაწესებასაც კი გულისხმობდა. სწორედ მაკეინი გამოვიდა საქართველოს მხარდამჭერი განცხადებებით აგვისტოს ომის დროს და, გავლენიანი დასავლური გამოცემების ცნობით, სწორედ ის ელაპარაკა პრეზიდენტ სააკაშვილს აგვისტოს კონფლიქტის დაწყებამდე რამდენიმე საათით ადრე.

საქართველოს ხელისუფლებაში ბუშის მიერ ვადის დაწყებისთანავე აგრესიული საგარეო პოლიტიკის კურსი აიღეს. განუწყვეტლივ ისმოდა სამხედრო შეიარაღების გაძლიერებისა და სამხედრო მორალის ამღვლელების მოწოდებები ახლად დაფუძნებულ თავდაცვის სამინისტროს ტელეარხ „საქართველოზე“. სამხედრო მილიტარისტული პროპაგანდა განსაკუთრებით გაძლიერდა კოდორის ხეობის დაკავების შემდგომ. 2008 წლის იანვრიდან კი საქართველოს სახელმწიფო მინისტრად რეინტეგრაციის საკითხებში დაინიშნა თემურ იაკობაშვილი, რომელიც იქამდე საქართველოს სტრატეგიისა და საერთაშორისო ურთიერთობის კვლევის ფონდის ვიცე-პრეზიდენტი იყო. იაკობაშვილი, ისევე როგორც „თავისუფლების ინსტიტუტის“ გამგეობის

ტორული იდეოლოგიური განწყობები, როგორც არასდროს, ისე გაძლიერდა. იქამდე კი, 2005 წელს საქართველოს ხელისუფლება აღებული კურსის სისწორეში თავად პრეზიდენტ ბუშის ჩამოსვლამ დაარწმუნა. ყველა პირობა უწყობდა ხელს იმას, რომ საქართველოს მაღალი პოლიტიკური წრეები დარწმუნებულიყვნენ ორ რამეში: პირველი, რომ ამერიკის მხარდაჭერა საქართველოს, როგორც „დემოკრატიის შუქურის“ მიმართ, ურყევი იქნებოდა, და მეორე, რომ კონფლიქტის უნილათერალური მოგვარება რჩებოდა ერთადერთ სწორ გზად მოცემულ საერთაშორისო ვითარებაში.

არჩევნებში მაკეინის დამარცხების და აგვისტოს ომში საქართველოს მიერ განცდილი მარცხის მიუხედავად, პრეზიდენტი სააკაშვილი ჯიუტად განაგრძობდა ამერიკული „ნეოკონების“ (იგივე „ნეოკონსერვატორები“) მხარდაჭერის მოპოვებას. მიხეილ სააკაშვილმა 2009 წლის 11 აპრილის ჟურნალ „ნიუსვიქთან“ ინტერვიუში განაცხადა: „მე ვესაუბრე მას (პრეზიდენტ ბარაკ ობამას-გ.ც.). პრობლემა ჩვენში არ არის – პრობლემა მათ სამინაო პოლიტიკაშია. ჩვენ ვავხდით ინტეგრირებული ამერიკის სამინაო პოლიტიკაში. ძალაუფლების ცვლილებების პერიოდში ამერიკაში იყო გარკვეული ტიპის ვაკუუმი ჩვენთან დაკავშირებით. არავინ იცოდა, თუ რა გადაწყვეტილება მიეღო საქართველოსთან დაკავშირებით. ყველა, საფრანგეთის ჩათვლით, ელოდებოდა ობამას მითითებებს. მე ვაღმერთებ ამერიკულ იდეალებს. ჩემი იდეალი იყო ამერიკა ბუშის ეპოქაში, როდესაც იდეები პრაგმატულ პოლი-

მოკრატიის გავრცელების“ ბუნდოვან მისიას მოიცავს. შედეგად, ქვეყნის ტერიტორიული მთლიანობის აღდგენის კონცეფცია სწორედ დემოკრატიის გავრცელებისა და „ბოროტების იმპერიასთან“ ბრძოლის ლოზუნგებით ჩამოყალიბდა. „იდეალებზე დამყარებული საგარეო პოლიტიკა“, პატარა სახელმწიფოსთვის და მთლიანი რეგიონისთვის, ბუნებრივია, რომ დიდი საფრთხის შემცველია. არათუ საქართველოს, არამედ მსოფლიოს ჰეგემონი ქვეყნის, ამერიკის პოლიტიკაც, ობამას არჩევასთან ერთად, უფრო პრაგმატული და რეალობის მეტ-ნაკლებად ადეკვატური გახდა.

არაპრაგმატულმა საგარეო პოლიტიკურმა იდეებმა და აბსტრაქტულმა მიზნებმა არაერთხელ აჩვენა, რომ შესაძლოა, ამან მილიონობით ადამიანის სიცოცხლე შეინიროს. ამიტომ, ამერიკაში პრაგმატულ საგარეო პოლიტიკას ხშირად – „ლიბერალურს“, ხისტსა და რიგიდულს კი „ნეოკონსერვატორულს“ უწოდებენ ხოლმე. საგარეო პოლიტიკაში ლიბერალიზმის ნაკლებობა ხშირად საშინაო პოლიტიკაში გაძლიერებულ ავტორიტარიზმშიც გამოიხატება. მაგალითად, ბუშის მიერ ტერორიზმის წინააღმდეგ გამოცხადებულ ომს მოჰყვა ამერიკაში ე.წ. „პატრიოტთა აქტის“ მიღება, რომელმაც ზოგიერთი ფუნდამენტური სამოქალაქო თავისუფლება შეზღუდა. დემოკრატიის ნაკლები ტრადიციის მქონე პატარა საქართველოში კი გაუთვალისწინებელ საგარეო პოლიტიკურ ნაბიჯებს შეიძლება გაცილებით უფრო დრამატული შედეგები მოჰყვეს საზოგადოებისა და დემოკრატიის განვითარებისთვის. **■**



მხიარული თამაშები

საზოგადოების ერთი ნაწილი კომუნისტური მემკვიდრეობისგან გათავისუფლებას ძეგლების აღებით ცდილობს. არადა, ტოტალიტარული სისტემის გავლენა ყველაზე კარგად სწორედ წარსულისადმი ასეთი, შეიძლება ითქვას, გულუბრყვილო დამოკიდებულებით ვლინდება.

ლაშა კალანდაძე

2008 წლის შემოდგომაზე ჩემი უფროსი მეგობარი მიმტკიცებდა, – აგვისტოს ომი გარდამტეხი აღმოჩნდება ქართული საზოგადოებისთვის, აუცილებლად დაიწყება ღირებულებათა გადაფასება, ადამიანები მიხედვიან, რომ აზროვნებაში რაღაც ფუნდამენტურია შესაცვლელი. მართლაც რომ ვთქვათ, ერთგვარი კათარზისის იმედი ჰქონდა.

გახსოვთ ალბათ ომამდე, როგორი აზარტით ეძებდა და პოულობდა სრულიად საქართველოს საზოგადოება, ხელისუფლებასთან ერთად, ქვეყნის მოლატეხებს, როგორ აკრავდა ზოგი კონკრეტულ პიროვნებებს „აგენტის“ იარაღს, ზოგიც კი ამორებდა. იმის მიუხედავად, ვის მხარეს იყავი, ბრალდებულებისა თუ ბრალდებულების, ასეთი შოუები გვართობდა, სიცარიელეს გვევსებდა, როგორც ბაბუაჩემი იტყოდა, გულს გვფხანდა. აბა, რა ჯობია ასეთ საჯარო გასამართლებებს, დებატებს, თამაშებს, რომლებსაც აუცილებლად ეყოლება გამარჯვებული; რატომ არ მოგინდება ამ ყველაფერში მონაწილეობის მიღება და გულის გადაყოლება, თანაც ვინ იცის, იქნებ გამარჯვებულთა რიგებშიც აღმოჩნდე.

ომის შემდგომ აგენტების ძებნისთვის თავი არ დაგვიჩენებია – პირიქით. მაგრამ რაღაცნაირად თითქოს მაინც მოძველდა, აღარ ქრის, ალბათ იმიტომ, რომ წესები ყველასათვის ცნობილი გახდა.

აგვისტოს ომის შემდგომ, სხვა თამაში დაიწყო – ახალი ტიპის „დამნაშავეების“ ძიება, ოღონდ საქმე არა პიროვნებებს, არამედ მათ ნეშტებს ეხება.

თავდაპირველად ასეთი დამნაშავე გორის ცენტრალურ მოედანზე მდგარი სტალინის ძეგლი აღმოჩნდა. მისი ადგილსამყოფელის ლეგიტიმურობაზე საუბარი თავიდან ვეხსიერებ, „ფიესბუქზე“ და ფორუმებზე დაიწყო, შეგროვდა ხელმოწერები; საზოგადოების ერთი ნაწილის მოთხოვნა გადაეგზავნა მთავრობას, მიუხედავად იმისა, რომ ეს იდეა თავად ხელისუფლების წარმომადგენლების ერთ ნაწილს ეკუთვნის, რაც არ დამალა გიგა ზედანიამ გოგი გვახარაის გადაცემაში. შემდეგ იყო

პრესა და ტელევიზია, იქ გამართული დებატები, მსჯელობა ძეგლზე, მის გავლენებზე, რუსეთის მიერ დაბომბილ გორზე, იმავე გორში ქვაში განკაცებულ სტალინზე. პო, სიმბოლოები ამ შემთხვევაშიც აქტუალური გახლდათ, ისევე, როგორც ქართველი ლიბერალ-პატრიოტების შედარებით ახალ მოთხოვნაში, რომელიც ჯერ კიდევ დამუშავების სტადიაშია, ანუ ვებსივრცეში განიხილება.

ამჯერად საზოგადოების გარკვეულ ნაწილს ჯაბა იოსელიანის საფლავიდან ამოთხრა (პირდაპირი მნიშვნელობით!) სურს. არ გეგონოთ, რომ „მხედრიონის“ ყოფილი ლიდერისთვის ვინმეს საფლავი ენანება. საქმე ისაა, რომ ესოდენ ნეგატიური მოგონებების აღმძვრელი ჯაბა იოსელიანი ქართველებისთვის ისეთ პრესტიჟულ ადგილას განისვენებს, როგორც დიდუბის პანთეონია. თუ ამ მოთხოვნის მხარდამჭერთა ნაწილის ვინაობა იცით, უთუოდ ღიმილს მოგვკრით, რომ ისინი ზუსტად ისეთივე მაღალი წარმოდგენის ბრძანდებიან პანთეონებზე, როგორც, ვთქვათ, გუბაზ სანიკიძე; მთანმინდა ისეთი ადგილია, შემოთავაზების შემთხვევაში ცოცხლად უნდა დამარხოო, – რომ ბრძანა.

შესაძლოა, იოსელიანის ამოთხრის მსურველები საკუთარი შეცდომის გამოსწორებასაც ცდილობენ, რაღაცნაირად გაეპარათ ეს უღირსი კაცი ღირსთა მიწაზე. მკვდრების გადაწვლა ხომ ერთ-ერთი მნიშვნელოვანი საკითხია, რომელიც მუდმივად აწუხებს საქართველოს. სამწუხაროა, რომ თენგიზ აბულაძემ თავისი „მონანიები“ სერიოზული დაღი დასავა ქართულ საზოგადოების ცნობიერებას – საბჭოთას, ცუდის ამოთხრის მაგალითი მისცა.

ქართველი ლიბერალების კიდევ ერთ გატაცებად საბჭოთა პერალდიკა იქცა, გაიხსნა თემები და შეიქმნა ჯგუფები, სახელმწიფო შენობებიდან კომუნისტური სიმბოლიკების მოხსნის მოთხოვნით. ხოლო მას შემდეგ, რაც პოლონეთმა საბჭოთა სიმბოლიკის აკრძალვის შესახებ მიიღო კანონი, ამ იდეას სწრაფადვე გამოუჩნდნენ მხარდამჭერები. როგორც ხედავთ, ქართველი ინტელექტუალების ერთ ნაწილს საკმაოდ სერიოზული ბრძოლა აქვს გაჩაღებული ძეგლებისა და მკვდრების წინააღმდეგ. ეს ყველაფერი მართლაც ემსგავსება თამაშს, მოსამზადებელ-გასახურებელი ეტაპით, საკმარისი რაოდენობის მხარდამჭერების შემთხვევაში კი, უფრო ფართო ასპარეზზე გატანით, თავისი დამატებითი დროითა და პენალტების სერიით.

როგორც თავად მონაწილეები ამბობენ, ასეთი თამაშები საბჭოთა ან ცუდი (იოსელიანის შემთხვევაში) წარსულისგან გამიჯვნას ემსახურება. სწორედ გამიჯვნას და არა პასუხისმგებლობის გაზიარებას. აგვისტოს ომის შემდგომ სტალინის ძეგლის აღების მოთხოვნა ქმნის შთაბეჭდილებას, რომ საბჭოთა კავშირისგან თავის დაღწევა იმდენად ვკლავს, რამდენადაც ის რუსეთთანა დაკავშირებული. სამწუხაროდ, პრობლემა ისევ დროშებსა და ძეგლებშია და არა ღირებულებებში. დამოკიდებულება მონუმენტური, პიროვნების გამაფრთხილებელი ხელოვნების, სიმბოლიკებისა და პანთეონების მიმართ კი არ იცვლება, არამედ კონკრეტული პიროვნებების, რომლებიც ან ქვაში არიან ჩაკირულნი, ანაც მიწაში ჩაფლულნი.

მთავარი ხდება არა საზოგადოების ჩამოყალიბება, გათვითცნობიერება ან გარდაქმნა, არამედ არასასურველი ნივთებისა და ნეშტების თვალრიდან მოცილება, გადაამალვა. აგენტებისა და მოლატეხების ძებნაში განაფულ ქართულ ხელისუფლებას ლუსტრაციის კანონი ჯერაც არ მიუღია, აღარაფერს ვამბობ ერთგვარ, მცირე მასშტაბის „ნიუნბერგის პროცესზე“, სადაც არა უბრალოდ კონკრეტული პიროვნებების, არამედ ზოგადად საბჭოთა კავშირის, უმთავრესად კი ქართული საბჭოთა ისტორიის გასამართლება მოხდებოდა. ეს, რასაკვირველია, ბევრად უფრო ძნელია, ვიდრე კვარცხლბეკზე მდგარი და საფლავში მწოლიარე საფრთხეებთან გამკლავება.

მე პირადად ასეთი მოთხოვნები (სტალინის გადატანა, ჯაბას ამოთხრა, სიმბოლიკის აკრძალვა) უფრო მეტად მახსენებს და მახსლოებს „ბოროტების იმპერიასთან“, თუნდაც იმიტომ, რომ საბჭოთა ღირებულებებისა და დამოკიდებულებებისგან თავისუფალი საზოგადოება ძეგლებს, მკვდრებსა და დროშებს არ დაუწყებს ბრძოლას. ■



რადიო „ასწოები“ გეკატეხებათ
კლუბში „ასწოები“

- ტრადიციული ქართული საზარკულო
- სოცხალი მუსიკა






ჩემი სხვაობის დავობი სხვაყოფილებაა.

ნებისმიერი აუდიტორია იმსახურებს იმას, რომ მხოლოდ საუკეთესო მუსიკას მოესმინოს. ამიტომ, ველაფერი რაც მეორე ხარისხოვანია, ჩემთვისაც მიუღებელია. მე ვირჩევ American Express®-ს, ესე იგი, ვირჩევ საუკეთესოს. ის ზუსტად გეგმავს ჩემს მოგზაურობას, მთავაზობს სრულ სერვისს, დაწვებული ავია რეისებიდან და სასტუმროებიდან, დამთავრებული ავტომობილის ჰირაობითა და მსოფლიო კრედიტის მოწოდებით.

ჩემი ცხოვრება ხელოვნებაა. ჩემი საკრედიტო ბარათი მისი სრულყოფის საშუალებაა.

იცხოვრეთ უკეთესად, აიღეთ ბარათი.
დარეკეთ ნომერზე: 444 300 ან ეწვიეთ
გებ-გვერდს: www.americanexpress.ge



American Express®-ის ექსკლუზიური წარმომადგენელი.